

WANTOK

NIUSPEPA BILONG YUMI OL PAPUA NIUGINI STRET! 30 YIA NAU

44 pes Namba 1,355 Wik i stat long Fonde Jun 15, 2000 70t

Insait

**Inglan helpim PNG
Midla Kaunsel**
-pes 2

**Gavana laik mekim wansait
disisen long praivetaisesen**
-pes 3

**Lam redi long
Jonim Wigan**
-pes 16



Wol Beng, IMF na ol Pren bilong PNG givim K732 milien long PNG

**WENCESLAUS MAGUN
i raitim**

WOL Beng, Intanesenel Monitori Fan, na ol Pren Bilong Papua Niugini i promis long givim K731,707,317 milien (\$US300 milien) long PNG long dispela yia na long narapela yia, Praim Minista Sir Mekere Morauta i tokim ol nius manmeri long Palamen aste.

Sir Mekere i tokaut olsem Intanesenel Monitori Fan bai givim samting olsem K280 milien (\$US115 milien) olsem sapot pe, Wol Beng bai givim samting olsem K219 milien (\$US90 milien) olsem wanpela Straksurel Edjasmen dinau, Japan bai givim samting olsem K121 milien (\$US50 milein) aninit long Straksurel Edjasmen dinau, Australia bai givim samting olsem K73 milien (\$US30 milien) aninit long Straksurel

Edjasmen dinau, na Yurupien Yunien bai givim samting olsem K12 milien (\$US5 milien).

"Dispela em moa mani bilong imejensi helpim Australia i bin givim las yia, long mak bilong K195 milien (\$US80 milien) bilong sapotim kina na K41 milien (\$US17 milien) olsem baset sapot grant, na China i givim K12 milien (\$US5 milien) mani," Sir Mekere i tok.

Em i tok ol bod memba bilong Wol Beng i luksave na amamas long ol kondisen Gavman bilong PNG i bin givim Wol Beng long kisim dispela dinau mani.

Em i tok ol kondisen bilong kisim dispela dinau mani em Gavman bilong PNG yet i mekim na givim i go long Wol Beng na i no ol kondisen Wol Beng i mekim na suvim i kam long PNG long bihainim.

"Wol Beng Bod i sapotim tru rifom program bilong Gavman, na i luksave long ol gutpela

samting dispela paket (Straksurel Rifom Program) inap helpim olgeta pipel bilong Papua Niugini," Sir Mekere i tok.

Em i tok Wol Beng i amamas long Gavman long stretim bek hevi bilong mani kantri i bin bungim long longpela taim.

Sir Mekere i tok tu olsem taim Gavman bilong em i kisim pawa ol i bin stat long kamapim gutpela pasin bilong wok bung wataim ol arapela kantri long wol na nau planti ol sevis we ol arapela kantri i save givim i stat long kam bek gen antap long dinau mani bilong Straksurel Rifom Program.

Sir Mekere i tok Wol Beng, IMF na ol pren bilong PNG i givim mani pinis long PNG. Wok i stap nau long han bilong Gavman na olgeta pipel bilong PNG long lukim olsem ol polisi na wanem wok i stap insait long Straksurel Edjasmen Program i karim kaikai.



Gutpela pren tasol lukaut! em bai kaikaim yu ya! • Yangpela Moses Gigmai i holim Moscow, gutpela pren bilong em, retpela kakaruk. Noken ting olsem Moscow i kakaruk nating, nogat. Wankain olsem ol dok, em gat nem long raunim na kaikaim ol man. Ol meri na pikinini i save kisim taim long taim ol i go insait long banis bilong em wantaim ol was hauslain bilong em long Edmin Kompaun long Lae. *Poto: Sape Metta.*

Beng intres bai kam daun: Morauta

JOE KANEKANE i raitim

PRAIM minista Sir Mekere Morauta i tok aut asde olsem ol bikpela intres na prais bilong ol kaikai we nau planti ol pipel i wok long kisim hevi long en bai kam daun long ol wik i kam bihain.

Sir Mekere i tok aut kantri nau i gat planti mani insait long paus bilong em na dispela bai halivim ol pipel husat i wok long kisim taim long ol beng na tu long prais bilong ol kaikai.

Em i tokim ol niusman long wanpela bung olsem

Wol Beng olsem i oraitim pinis US\$90 milien long PNG i ken yusim ol kirapim sampela bikpela wok i long kantri we ol i no inap wokim bipo.

"Mi laik tok olsem bai ol pipel i lukim sampela senis i kamap long long dispela tupela eria tasol em bai kisim taim long kisim bek mak we gavman i laikim kantri long stap long en," Sir Mekere i tok.

Em i tok wantaim long mani we Wol Beng i givim, Austrelia, Yurupien Yunien, China, Japan na ol narapela pren bilong PNG i kamapim pinis sam-

I go moa long pes 2

Nestlé MILO IKEN WOKIM GUTPELA SAMTING LONG YU

NIUGINI AILAN NIUS

Japan skruim helpim long Bogenvil

VERONICA HATUTASI i raitim

KANTRI Japan i givim moa helpim long Bogenvil bilong sapatim wok bilong kamapim gutpela sindaun na tu developmen long ailan. Ambasadatsuo Tanaka i bin tok.

Long dispela wik, Bogenvil Gavana John Momis na Ambasadatsuo Tanaka i bin sainim wanpela agrimen we aninit long en. Gavman bilong Japan i givim K690,000 helpim long go hetim foapela projek we bai skruim ol wok bilong stretim ples, kamapim gutpela sindaun na developmen long ailan.

Foapela projek we bai dispela helpim mani i go long en em long:

- Foapela pis ka we ol man i stap insait long dispela wok bai yusim long helpim skruim wok long Buka na Kunua distrik. Mani

ol i katim long dispela projek em long K244,920

- Ol i katim K231,513 bilong helpim CODE skul o Kolis bilong Disten Edukesen long Bogenvil. Ol samting we bai dispela hap mani i karamapim em long sanapim wanpela haus bilong wokman bilong CODE, baim wanpela ka bilong yusim long wok, wanpela printing mesin na wanpela CODE woksop we bai ol i holim long dispela yia

- Sanapim foapela somil na foapela senso long Buka Buin na Arawa bilong sanapim bek ol skul, etpos na ol arapela sevis bilding. Ol i katim K137,074 long dispela projek na

- Ol i katim K73,044 i go long rais projek. Ol bai sanapim sikspla rais han mesin long Buin, Arawa, Tonu, Nagovis na Tinputz bilong sapatim ol rais projek we ol i gat long ol eria ya.

Mista Tanaka i bin tok Japan i laik joinim ol arapela dona kantri

long helpim Bogenvil na dispela em i stat tasol long moa wok bung wantaim na helpim we bai em (Japan) i givim long ol taim i kam

Em bin tok Japan i no bin givim bikpela helpim pastaim bikos ples i no bin orait tumas. Tasol nau sindaun i wok long kamap orait na ol pipel i laikim helpim long go hetim ol wok long mekim sindaun bilong ol i gutpela. Long dispela na nau tasol Japan i skruim helpim bilong em i go long ol pipel bilong Bogenvil.

Gavana Momis taim em i tok tenkyu long Gavman bilong Japan long sapat bilong em i bin tok ol Bogenvil pipel i laik lukim samting tru long wok bilong apinim gutpela sindaun na dispela em wanpela long ol.

Em bin tok dispela helpim bai skruim ol wok developmen na patnasp bihainim sispai agrimen long 1998, Loloata na Getwe Agrimen long dispela yia.

BRA lida tok ol no stap insait long Solomon Ailan hevi

OL BOGENVIL Revoluseneri Ami lida long ailan i tok i no ol lain bilong ol i kamapim meknais long Solomon Ailan long dispela wik.

Long dispela wik Mande, ol ripot i bin olsem Ol BRA i tekova long Gizo taun na katim ol telipon lain na tu kilim dai wanpela man Malaita long Gizo.

Ol BRA i go insait long hevi bikos ol bin laik helpim ol wanpin bilong ol long Guadalkanal husat nau i stap

long hevi wantaim ol Malaita Ailan pipel

Wanpela BRA mausman long Buka Robinson Asotau i tok samting tru em wanpela man Buin husat i marit long Vella-Lavela na ol lain bilong em i bin wokim dispela na i no ol BRA.

Em bin tok ol BRA i no insait long dispela pait long Solomon Ailan bikos ol i stap nau long wok bilong stretim gutpela sindaun long Bogenvil wantaim Nesenei Gavman.

Wes Nu Briten bai save long nupela rijinel memba long Sarere

OL PIPEL bilong Wes Nu Briten bai save long nupela rijinel memba na gavana bilong ol long dispela Sarere.

Ol ripot i kam long Wes Nu Briten i tok olgeta wok long bai ileksen bai pinis long Fraide nait na ol bai tokaut long wina long Sarere moning.

"Wok bilong bai ileksen i go gut tasol long olgeta hap bilong provins long namba tu na las wik bilong en. Ol polling opisa i karimaut ol wok bihainim taim tebol bilong ol, ol kempain wok i bin go gut na long planti eria, planti pipel i bin go na

putim vot bilong ol.

"Long ol welpam na setelmen blok long Kimbe taun, Bialla, Hoskins we planti kendidet i bin sanap resis, planti manmeri na ol wanpin i bin go putim vot. Wankain tu long sautkos eria olsem Kendrien na Gasmata. Tasol long Talasea we tripela kendidet tasol i sanap, ol pipel i no bin bisi tumas.

"Long Kimbe taun, olgeta wok i pinis na nau ol i wetim tasol ol poling opisa long ol rurel eria long go bek wantaim ol vot pepa.

"Kaunim ol vot bai

pinis long Fraide biknait na long Sarere moning, ol bai tokaut long wina," ripot i tok.

Ripot i tok dispela hevi i bin kamap long Kalai/Kove long las wik Tunde we sampela sapota bilong wanpela kendidet i bin wokim nabaut long ol vota em ol bin stretim na vot i bin go gut tasol.

Ripot i tok plis i bin holim pasim na kwestenim na larim i go fri man husat i bin wokim bikhet pasin long dispela taim na ritening opisa i bin go hetim wok bilong bai ileksen long dispela eria long las wik Trinde yet.



• CODE Kodineta bilong Bogenvil John Masiu, Ambaseda Tatsuo Tanaka, Gavana John Momis na Nesenei CODE Dairekta. Mista Tanaka na Gavana Momis i sainim MOU agrimen na ol i sekan. Foto: Isaac Ikuavi.

Biabia

BIABIA GO LONG TABUBIL NA SILIP LONG HOTEL...

CLOUDLANDS HOTEL

AH, TABUBIL! FIT NATING!!

BAGA TING EM SILIP LONG MOSBI NA EM I NO TINGIM TAIM BILONG BREKFAST...

ZZZZZ

EM KIRAP LONG TEN KILOK LONG MONING NA EM HANGERE TRU...

UH..OH.. TEN KILOK.. MI GO BREKFAST PASTAIM..

EM SENIS NA GO LONG RESTRONT..

EH, BOSS.. MI LAIK BEIKAN NA EGG.. T-BONSTEK...

YU TING EM WANEM TAIM NAU, AHE?

SAPOS YU LAIK KAIKA, KIRAP LONG 5.30AM! IND TENKILOK!! SORI, WI KLIOUS ET 9.30.. KAM LONG BELO!

TRU AHZ?

CLOUDLAND RESTRONT

Ripot tok Bogenvil hevi skruim sosel hevi long Solomon Ailan

NAU taim ol tok i sut long ol Bogenvil Revoluseneri Ami paitman i go insait long hevi long Solomon Ailan, ol ripot we Wantok i kisim long Honiara i tok ol (BRA) bin kisim i go sampela samting we i no gutpela na i skruim ol soses! hevi insait long sampela komyuniti na sosaiti.

Dispela ol samting we i kapsait long Bogenvil i go long bodamak bilong Solomon Ailan em bai kamapim ol long tem hevi na long sosel sait na tu long sait bilong lo na oda.

Ripot i tok ol BRA i bin skulim ol yangpela man long Westen provins (Solomon Ailan) long wokim ol homed gan. Na ol bai yusim dispela save taim ol kain hevi i kamap na i no gutpela.


Ripot i tok tu olsem narapela samting we bipo long Bogenvil hevi

i kapsait i go long Solomon Ailan i no stap em hevi long ol strongpela drag olsem mariwana.


"Taim hevi i go long narapela sait bilong Solomon Ailan bodamak, ol BRA i skulim ol yangpela long narapela sait long planim na yusim mariwana.

"Long namba wan taim tu, ol plis i bin redim ol gaden mariwana klostu long Homiara, sampela hap bilong Guadalkanal na Westen provins.

"Bipo, Solomon Ailan i no bin gat hevi long ol strongpela drag. Hevi we ol plis na ol lain i lukautim lo na oda i bin bungim long ol taim Bogenvil hevi i kamap yet em long sampela liklik sip bilong ol ovasis lain, moa yet ol Asia lain, we i save yusim ol liklik ailan i stap longwe olsem ol drop of na pikap poin bilong ol drag," ripot i tok.



SEPIK NIUS



Banyak ples i kisim K18,000 helpim mani

BANYAK ples insait long Is Sepik provins i bin kisim helpim mani klostu long K18,000 olgeta long ol wok bilong ples long las wik Fonde. K5000 em ol meri i kisim pinis long helpim ol wantaim ol wok bilong ol long ples. Dispela mani em Gavana bilong Sauten Hailans provins Anderson Agiru i givim ol.

Long Fonde Minerel Risos Developmen Kopresen (MRDC) i givim K5,000 olgeta long helpim Walt Wala Katolik haus lotu bilong Banyak ples. MRDC ekting Menesing Dairekta Michael Baitia i givim tu sek mani bilong Petroleum

Resource Kutubu na Petroleum Gas long Banyak ples tu.

Petroleum Resource Kutubu i givim K5,000 i go long helpim Walt Wala klinik na Petroleum Gas i givim K3,000 i go long helpim Banyak Komyuniti Skul laibri.

Bungim olgeta mani wantaim i olsem K18,000 olgeta em Banyak ples i kisim.

Gavana bilong Is Sepik provins Arthur Somare i bin witnesim dispela na tok amamas long ol lain ya long givim dispela helpim mani long dispela ples.

Em i tok amamas i go

long MRDC, Gavana Anderson Agiru na Seketeri bilong Mining na Petroleum Joe Gabut na ol pipel bilong Gobe na Petroleum Resource long kamap wantaim dispela helpim.

Spika bilong Palamen Bernard Narokobi i tok ples Banyak em wanpela hatpela ples we i save sot long ol helpim na sevis olsem na dispela mani inap helpim ol pipel ya i kamapim sampela gutpela wok bilong helpim ol yet. Mista Narokobi na seketeri bilong Mining na Petroleum Joe Gabut i bilong dispela ples.

Ol Nuku Katolik meri kisim lidasip trening

ADAM ELLIOTT i raitim

OL MERI long Nuku Dineri i sanapim pinis ol komyuniti program bilong ol na Katolik Daiosis bilong Aitape i givim sapot na helpim long kari-maut ol program ya.

Meri i go pas long Daiosis helpim grup em long Ludwina Keino husat i Wimens Program Kodineta bilong Daiosis.

Misis Kino i tok bhain long las tupela yia bagarap bilong sunami i kamap daiosis nau i

wok long traim helpim ol meri kirapim bek ol program bilong ol.

Insait long las tupela kris-mas, Gavman i bin statim wanpela rifom program we i laikim ol sevis i mas kamap long ol eria o ples ol pipel i laikim.

Long dispela rot na moa pipel i ken kisim helpim.

Em i to daiosis i wok long kisim ol Katolik meri grup long go insait long gavman rifom program we i skruim fokus bilong em long helpim ol meri insait long ol rurel eria

na i no long wan wan rijen tasol.

Em i tok ol save ranim ol program bilong ol long ol rurel eria tasol ol i wok long glasim na skelim ol program long lukim olsem ol i gutpela long ol.

Misis Kino i bin ranim sampela woksop bilong skruim save long lidasip wok na ol meri i ken karimaut ol program bilong ol.

Samting olsem 26 meri i makim ol peris long Nuku Dineri i bin sindaun long woksop we em bin ranim.

Hevi bilong kaikai long Raihu haus sik kisim sapot bilong Eddy Saweni

MEMBA bilong Aitape Lumi Eddie Saweni i bin givim K10,000 long Raihu haus sik long las wik Mande bikos haus sik i bungim hevi long kaikai.

Dispela mani bai i go long baim ol kaikai long sevim 120 sik manmeri husat i stap nau long haus sik bikos kaikai i sot na planti itingting long go bek long ples bilong ol wanwan.

Dispela em i namba wan raun Mista Saweni i mekim i go long Aitape bhain tupela krismas olgeta em i no bin go long hap. Olsem na em i tok em i amamas tru long lukim gutpela wok ol wokmanmeri bilong Raihu haus sik i wok long mekim.

Mista Saweni i tok em i bin kisim toksave long pas i kam long Raihu haus sik olsem ol i sot tru long kaikai bilong givim ol sikmanmeri. Olsem na em i bekim dispela pas na yusim mani bilong Rurel Developmen Fan (EDF).

Mista Saweni i tok em i no bin kamap long Aitape tupela krismas olgeta bikos em i pilim olsem em i mas mekim ol bikipela wok i stap long nesenel level. Taim ol dispela wok i karim kaikai bai inap helpim tru ilektoret bilong em long bhain taim.

I gat bikipela sot tru long mani bilong kari-maut wok bilong helt sevis long Aitape, Nuku na Lumi eria na ol lokol helt woka i no amamas tru bikos i nogat sapot i kam long provin-sal gavman.

Polisi bilong gavman nau i stap klia em long sevis i mas go long ol pipel bilong ples, Mista Saweni i tok.

Raihu haus sik i save kisim olsem 12-pela ol bikipela sikmanmeri long wanpela mun i kam long Nuku, Lumi na Anguganak na i save givim ol obstetric x-ray, surgery, physiotherapy na pathology sevis.

Taim mi bin kisim pas long helpim Aitape haus sik, mi go lukim memba bilong Nuku Andrew Kumbakor. Na em i tok em i bin givim pinis K2,000 tasol mi pilim olsem dispela mani i no inap bikos mi laikim em i mas givim wankain mani olsem mi givim bai bai dispela inap kamapim gutpela helpim long ol sikman-meri long haus sik, Mista Saweni i tok.

Mista Saweni i tokim ol wokman bilong Raihu haus sik olsem raitim rekot em bikipela samting long soim ol projek we mani i ken go long en. Em i tok sapos ol ripot i kamap bhainim taim stret em bai isi long Raihu haus sik i ken kisim gut mani long bhain taim.

Mi harim ol gutpela wok i bin kamap long hia long taim bilong solwara i bagarapim ples na mi save long ol gutpela wok yupela i wok long mekim. Mi save i no bin isi tasol sapos mipela i wok wantaim bai mipela i ken kamapim moa, Mista Saweni i tok.

Wanpela mausman bilong haus sik i tok taim Raihu haus sik i op i go bikipela, ol sevis we haus sik i ken givim, helt kea long sentrel Sandaun provins i wok long kos moa mani.

Mipela i ken lukautim ol sikmanmeri hia long Raihu na i no inap salim ol i go long Vanimo olsem bipo. Taim em bai i hat tru long sevim wanpela sikman o meri husat i gat sik bun nating taim mipela i no inap givim kaikai long em, mausman ya i tok.

Ol pipel i no laikim planti samting. Sampela susu na sampela liklik kaikai em inap. Tasol sapos mipela i no givim ol kaikai, ol i laik go bek long ples, em i tok.


Mausman ya i tok bil bilong kaikai nau i olsem K500 wanpela mun. K10,000 em inap long stretim sampela dinau ol i gat pinis long kisim ol kaikai.

Long Aitape yet Mista Saweni i givim K6,800 long 68 skul meri husat i bin lusim ol kago na ol samting bilong ol long bikipela paia long St Ignatius Sekenderi Skul.

Mista Saweni i givim tu K5,000 i go long Aitape plis stesin long opim gen plis stesin long hap taim stesin i bin pas tupela wik i go pinis bikos pablik helt opis i pasim plis stesin.

Mista Saweni i tok i gat K1. 5 milien i stap bilong Aitape Lumi eria insait long Rurel Developmen Fan we memba i ken kisim anint long Memba Diskreseneri Fan.

Long Trinde Mista Saweni i go long Vanimo long Provinsal Developmen Forum. Em bai go bek long Aitape long dispela Sarere na go raun long Tumleo, Seleo na Ali Ailan.



• Spika Bernard Narokobi (lephan) na Is Sepik Gavana (namel) Arthur Somare i kism K13,000 i kam long ekting menesing dairekta bilong MRDC Michael Baitia. Dispela mani i bilong ol Banyak pipel long Is Sepik provins. K5,000 em ol meri i kisim pinis. Foto: Ivan Bayagau.

Man indai long saksak

PEKU PILIMBO i raitim

Plis insait long Is Sepik provins i holim pasim pinis tripela man husat i kilim indai man na sasim ol.

Long wanpela bilong dispela tupela ripot i go long plis, Provinsel Plis Komanda Supirintendent Leo Kabilo i bin tok olsem wanpela man bilong Yangoru i bin dai bhainim wanpela kros pait i kamap namel long wanpela liklik saksak.

Plis i holim pasim bikipela

brata bilong man husat i dai na narapela man we plis bilip olsem tupela i bin stap wantaim na kilim dispela man i dai.

Dispela tupela man nau i stap long han bilong ol plis na bhain bai tupela i kamap long kot long ansarim ol dispela sas plis i putim long tupela.

Long narapela kain birua olsem i bin kamap, Komanda Kabilo i tok olsem wanpela meri i bin dai long ol bagarap em i kisim bhain long man bilong em i paitim na

hamarim em. Dispela i bin kamap bhain long wanpela famili kros namel long tupela manmeri na man i bin kilim meri bilong em.

Plis i holimpasim man bilong meri indai pinis na sasim em pinis. Nau yet man i stap long han bilong ol plis na i wet tasol i stap bilong kamap long kot.

Supirintendent Kabilo i bin tok long dispela wik stat long Jun 14 i kam i bin nogat wanpela bikipela hevi ol pipel i ripot long plis.


BEEF CRACKERS

IGAT kick!

HEPI BIRTHDAY

25% MORE

5 BISKETS INSIDE-1 FREE



HAILANS NUIS



WHP meri lida laikim ol meri wok strong

TIMOTHY AIMS i ratim

PRESIDEN bilong Western Hailens Provinsal Wimen Kansol Paula Mek i askim ol meri long wok strong na soim ol man olsem ol tu i ken wokim ol bikpela wok.

Misis Mek i tok planti taim ol meri i save larim ol man i go pas long disisen bilong laip bilong ol na ol

yet i no save mekim ol wok ol i laikim.

Em i tok nau em i taim bilong ol meri long sanap strong na mekim wok na lusim dispela tingting.

"Yumi ol meri i ken soim ol man olsem yumi tu inap long wokim wok ol i wokim. Noken daunim yu yet, opim ai na wokim samting," Misis Mek i tok.

Em i mekim dispela toktok taim

em i lonsim tripela asosiesen bilong ol meri long Bolba, Blu Ban Bee na Malbanga long Bolba viles.

Em i tok Western Hailens provin-sel gavman i putim sampela mani i stap long ol mama long yusim na ol i noken yusim ol arapela samting.

Em i askim ol papa na ol pikinini long sapatim wok bilong ol mama na noken wokim ol pasin long bagarapim tingting bilong ol.

Nondugl pipel kisim strongpela toktok long wok hat

OL pipel bilong Nondugl long Westen Hailans provins i kisim strongpela toktok long mekim wok long graun bilong ol long kamapim ol samting na i no ken sindaun na askim gavman long givim samting long ol.

Deputi Praim Minista na Minista bilong Agrikalsa na

Laivstok Mao Zeming i tokim ol pipel olsem kantri Papua Niugini i bungim planti bikpela hat taim long sait bilong mani. Olsem na olgeta manmeri i mas wok strong na hat nau long dispela taim bilong hevi.

Mista Zeming i tok strong long ol manmeri long noken westim taim bilong ol long ol pilai nabaut olsem pilai kas, bingo, dat bot na ol arapela samting we i no kamapim wanpela gutpela helpim long ol.

Yupela i mas wok moa long kopi gaden, planim ol kumu na gaden kaikai bilong salim long maket na yupela yet tu i ken kaikai. Mista Zeming i mekim dispela toktok long moa long 5,000 manmeri long Kaming taim ol i givim nupela plis ka i go long Nondugl plis.

Deputi Praim Minista i givim tu K20,000 i go long helpim ol pipel long wokim nupela klasrum long Kaming na tu em i opim nupela helt senta. Nesenel momba bilong ol,

Dokta Fabian Pok i tokaut long ol pipel olsem ol i mas lukautim gut ol samting bilong gavman we gavman i givim ol long yusim long helpim ol.

Dokta Pok i tokim ol pipel olsem sapos ol i no lukautim gut ol ka bilong gavman, haus bilong gavman na ol arapela gavman sevis, i nogat narapela man moa bai bungim hevi tasol ol pipel yet.

Yumi tasol bai kisim helpim long ol dispela sevis olsem na em i bikpela samting long yumi lukautim ol gut, em i tokim ol pipel.

Ol arapela nesenel lida husat i go wantaim Mista Zeming long Nondugl em Minista bilong Fores Michael Ogio, Minista bilong Difens Muki Taranupi, Minista bilong Pablik Sevis lairo Lasaro, Vais Minista bilong Treseri Puri Ruing na Vais Minista bilong Stet Kuk Kuli. Wantaim ol tu em olpela Praim Minista Paias Wingti na Sief ov Staf long opis bilong Praim Minista Dokta Jacob Jumogot.

Helt minista no wanbel long pasin bilong soldia

MINISTA bilong Helt Ludger Mond i tok em i no wanbel long pasin sampela soldia i wokim taim ol i bagarapim wanpela et pos long wanpela viles arere long taun.

Mista Mond i tok em bai putim wanpela komplek long Minista bilong Difens Muki Taranupi long dispela pasin we em i pilim olsem ol disiplin lain i no inap long wokim.

Gavana bilong Westen Hailens Pater Robert Lak i tok em i no save long as we ol soldia i givim long kamapim dispela birua.

Em i tok olsem gavana bilong provins em i bin kisim toksave long dispela pasin bipo long ol soldia i wokim dispela pasin.

"Dispela kain pasin ol soldia i no inap long wokim na mi kirap nogut long lukim olsem ol i wokim pasin olsem," Pater Lak i tok.

Em i tok gavman bilong em i luksave long wok bilong helt na i save givim helpim long dispela senta tasol dispela kain pagarap i no gutpela.

Pater Lak i tok ol lain i go pas long difens dipatmen i mas

painimaut dispela ol opisa na givim mekim save long wanem ami i kisim nem nogut.

Ol papagraun i tok dispela graun we ol ami i toktok long em i no bilong gavman long wanem em i stap aninit long kastomari taitel.

Man husat i makim maus bilong ol papagraun, Kitts Kelly i tok gavman i no peim dispela graun na bilong wanem na dispela pasin i kamap.

Mista Kelly i tok em i no klia long as tingting bilong putim dispela ami beis sapos ol soldia

bai wokim dispela kain pasin.

"Ol i kam long hia long wokim wok o kam bagarapim ol samting bilong mipela?" mista Kelly i tok.

Em i tok dispela aid pos i halivim klostu olsem 10,000 pipel long Kapal, Ku na Banz. Em i tok nau olsem dispela i bagarapim em i no save ol pipel bai go we sapos ol i kisim bagarap.

Ol pipel long dispela hap i makim tripela hap na askim helt dipatmen long kisim ami long wokim nupela aid pos.



YAMAHA OUTBOARD MOTORS

BA YU INAP BILIP LONG DISPELA GUTPELA OFA LONG MAKIM PINISIM DISPELA FAINENSEL YIA LIKLIK TAIM LONG OFA*

ELA MOTORS I GAT OL KAIN KAIN YAMAHA OUTBOARD MOTORS LONG SALIM LONG MAKIM PINIS DISPELA FAINENSEL YIA SPESOL



Go long Ela Motors na askim ol long 15hp o 25hp outboard motor nau. Liklik taim long ofa, na prais, long dispela mum tasol !

HARIAP KAM KISIM TAIM OL SAMTIN STAP YET !

KAM LUKIM MIPELA LONG DISPELA OFA NAU...O KEN RINGIM MIPELA LONG ELA MOTORS LONG OLGETA HAP !

LONG DISPELA MUN TASOL !

*BILONG OUTBOARDS YU KISIM, O BAIM NA OL I SALIM I KAM LONG YU BIPO 30th JUNE 2000.



Ela Motors
YAMAHA



MADANG NIUS



Madang nius wantaim WENCESLAUS MAGUN

Ol ples long Bogia bai kisim senso

MEMBA bilong Bogia Bernard Mollok i tok em i gat tingting long baim senso na tilim long wan wan ples insait long ilektoret bilong em.

Astingting bilong mekim dispela em long helpim ol pipel long yusim ol dispela senso long katim diwai long bus bilong ol na wokim gutpela ol haus na sapos i gat inap ol i ken

salim long kisim mani.

Em i tok tu olsem ol pipel bilong Bogia i ken salim ol timba bilong ol i go long lokol ekspot kampani bilong ol yet, 'Muam Fores Risoses Baia na Ekspota' na i no mas wari long painim maket o go olgeta long Sek o Madang taun long salim timba bilong ol.

Mista Mollok i redim pinis wanpela faiv yia

developmen plen stat long 2000 i go pinis bilong 2004. Em i tok planti ol wok developmen insait long ilektoret bilong em bai bihainim ol plen i stap insait long dispela faiv yia plen.

Em i no tokaut long wanem taim em bai lonsin dispela faiv yia developmen plen bilong distrik bilong em.

Igom na Junkin rot kisim K100,000

MEMBA bilong Bogia, Bernard Mollok i putim K100,000 olgeta long stretim Igom na Junkin rot.

Em i tok long 1999, em i bin putim K50,000 long stretim dispela rot

na long dispela yia em i putim gen K50,000.

Mista Mollok i tok rot em i laip lain bilong ol pipel insait long Bogia distrik na olsem em gat bikipela laik long stre-

tim ol han rot bilong distrik bilong em.

Tasol em i tok em i no inap long stretim olgeta rot long wanem i nogat inap mani bilong mekim dispela wok.

Igom gat wanpela timba ekspot kampani

...Wingti bai i go opim long Sarere

IGOM wanpela ples insait long Bogia distrik, i kisim pinis laisens bilong baim na salim ol timba bilong Madang na Papua Niugini i go long ol arapela kantri. Nem bilong dispela timba kampani em 'Muam Fores Risoses Baia na Ekspota'.

Mista Mollok i askim pinis lida bilong Pipels Demokratik Muvmen, Paias Wingti long go opim dispela timba kampani long Sarere 17 Jun. Em i askim Minista bilong Woks, Alfred Pogo, Minista bilong Rurel Developmen, William Embenosi Minista bilong Fores, Michael Ogio na ol arapela bikmanmeri long go witnessim dispela selebresen.

Dispela gutpela stori bilong ol bus pipel bilong Igom i go pas long kain timba bisnis i kamap bikos long sapot i kam long Memba bilong Bogia, Bernard Mollok.

Mista Mollok i tokim Wantok olsem em i bin sapotim tru ol pipel bilong Igom long kisim dispela laisens las yia, long wanem em i lukim olsem ol pipel bilong Igom, Giri, Mikarep, Ramu, na insait long Bogia na Midel Ramu i gat bikipela timba risos we planti ol ausait kampani i aigris tru long go insait na kisim.

Tasol Mista Mollok i bilip ol lokol

pipel yet i ken kamapim kampani na mekim bisnis na i no mas wetim ol ausait lain long go kisim ol risos bilong ol, baim ol long liklik mani na lusim bikipela bagarap long bus, wara na graun bilong ol.

Long dispela as, Mista Mollok i bin yusim K250,000 insait long Distrik Sapot Grant mani bilong ilektoret bilong em long helpim ol pipel bilong Igom long baim ol mesin bilong kirapim dispela timba kampani.

Mista Mollok i tok long dispela mani em i bin yusim K120,000 long baim wanpela dam trak, K50,000 long baim wanpela wokabaut somil wantaim ol senso na ol arapela mesin i go wantaim wokabaut somil, na i givim K30,000 olsem mani bilong kirapim dispela projek. Mista Mollok i putim K50,000 i go insait long stretim Igom i go long Junkin rot.

Em i tok sapos i nogat gutpela rot, dispela kampani na ol pipel bilong Igom, i no inap bringim ol timba bilong ol i go long Madang o Bogia long salim. Long wankain taim Mista Mollok i tok tu olsem sapos i gat gutpela rot ol pipel inap stretim sindaun bilong ol.

Ripot bilong 'Tax Review Komiti' holim bek Ramu projek

RIPOT bilong 'Tax Review Komiti' we Siaman Nagora Bogan i go pas long er, i holim bek Gavman long givim tok orai long planti ol risos developmen long kirapim projek bilong ol long kantri.

Praim Minista Sir Mekere Morauta i tokaut long dispela insait long Wol Envairenmen De long wik i go pinis.

Sir Mekere i tok dispela Tax

Review polisi i mas redi pastaim na Nesanel Eksekutiv Kaunsel i mas glasim na tok orait long em pastaim bipo long Gavman i ken givim tok orait long ol bikipela risos kampani olsem Highlands Pacific Limited na ol arapeal risos developmen i ken go het long kirapim ol projek bilong ol.

Sir Mekere i tok Gavman bilong em i bin askim Bogan

Komiti long pinisim kwik dispela ripot na givim i go long NEC.

Em i tok dispela polisi pepa we Bogan Komiti i wok long en, bai helpim ol risos developmen long kisim bek mani ol i yusim long kirapim projek long kantri kwik na bai helpim ol tu long bekim bek ol dinau ol i kisim long kirapim ol projek bilong ol.

Madang provinsel edministresen yusim kompyuta sistem long mekim gut wok

MADANG provinsel edministresen i yusim kompyuta sistem long mekim gut wok insait long provins.

Wanpela wokman bilong Madang

Provinsel Gavman i tokim Wantok olsem Madang provinsel edministresen i go pas long planti ol arapela provins long putim ol infomesen bilong wan

wan distrik insait long kompyuta sistem na konektim wantaim het opis long Madang provinsel edministresen opis.

Em i tok dispela sis-

tem bai helpim Madang edministresen long karim aut gut ol wok bilong gavman long provinsel level i go daun long distrik na lokol level gavman.


Ol Sogerama sainim wanbel pepa

11-PELA klen bilong ples Wanang insait long Sogerama veli i sainim wanpela wanbel pepa bilong lukautim welbus, graun na wara bilong ol.

Astingting bilong dispela wanbel pepa em bilong soim olsem ol i wanbel long holim han na sanap wantaim na tambuim ol timba kampani husat i

traim hat yet long go insait na kisim diwai long bus bilong ol.

Lukim ful stori long pe 18.



• Madang Gavana Jim Kas, Memba bilong Raikos, Stahl Musat, Teptep sab distrik menesa Salbung Sei i go long kirapim wok bilong Nayudo Lokol Level Gavma kaunsel long Teptep. Foto: Ben Taumai.

Lae Nius

Jas laik save husat i lukautim Buimo haus kalabus

FRANCO NEBAS i raitim

TOKTOK i no stret long husat tru i wok bilong ol long lukluk long hevi bilong ol kalabus insait long kantri.

Nesanel Kot long Lae las wik i odarim ol loya husat i makim Morobe Provinsal Gavman, Stet na CIS (woda) long givim ol evidens long soim husat tru em wok bilong ol long lukluk long hevi bilong Buimo haus kalabus.

Dispela wankain oda tu i go long ol arapela haus kalabus insait long kantri.

Jas Salamo Injia husat i save stap long Lae i givim wanpela oda long Morobe Gavana Luther Wenge na Edminstreta bilong em Aine Sengero long kamap long kot na tokaut long husat tru em wok bilong ol long lukautim na sapotim haus kalabus.

Tupela lida wantaim i bin kamap long kot na tokaut olsem hevi bilong Buimo haus kalabus em wok bilong nesanel gavman long lukluk long en na i no Morobe provinsal gavman.

Tupela wantaim i tok long kot

stetmen we eking Provinsal Ligel Opisa Robert Mugarenang i bin redim long kot i tok, olsem gavman bilong ol pipel bilong Morobe i helpim na givim mani olsem K155,000 long wokim wanpela haus slip bilong ol man na tu givim sampela arapela helpim.

Tasol long husat bai go pas long givim mani long haus kalabus em wok bilong nesanel gavman.

Tasol loya husat i makim Stet na CIS i tok dispela em i no tru long wanem wok em i stap long han bilong tupela sait wantaim.

Ol loya i tok long wanpela kabinet disisen em ol i tokaut olsem CIS na ol haus kalabus hevi em tupela nesanel na provinsal gavman bai karim wok wantaim.

Ol loya long dispela taim yet ino inap long givim long kot stret wanem diissen stret kabinet i bin mekim.

Jas Injia it ok long harap long helpim stret dispela hevi bilong haus kalabus we Buimo em wanpela we i wok long kisim taim long ples i pulap na sait bilong helt i bikpela hevi tru.

Em i bikpela samting dispela hevi bilong husat bai i go pas long

lukautim haus kalabus i mas stret hariap, em i tok.

Jas Injia i odarim tupela loya wantaim long go het na mekim wok painimaut moa long tokaut stret sapos wok i stap long han bilong nesanel gavman o tupela wantaim bai serim wok.


Em i odarim tupela long mekim nupela kot pepa bipo long Julai 3 we kot bai i go het long lukluk gen long dispela hevi.

Edministreta Aine Sengero bhain long kot i tok olsem ol Stet loya i mekm ol yet i paul long kabinet disisen we olpela Skate gavman i bin mekim long CIS em wok i stap namel long nesanel na provinsal gavman.

Skate gavman bin tok long transferim baset long 1999 tasol i no givim i fans long lukautim ol haus kalabus.

Mista Sengero i tok dispela disisen em nau Morauta gavman i kisim bek we olgeta hevi bilong CIS na arapela Institusen i stap long han bilong nesanel gavman.

Em i tok long save bilong mipela, Buimo haus kalabus em hevi bilong nesanel gavman.



• Foapela elementri skul tisa meri long Kabwum distrik i glasim ol skul buk bilong ol sumatin i yusim long skul. Mema Ginson Saonu i baim ol skul buk long givim ol skul long distrik.

Ol raskol kamapim moa stilpasin long Yunitek

YUNIVESITI bilong Teknoloji long Lae long dispela wik i bungim moa hevi long han bilong ol raskol.

Kam bek bilong en em ol sumatin i bihainim ol raskol na ol i kukim sampela haus long Lemki na Madang blok setelmen klostu long kempus. Tripela pipel i stap long plis sel long Lae bihainim dispela samting.

Ol ripot i tok Yunivesiti i stap long pret na hevi bihainim dispela sam-

ting we i bin kamap long Mande moning taim siksipela pipel i holim ol samting bilong pait i go insait long rum bilong wanpela Yunitek sumatin long bikmoning na hensapim em.

Na ol i stilim aibokis, wanpela kompyuta na ol arapela samting bilong manki ya na ol i ronawe.

Sumatin ya i bin harim sampela lain i paitim dua bilong em na taim em i opim, kwiktairim ol raskol i poinim gan long em.

Bihainim dispela samting, ol sumatin na ol lain bilong Lemki na Madang setelmen blok i pait.

Ripot i tok dispela em i no namba wan taim ol raskol i wokim hensap na stil pasin long Yunitek, nogat.

Ripot i tok ol sumatin i les pinis long dispela pasin na long dispela taim, ol i bung na painim ol saspek long tupela blok ya. Ol i tromoi petrol aninit long haus na wokim paia we i bin

kkukim sampela setelmen haus.

Ripot i tok komyuniti i bin helpim ol sumatin i holim tripela saspek na gviim i go long han bilong ol plis we ol i stap nau long plis sel.

Ripot i tok long las wik tu, wanpela raskol grup i bin brukim flai waia na go insait long ol rum na stilim ol matres, sia, TV na ol arapela samting bilong ol manki. Ol i bilip olsem sem grup ya i wokim dispela pasin.

Yunitek bai kodinetim kaikai konprens

WANPELA konprens we i sut long kaikai bai i kamap long Lae Yunitek insait long Morobe provins long dispela mun.

Het tok long dispela konprens em long "Food Security in PNG". Long Tok Pisin em i min olsem Pasin bilong lukautim gut kaikai long PNG.

Konprens bai i kamap long wanpela wik. Em bai stat long Jun 26 na pinis long de namba 30.

Konprens bai lukluk long long ol kain eria bilong kaikai olsem sekuriti bilong kaikai, pasin bilong kamapim kaikai, kaikai bilong man long kisim na ol arapela eria moa olsem.

Planti ol saveman long kaikai insait

long kantri na ol ogenaisesen we i save wok long ol eria i groim, kamapim, lukautim na salim kaikai bai i stap long dispela bung na tu prisnim ol pepa bilong ol.

Ol gutpela toktok na ol samting we ol bikman i prisnim long ol wok rises bilong ol em gavman bai yusim long ol developmen plen bilong en, Siaman bilong ogenaisim komiti Valentine Kambouri i bin tok.

Samting olsem 20 spika bai kam long Nesanel Agrikalsa Rises Institut (NARI), Dipatmen bilong Agrikalsa na Laipstok (DAL) na Fiseris.

Ol arapela praivet na publiik sekta ogenaisesen moa bai prisnim ol pepa tu long dispela konprens.

Morobe spais bisnis i wok long dai

SAPE METTA i raitim

SINGAUT long strongim na kamapim gut spai bisnis long Morobe provins i wok long popaia na ol atoriti i no wok long givim ia long harim na helpim.

Bosmeri bilong Niugini Spais kampani Balbina Roberts em i no inap long peim ol asples lain husat i wok long kamapim na salim ol spais bilong ol long wanem i nogat mani long baim spais.

Spais em ol samting we i save givim gutpela tes long kaikai olsem kapsikum, vanila, kavavar, kerot, pepa na ol arapela moa.

"Tupela mun nau i go pinis mi wok long kisim ol spais na toksave long ol asples lain long kam bek sampela taim bhain long kisim mani bilong ol. Mekim na trangu ol i no amamas long dispela pasin long wanem ol i laikim mani long baim ol liklik kaikai samting bilong ol.

"Mi inap long givap na stapim dispela bisnis longpela taim i go pinis, tasol bikos mi bin statim na mi yet i

save go raun na toksave long ol ples lain long planim na groim spais, mi sanap yet long helpim ol," Misis Roberts i tok.

Em i tok bai em i givim narapela siksipela mun long lukim olsem samting bai wok aut o nogat.

Sapos em i kisim sampela helpim mani em bai gutpela na sapos nogat, em bao pasim bisnis bilong em.

Misis Roberts i mekim planti hatwok long askim long helpim i kam long ol gavman dipatmen na ol ejensi long helpim em tasol nau yet em i no kisim sampela gutpela bekim long ol.

"I luk olsem ol nogat risos long helpim mi," em bin tok.

Long mun Novemba las yia, Misis Roberts i salim pinis tripela kontena bilong kain kain spais i go long Singapo na nau yet em no kisim wanpela peimen.

"Mi no save husat bai helpim mi nau long traim toktok long ol lain long Singapo long dispela samting bikos mi laik peim ol fama na ol viles lain long spais bilong ol," Misis Roberts i tok.

PHONE:
(675) 472-3912

FAX:
(675) 472-3919

IMPACT SIGNAGE PNG

Any Size, Any Shape, Any Amount

- COREFLUTE SIGNS
- METAL SIGNS
- BUMPER STICKERS
- T-SHIRTS
- STUBBY COOLERS
- BILLBOARDS
- BUNTINGS
- POINT OF SALE

FOR ALL YOUR PRINTING NEEDS

P.O. Box 3705, Lae, M.P. 411, Papua New Guinea - Email: impact@global.net.pg

Ol namba wan komunio lain kisim tes

VERONICA HATUTASI i raitim

PERIS Pater bilong Erima insait long Mosbi Asdaosis, Pater Paul i tok i no gutpela long larim ol skul pikinini bilong gred foa long Santu Peter Chanel Prameri Skul i kisim

komunio nating sapos ol i no save long as bilong kisim komunio.

Em i tok ol pikinini i mas save long wanem as ol i mas kisim komunio bipo long ol i kisim long wanem dispela bai helpim ol long pasin bilong bilip long God Triwan na ol skul bilong Katolik Sios long kisim ol sakramen.

Long dispela as, Pater Paul i tok long dis-

pela yia, em i tokim ol tisa bilong Rilijes Instraksen long skulim ol pikinini long sakramen bilong komunio na bihain testim ol pikinini long lukim sapos ol pikinini i save long dispela sakramen bipo long ol i kisim namba wan komunio bilong ol.

Pater Paul i tok bai i gat faiv o 6-pela askim insait long tes pepa long sakramen bilong komunio, 10-pela mandato, sin em i

wanem samting na ol rot bilong mekim konpesio.

Wanpela tisa husat i go pas long rilejes instraksen, Misis Isoiamo i tokim ol papamama bilong ol pikinini husat i redi long kisim namba wan komunio long noken wari tumas long dispela tes tasol long helpim ol pikinini bilong ol bai ol i redi long kisim komunio.

Katolik Bisop laikim bel isi i kamap long Solomon Ailan

OL Katolik Bisop bilong Papua Niugini i wari long hevi i bin kamap long Solomon Ailan we tupela grup bilong ol pipel bilong Solomon Ailan (Malaita Igel Fos na Isatabu Fridom Muvmen) i pait namel long ol yet.

"Mipela i askim ol lain i stap insait long dispela pait long harim singaut i kam long ol lida bilong ol Kristen Sios long Solomon Ailan," Jenerel Seketeri bilong Katolik Bisop Konferens, Lawrence Stephens i tok.

Em i tok ol Sios long PNG na Solomon Ailan i wok long beten long lukim bel isi na gutpela pasin bilong paitim tok-

tok long stretim dispela hevi i kamap.

Em i tok ol Katolik Bisop i laikim ol pipel bilong Solomon Ailan i luksave olsem em i gutpela long holim pas strong pasin bilong demokratik sistem bilong gavman.

"Dispela i askim ol Kristen long lukautim demokratik gavman bilong yumi long ol lain i laik bagarapim.

Mipela i askim olgeta Kristen long beten long kisim strong long bihainim skul toktok bilong Kraus insait long laip bilong yumi wan wan na mekim gut long ol arapela manmeri," Mista Stephens i tok.

Pop makim Pater Antony Burgess olsem namba tu bisop bilong Wewak

POP John Paul II i makim Pater Anthony Burges, Vika Jenerel bilong Daosis bilong Aitape, olsem namba tu bisop bilong Wewak long dispela wik Mande.

Ripot i kam long opis bilong Pop long Papua Niugini i tok, mama i karim Bisop Burgess long Singleton, long Niu Saut Wales, Australia long 29 Julai 1938.

Bihain long em i pinisim prameri skul bilong em wantaim ol Mercy Sista long Singleton na sekondari skul long Santu Stanislaus Koles Bathurst na Matland Marist Bruda, em i skruim skul bilong kamap pater wantaim Santu Columbas Koles Springwood na Corpus Christi Koles long Werribee na Glen Waverley.

Long 23 Julai 1967 em i kisim odinesen bilong em long Asdaosis bilong Hobart, Tasmania we em i statim wok pater bilong em long 1972.

Long Septemba 1972 em i go long Aitape, Papua Niugini na wok olsem wanpela pater i go inap long 1977. Long dispela taim, em i lukautim peris bilong Oum, Ambunti insait long daosis bilong Wewak.

Bihain long em i go bek long Australia, em i kam bek long Papua Niugini long 1982 na i wok long daosis bilong Aitape. Long 1987, nupela bisop bilong Aitape, Brian Barnes i makim em olsem Vika Jenerel bilong daosis, wok em i holim inap 1992, na bihain gen long 1995 i go inap long 1997.

Bisop Crapp i givim em dispela wok taim Bisop Crapp i kamap Bisop bilong Aitape long 1999. Long wankain taim Bisop Burgess i bih holim dispela wok olsem konsalta bilong daosis long sampela yia, na tu olsem siaman bilong Fainens Komiti. Em i bin holim wok olsem peris pater bilong Wassisi inap long 18 yia olgeta

Ol Katolik Bisop no amamas long edvetismen bagarapim Katolik Sios

WENCESLAUS MAGUN i raitim

OL Katolik Bisop bilong Papua Niugini na Solomon Ailan i no amamas long wanpela edvetismen we tupela niuspepa kompani, Post Courier na The National i ronim we i bagarapim nem bilong Katolik Sios.

Jenerel Seketeri bilong Katolik Bisop Konferens, Lawrence Stephens i tok, ol toktok i stap insait long dispela edvetismen i no tru na i sut i go long paulim tingting bilong planti manmeri long sapotim giaman toktok bilong ol.

Em i tok dispela edvetismen i ken paulim tingting bilong planti manmeri long ting olsem lida bilong Katolik Sios, Pop Jon Pol II i laik kontrolim wol, i gat tingting long kamapim ol krangi polisi bilong lukautim bus, graun na wara na tingting bilong salim ol bisnis bilong ol gavman.

Mista Stephens i tok, kain edvetismen olsem i semim 1.4 milien Katolik bilip manmeri bilong dispela kantri.

Em i tok kain edvetismen olsem i ken bagarapim gutpela sindaun insait long kantri.

Moa yet em i tok long dispela taim PNG

i bungim kain kain hevi i stap pinis na i no holim pas komyuniti long gutpela tingting na kain ol paul edvetismen i ken skruim moa bel hevi na bagarapim sindaun bilong ol pipel long pasin bilong toktok long politik long ples.

Em i salensim Post Courier na The National long painim aut husat man o meri i mekim dispela edvetismen na em i kisim maus bilong wanem sios long mekim kain edvetismen olsem na sapos dispela sios i luksave long dispela man olsem wanpela pastor bilong sios bilong ol o nogat.



• Ol Angliken singsing grup bilong Kandrian Gloucester i givim presen i go long Praim Minista, Sir Mekere Morauta bihain long bikpela Misa bilong selebretim pestode bilong Pentekos. Foto: Ivan Bayagau.

Sir Mekere givim K20,000 long Angliken Sios

HELEN REI i raitim

ANGLIKEN daosis bilong Mosbi bai go het long karim aut program bilong ol long mekim pastorel wok bihain long Praim Minista Sir Mekere Morauta i givim K20,000 long ol.

Mosbi Daosis bisop, Bisop Michael Hough i tok ol bai yusim dispela mani long karim aut ol pastorel wok bilong

daosis. Em i tok Sios i statim pinis program bilong skulim ol pipel long rit na rait na sik AIDS na dispela mani bai helpim Sios long skruim wok ol i statim pinis na tu helpim long skulim moa lain long mekim dispela wok insait long komyuniti.

Sir Mekere na meri bilong em Rosalyn Morauta i bin stap wantaim ol arapela lain husat i bung wantaim long selebretim Pentekos 2000 long Santu Mary Angliken peris insait long Gerehu long las wiken.

Ol arapela bik manmeri i bin stap insait long dispela selebresen em Gavana bilong Milen Be, Dame Josephine Abajjah na memba bilong Mosbi Not Wes, Carol Kidu.


Moa long 2000 bilip manmeri i bin bung long selebretim pestode bilong Pentekos long dispela Misa.

Ol i go het long amamasim dispela de wantaim ol singsing i go inap long abin-un.

WANTOK

NIUSPEPA BILONG YUMI OL PAPA NIUGINI STRET

Olgeta i stap na PNG i stap



OL toktok olsem wankain hevi we i kamap long Solomon Ailan na Fiji inap kamap tu long PNG em i no stret na i no gutpela long toktok planti long en.

PNG i nogat wanpela samting long pret long en long kain bikpela hevi olsem tupela kantri long Pasifik ya. Bikos sapos yumi lukluk gut insait long PNG, dispela kantri i gat klostu 800 kain kain tok ples olgeta.

Na ol dispela 800 tokples i stap inapim olgeta kona bilong Papua Niugini yet.

Na yumi gat 19 provins olgeta we olgeta i bung gen na kamapim biknem PNG. Long 10-

pela krismas olgeta mipela i lukim hevi bilong Bogenvil ailan.

Dispela em wanpela provins tasol insait long 18 arapela provins. Olsem na ol i no mekim wanpela samting long egensim Bogenvil.

Ol i sori tasol na i wok long bungim kaikai na ol kolos na ol helpim samting i go long ol pipel bilong Bogenvil husat i stap long hevi.

Mipela i bin lukim tu sampela bikpela kros we ol provins i kamapim long traime rausim ol

arapela provins long graun bilong ol.

Tasol strongpela lo na kontrol bilong gavman i stap na i save mekim isi ol dispela hevi gen. Long Madang ol asples Madang i bin kros long rausim ol Sepik.

Long Lae ol Morobe i bin kros long rausim ol hailans na setelmen.

Tasol strong bilong lo i stap na olgeta samting ya i no wok bikos taim ol lain ya i go kamap long kot, kot i stapim dispela kain pasin long i noken kamap moa.

Ol lida tu em mipela i ken lukim olsem ol i kam long olgeta hap provins na namba i olsem 109.

Hailans i gat moa memba long palamen klostu olsem 15 olgeta.

Tasol dispela i no planti long soim olsem ol hailans i go pas long ronim haus palamen.

Morobe i gat 10-pela lida tasol strong bilong ol i no inap long ronim palamen.

Olsem na taim olgeta bung wantaim na kamapim 109, em nau namba na strong i kamap

long fomim gavman na ronim palamen na kantri i ron.

Olsem na long PNG, i nogat wanpela man o wanpela ples o provins i stap na PNG i stap. Olgeta manmeri, olgeta ples na olgeta provins i stap long PNG i stap.

Olsem na mipela i no ken pret long kain hevi we i kamap long Solomon Ailan na Fiji olsem em bai kamap tu long PNG.

I luk olsem bai i hat tru bikos yumi olgeta i stap na kantri i stap laip na ron yet.



OPIS BILONG HAIA EDUKESAN Opis bilong Dairekta Jenerel

Date: June 12, 2000

Wok kamap bilong TESAS long yia 2000

Yia 2000 em taim bilong wok kamap bilong nupela program bilong gavman ol i kolim long **Tertiary Education Study Assistance (TESAS)** we Morauta/Zeming gavman i bin tok aut long en long las yia. Dispela program i kisim ples bilong National Tertiary Scholarship Scheme (NATSCHOL).

Gavman i givim oda pinis long olgeta yunivesiti, bisnis kolis, nening kolis, agrikulsa kolis na ol arapela kain skul long wokim kamap dispela nupela program long dispela yia.

Olgeta ol dispela skul i kisim pinis dispela toksave long rot bilong wokim kamap pinis dispela TESAS program long ol sekyula (gavman notis pepa) i kam long opis bilong Direkta Jenerel. (Direkta Jenerel Sekula # 3/1999, Direkta Jenerel Sekula # 1/2000, Direkta Jenerel Sekula # 2/2000 na tu long ol kopi bilong Publik Notis: 1 na 2.

Ol dispela ol hap notis pepa i bin karim ol kain rot na wei we gavman i laikim ol dispela ol skul long wokim kamap dispela TESAS program.

Opis bilong Haia Edukesan i wok long tok save yet long ol skul long ol komponen o seksen we i stap insait long dispela program.

Olgeta toksave bilong dinau sistem aninit long TESAS i stap long sekula i kam long opis bilong Direkta Jenerel # 3/2000. Dispela toksave pepa i tok kila long wanem kain ol askim na bekim ol sumatin i mas bekim na ol hap pepa ol i mas salim

wantiam dinau aplikesen pepa. As bilong dispela ol diau sistem we gavman i kirapim, em long traime long helpim ol sumatin husat i bungim hevi long traime long baim ol skul fi bilong ol. I gat tupela grup we dispela program i lukluk long en. Dispela em long lain long grup 2 na 3 long ol yunivesiti na grup 3 long ol kolis nambaut.

Rot bilong bihainim taim sumatin i laik kisim dinau:

- 1) Ol sumatin i mas baim 50 pe sen (half) bilong fi we skul i sasim.
- 2) Nambwan kopi (orijinel) bilong risit wantaim dinau aplikesen fom na ol arapela pepa i mas i go long administresen bilong skul na ol i bai salim i go long Opis bilong Haia Edukesan.
- 3) Opis bilong Haia Edukesan i bai skelim ol dispela ol hap pepa na bihain salim ol bekim bilong ol i go long ol wanwan sumatin.
- 4) Dinau moni i bai go stret long ol wanwan skul bilong ol dispela sumatin.
- 5) Intenel Revenyu Komisen (IRC) bai kisim toksave tu long statim wanwan fail long ol wanwan sumatin husat i kisim dinau.
- 6) Ol sumatin i bai stat baim be+ dispela dinau moni

taim ol i stat wok.

- 7) IRC i bai stat kolektim ol dinau moni aninit long wanpela sistem ol i kolim long Gredyuet Takis Sistem.

Opis bilong Haia Edukesan i wok long glasim na lukluk long dispela wok kamap bilong TESAS program long olgeta yunivesiti na kolis insait long kantri.

Long sampela taim bihain ol i bai karim aut wok painim aut long traime long skelim dispela program insait long ol wanwan skul.

Minista bilong Edukesan, Profesa John Waiko, i toksave pinis long ol skul olsem em i laikim ol i mas karim aut gut dispela nupela program tasol long sem taim ol i mas luksave tu long ol wanwan hevi bilong ol dispela sumatin taim ol i laik kisim ol dispela dinau.

Sapos ol sumatin, papa mama na pablik i laik save moa long TESAS program ol i ken rait i go long Opis bilong Haia Edukesan o ringim ol dispela namba. 3012072, 3012087, 3012077 o 3012078

Philip Kereme (Ph.D)
Direkta Jenerel - HE

Honiara, Solomon Ailan:

Namba tu wik long Solomon Ailan Hevi

HEVI long Solomon Ailan we i bin stat long las wik Mande Jun 5 i wok long go yet. Na long dispela wik, ol rpot i kamap olsem ol Bogenvil Revoluseneri Ami (BRA) paitman i go insait long dispela hevi na dispela i skruim pait i go narakain.

Ol rpot i tok ol BRA nau i kisim tupela ailan bilong Guadalkanal na dispela em long Choiseul na Gizo insait long Westen Solomons.

Ol rpot i tok ol BRA i helpim ol brata na hauslain bilong ol long tupela ailan ya we i wok long birua wantaim ol Malaita Igel Fos (MEF) paitman bilong Malaita Ailan. Ol MEF i bin holim kalabusim Praim Minista Bartholomeo Ulufa'alu long las wik na nau yet ol i no stretim husat bai ranim kantri.

Ol rpot we Wantok niuspepa i kisim long Honiara i tok palamen bai sindaun na holim vot i nogat luksave long Praim Minista tude.

Ol rpot long dispela wik i tok long las Sande, ol BRA i bin go insait long stoa haus we ol Para Militeri plis Fil Fos i save putim ol samting bilong pait long en long Taro Ailan long Choiseul na kisim ol samting ya. Binain long en, ol bin go long Gizo taun, hetkota bilong Westen provins na tekova long en.

Stori i go olsem Westen Solomons we i karamapim ol ailan olsem Guadalkanal, Choiseul, ol Sotlen Ailan na ol arapela moal em ol i stap klostu long Bogenvil. Na long taim bilong hevi long Bogenvil, ol pipel bilong Westen Solomons i bin helpim ol (Bogenvil pipel na ol BRA) wantaim ol marasin, ol samting bilong pait na tu kisim na lukautim ol long ol ples bilong ol. Olsem na planti bilong ol pipel bilong Westen Solomons em ol hauslain na wanpisin bilong ol Buin, Siwai na Kieta pipel long

Bogenvil. Na nau taim hevi i kamap namel long ol Guadalkanal na Malaita pipel, ol brata BRA i helpim ol Isatabu Fridom Muvmen (IFM) paitman bilong Guadalkanal na ol pipel long biruaim ol MEF paitman.

Politikel hevi long Solomon Ailan i wok long go narakain taim Praim Minista Ulufa'alu husat i givim pinis risain pepa i no lidim kantri na MEF i holim pawa. Na nau taim ol BRA i go insait na tu ol Malaita pipel i gat hevi namel long ol yet, samting i wok long go bagarap moa.

Ol rpot i tok Honiara taun i stap kwait long dispela taim tasol long Gizo na ol ples olsem, hevi i wok long kamap bikpela gen.

Bihainim gen dispela, moa Malaita pipel we i stap long Honiara na Gizo pret na na ol i wok ikisim sip na ronawe i go bek long ailan bilong ol.

Plantilusim Solomon Ailan

Plantilain bilong ol arapela kantri olsem Australia, Nu Silan, Ingian, Kanada na ol arapela kantri husat i stap wok long Solomon Ailan i bin stat long lusim kantri long las wiken.

Nevisip HMAS Tobruk bilong Australia na Royel Nu Silan balus i bin karim planti ol lain bilong ol na ol arapela moa long Honiara na Gizo i go bek long Australia na Nu Silan.

Royel Nu Silan Ea Fos balus i bin karim 100 Nu Silan pipel na ol intenesenel turis i go long Oklen, Nu Silna long Sande.

Ami balus long ami bilong Australia i bin kisim 40 pipel bilong Australia long wankain taim tu.

Nevisip MV Tobruk i bin kisim narapela 470 meri na pikinini bilong Australia, Nu Silan na ol arapela kantri i go long Australia.

Ol rpot i tok PNG Hai Komisini i askim ol lain bilong em long putim nem bilong ol na ol ken salim ol i kam bek long kantri.

Australia na Nu Silan bai kontribut long peim kompensesen bilong traime stretim hevi long Solomons

Foren Minista bilong Nu Silan Phil Goff i tok Nu Silan, Australia, Komonwel na Yuropien Yunien bai helpim stretim kompensesen peimen i go long 20,000 Malaita pipel we hevi long Guadalkanal i karamapim ol na ol i lusim Honiara. Na tu ol i lusim olgeta samting bilong ol long dispela hevi.

Hevi i bin stat long mun Mas yet las ya taim sampela pipel bilong Guadalkanal i bin kirap rausim ol Malaita pipel bikos ol i tok ol lain ya i pulapim graun bilong ol Guadalkanal pipel na tu ol (Malaita) i tekova long ol bikpela wok long Honiara.

Ol paitman bilong Guadalkanal em long Isatabu Fridom Muvmen i bin kamap na rausim planti tausen Malaita pipel long Honiara na nau ol Malaita pipel i wok long singaut long Aus\$150 milien kompensesen long gavman long ol bagarap, ol samting ol i lusim na hevi ol i kisim.

Foren Minista Goff i tok Nu Silan, Australia, Komonwel na Yuropien Yunien bai helpim wantaim kompensesen mani sapos demokretik gavman i stap na i no dispela we i kamap aninit long gan na tu sapos ol i bihainim gutpela rot long stretim hevi.

Toktok bilong ol Foren Minista bilong Nu Silan na Australia:

Foren Minista bilong Nu Silan Phil Goff long dispela wik i bin tok hevi long Solomon Ailan bai go bagarap sapos ol BRA paitman bilong PNG i go insait long dispela pait we tupela wanpisin (Malaita na Guadalkanal pipel) i stap long en.

Ol rpot i tok hevi namel long ol Malaita na Bogenvil grup long Honiara i kamap na dispela i no luk gut bikos tupela grup inap long skruim hevi i go narakain yet.

Mista Goff i tok Nu Silan bai helpim long daunim hevi na kamapim gutpela sindaun sapos

ol grup i pait i kamap wantaim wanpela pis agrimen long sispai o stop pait na i no bipo.

Mista Goff i bin stop ova long Solomon Ailan bihain long Komonwel misin grup i go long hap bilong traime stretim hevi ya.

Foren Minista bilong Australia Alexander Downer i bin go wantaim Komonwel grup long Honiara bilong lukim na glasim hevi long traime painim rot long stretim hevi ya. Grup ya i bin toktok wantaim Malaita Igel Fos paitman lida Andrew Nori na Praim Minista Ulufa'alu we ol MEF lain i

holim kalabus yet i stap.

Mista Downer i tok em i wari long sefti bilong ol ausait sitisen bikos ehvi i wok long go bagarap na i no seif long ol. Tasol em i tok sapos ol grup i sindaun na toktok, ol bai stretim dispela hevi.

Long wankain taim tu, Mista Nori i tok olsem lain bilong em i no inap long bagarapim Mista Ulufa'alu na Mista Downer i tok em (Ulufa'alu) i stap helti tasol em i luk olsem em i tait. Dispela em bihain em i toktok wantaim em long bung wantaim Komonwel misin grup.

Fiji:

Speight traime long pulim sapot long olupela gavman

Ku lida bilong Fiji George Speight long wanpela sapis muv i traime long pulim sapot long wanpela ki lida bilong saspended Fiji gavman.

Long wiken Sande, Mista Speight i bin lusim palamen haus bilong holim toktok wantaim eks Vais Presiden Ratu Josefa Iloilo.

Ol rpot i bilip olsem ol toktok bai karamapim husat bai stap long futja gavman na wanem samting i wok long stapim rot bilong stretim hevi long gutpela rot.

Hevi long Fiji i kisim wanpela mun nau, stat yet long taim Mista Speight na sikspela lain bilong em i holim gan long nem bilong ol asples Fiji pipel i bin holim kalabusim gavman bilong Praim Minista Mahendra Chaudhry long Me 19 na nau yet ol i holim kalabusim em wantaim 30 lida long palamen haus i stap.

Mista Speight i bin winim sampela sapot long ol asples Fiji pipel, moa yet ol dispela lain husat i egensim ol Fiji India pipel.

Presiden Sir Ratu Sir Kamisese Mara i bin saspending Praim Minista Chaudhry long traime kamapim gut-



• Presiden Sir Ratu Sir Kamisese Mara.

pela bel wantaim Speight na stretim hevi tasol long Me 20, taim ami i diklerim masel lo o ami i tekova long lukautim kantri long Me 29, ol bin saspending Sir Kamisese Mara na Ratu Iloilo tu.



(lephan) • Tupela lida, Speight na Komodo Bainimarama i no kamap wantaim wanpela gutpela rot bilong stretim hevi yet. Praim Minista Chaudhry na 30 lida i kalabus yet taim ol intenesenel diplomat i laikim bai ol i lusim ol i go fri.

(aninit) • Taim Presiden i bin putim Stet ov Imejensi long Fiji. ami i skruim taim tambu wantaim ol golf klab. Ol strit long Suva i bin stap isi tasol ol sapota bilong Speight i kem raunim palamen.



Sindaun long Fiji long dispela taim

Ol toktok i stap pas yet namel long ol grup husat i stap insait long ehvi bilong traime stretim ol trabel long Fiji. Wanpela delegesen bilong ol siefs i bin bung wantaim Mista Speight na ol i askim ami long lusim pawa ina harim tok bilong Mista Speight na ol (siefs) i ken makim interim grup long lukautim gavman. Long wankain taim tu, ol grup i bin rausim Komonwel delegesen husat i bin laik go long Fiji long dispela na toktok wantaim ol long traime stretim hevi. Ol rpot i tok bikos long pret long sefti, ol i putim 70 Fiji India pipel husat i lusim ples bilong ol kiostu long Fiji i go long Lautoka long stap wantaim sampela Kristen asples Fiji grup.



Minj lig saspending gem

PEKU PILLIMBO i raitim

Minj Ragbi Lig i saspending gem bilong ol bihain long wanpela pait i bin kamap long wiken.

Dispela pait o birua i kamap bihain long wanpela pilaia i go bagarapim grensten na paitim ol opisal.

Tresera bilong Minj Lig, Martin Kepi i bin tok olsem ol pilaia na sapota i bin belhat wantaim referi na i bin bagarapim laud spika wantaim tebol. Mista Kepi i tok presiden bilong Minj lig, Jona Amban i bin saspending dispela gem long las wik na i no bin larim o Agret i pilai bipo long gem namel long Waghi Tumbe na Enga Mioks.

Em i tok dispela em i namba 6 gem bilong dispela yia kompitisen ol saspending.

Mista Kepi i tok pasin birua i bin kamap taim ol Brothers i lus

long Royals-Spiders na ol Brothers pilaia ino wanbel long referi na ol planti samting long opial grenstend i bagarap.

Em i tok olsem i luk olsem ol Royals-Spiders i luk strong na ating bai ol i winim sil bilong dispela yia kompitisen.

Narapela strongpela tim insait long kompitisen em long Tombil Hawks. Planti pilaia bilong Minj Wes (primia tim bilong las yia) i go joinim ol tim olsem Royals-Spiders na Hawks olsem na dispela ol tim i strong.

Minj Wes i no pilai moa insait long kompitisen bihainim wanpela pasin birua we i bin kamap long las yia namel long ol sapotas bilong Mt Hagen Raiders na Minj Wes long semi fainel bilong Cambridge Cup salens.

Em i tok olsem ol tim olsem Tigers, East Cowboys na Bulldogs ino bin kam bek long rejista na pilai long dispela yia.

Ol tim husat i resis nau em long Royals-Spiders, Hawks, Highway Raiders, Kubor United na Brothers.

Em i tok sapos ol Gabriel Wes i laik kam bek na pilai dispela yia, ol i mas rausim nem Wes na putim narapela nem tasol dispela pasin em ol Wes in mekim.

Mista Kepi i bin tok olsem referi husat i painim birua insait long gem namel long Spider-Royals na Brothers i bin tok olsem em bai kotim ol tim husat i bin stap insait long paitim em na bagarapim ol samting bilong ol opisal.

Em i bin tok tu olsem i bin i gat seleksen i kamap pinis long Minj sait anda 17 na 19 tim bilong pilai insait long Kundus.

Em i tok ol selektas bai selektim ol Junior Kumuls bihainim dispela ol gems wantaim narapela ragbi lig sentas insait long kantri.

Warriors pilai strongpela gem stret

OL SIMBU Warriors i bin pilai wanpela strongpela gem stret engesim Pot Mosbi Vipers tasol ol i lus 18-12 long las wikend long Llyod Robson oval.

Skoa i bin sanap 12-14 klostu long pinis bilong gem na luk olsem dispela gem bai go long ol Simbu bikos ol i pilai strong stret.

Ples i wara wara na planti pilaia i pundaun na kisim bagarap nabaut tasol gem i go gut tru na Pot Mosbi Vipers i bin win taim Chris Lome i putim dispela wining trai.

Dispela em i wanpela strongpela gem bikos skoa ino go antap tru olsem long taim Waghi Tumbe i bin pilai wantaim ol Vipers long wik i go pinis.

Skoa i stap klostu long dispela pilai na olgeta man i ting ol Simbu Warriors bai win tasol abrus na ol yangpela bilong Mosbi i win.

Waieng lukim pilai

Komyunikesen Minista Peter Waieng husat bilong Simbu tu i bin stap wantaim ol

opisal bilong Simbu Warrior na givim sapot bilong em long ol mangi.

Ol Warriors i kamap sampela strongpela ran bikipela fowat bilong ol i givim hatwan i go long sait bilong Pot Mosbi Vipers sait tasol ol siti mangi i strong na wok long outim ol i go daun.

Ples bilong pilai iu bin liklik ren na graun i malumalum tasol ol pilaia i kamapim sampela gutpela gem stret.

Ol Simbu i bin putim namba wan trai long namba wan hap na Vipers i bin putim tupela na wanpela kik.

Long namba tu hap Simbu Warriors i putim wan moa trai na wankain pasin tu i bin kamap long Vipers we i lukim ol winim dispela gem wantaim 6 poin moa.

Paia i bin kirap tru long ol Simbu Warriors taim ol i kam bek long namba tu hap bilong dispela gem bihain long ol i kisim strongpela toktok long kosa bilong ol Bal Numapo.

Grai Sina, winga bilong ol Simbu

Warriors i bin mekim sampela gutpela breks nabaut na setim ap tupela trai wantaim bilong ol Warriors.

Stail mangi bilong Mul insait long Gumine i bin mekim sampela gutpela breks igo insait long teritori bilong ol Vipers na ol fowat bilong Simbu i wok hat tru long dispela gem.

Planti sapota bilong ol Simbu Warriors i pulamapim stre: Llyod Robson oval na wok long sapotim ol man bilong maunten provins.

Sutim tok long referi

Planti manmeri i sutim tok long referi na i no wanbel long referi na lainsman. Sampela sapota i traim paitim narapela lainsman na ol i singautim ol plisman long ronim ol dispela sapota husat i laik bikhet.

Wanpela man husat i watsim dispela gem i tok olsem olgeta manmeri i save kamapim ol krangi samting na mekim rong disisen na ol pipel i noken sutim toktok

long ol referi na lainsmen.

Ol arapela gem

Long ol arapela SP Cup gem insait long kantri, Waghi Tumbe i bin lus long Enga Mioks long Minj, Goroka Lahanis i lus long Mendi Muruks, Maunt Hagen Eagles i autim tiket bilong Rabaul Gurias long Goroka tu. Lae Bombers i bin sanap long bai dispela wiken.

Bihain long ol dispela gem, Pot Mosbi Vipers wantaim Enga Mioks i go pas wanpain 4 poin wanwan, bihain long dispela em Lae Bomber, Mendi Muruk, Rabaul Gurias na Simbu Warriors husat olgeta i stap long 2 poin na Waghi Tumbe, Goroka Lahanis i no winim wanpela poin long dispela kompitisen yet.

Dispela wiken Waghi Tumbe bai pilaim Rabaul Gurias long Minj, Vipers bai bai pilaim Goroka Lahanis, Bombers wantaim Eagles na Mioks wantaim Warriors bai pilai long Wabag.



• Simbu Warriors tim soim Grai Sine husat i sindaun long rait han long fran.

Stori bilong Pilaia

PEKU PILLIMBU i raitim

Nem: Grai Sine

Niknem: Nogat.

Krismas: 25 yia

Viles: Mul viles, Gumine distrik.

Provins: Simbu

Skul: nogat skul. Ples mangi.

Posisen: winger (namba 2)

Tim: Simbu Warriors.

Narapela spot yu save laik:

Nogat.

Kaikai yu save laikim: Kaukau.

Drink yu save laikim: Em i no klia.

Spotman/mer yu save laikim: Noah Kool na Bal Numapo.

Gutpela toktok yu kisim long: Makao Kin na Kosa Bal Numapo.

Laikim: Kakaruk wantaim ol kaikai i gat gris.

Save les long: ino klia gut.

Sapos yu gat wanpela strongpela tinging: Long pilai long Kumul.

Wanem samting yu laikim bai kamap long yu yet: Laik long kamap wanpela gutpela spotman stret long kantri.

Murik Yunaited kapsaitim kanu bilong Gaui

ELVIS MATHEW i raitim

GOLKIPA bilong Gaui i asua liklik na Murik Yunaited i putim wanpela gol long winim ol insait long nambawan divisen resis bilong Wewak Soka Assosiesen las wik.

Ol boi bilong Murik Yunaited i kamapim gutpela bal wok na kapsaitim kanu bilong ol Gaui tupela taim.

Tupela tim wantaim i sapos long dro 1-1 tasol asua bilong golkipa bilong Gaui long nambawan minit bilong pilai i opim rot bilong Murik Yunaited long winim tim bilong em 2-1.

Dispela kol long namba wan minit, sapos golkipa bilong Gaui i no bin muv i go antap long beksait bilong lep fulbek, bikipela luksave i bin stap olsem golkipa i bin

gat olgeta sans long dispela gol i no inap i go insait.

Dispela asua i kamap na namba 13 bilong Murik Yunaited isalim bal i go insait long kisim dispela waanpela gol bilong winim gem.

Sampela minit bihain long dispela gol, referi Charles Gawi i bin salim tupela pilaia bilong Gaui i arasait bikos tupela i bilong long narapela divisen gem long morning. Dispela i mekim na Gaui i lep wantaim 9-pela pilaia tasol long nambawan hap biong gem.

Gol bilong Murik Yunaited i kirapim paia long ol boi Gaui na ol i trai hat tru long. Tupela straike na midfilda i wok hat tru long hansapim goli bilong MURIK Yunaited tasol beklain bilong murik Yunaited i wok hat tru an pasim maus bilong golmak.

Namba 10 bilong Murik Yunaited i pilai hat tru long dispela gem na traim planti gol moa tasol beklain bilong Gaui i strong na em i wok long kik i go outsait.

Long namba tu hap, man husat i hatwok bilong Murik Yunaited, namba 10 i putim wanpela gol taim fulbe bilong Murik Yunaited i popaia na abrusim bal. Namba ten i kikim igo stret long umben bilong ol Gaui.

Dispela i no stapim ol mangi Gaui, ol i wok hat i go na namba 4 bilong Gaui i stetim namba 9 na ol mangi Gaui i putim wanpela gol i go insait long golmak bilong Murik Yunaited.

Dispela i strongim ol long pilai strong tasol ol mangi Murik i no givim wanpela sans long ol. Olgeta rot i go long umben i pas tru na ol Gaui i no inap putim wanpela moa gol.



IKEN WOKIM GUTPELA SAMTING LONG YU

• Susa bilong Defence (wan-taim bal) ya i banisim gut long birua bilong em bilong IBS Yunaited long Pot Mosbi wimen soka resis.



• 'A' gret ragbi lig tim bilong dispela sisen, LIH Magani. Bihain long kompetisen, ol i go pas na winim olgeta gem bilong ol. I luk olsem sisen 2000 taitel em bilong ol ya. *Poto: Sape Metta.*

• (Daunblo): Pilaia bilong Lae Bombers i painim stail stret long takol egensim Rabaul Guria.



• Junia netbal resis long Tokarara Hai Skul na Tatana Praimeri Skul long las wiken.

• (Raithan): Kafn stail ya i save kukim Sir John Guise Stedium long olgeta Sarere moning. Hia yu ken lukim yangpela boi bilong Korobosea na Pot Mosbi Intenesenel i brukim bun.



IKEN WOKIM GUTPELA SAMTING LONG YU

Yanduo tok 'nogat' na Prusua Saks tok 'ne..va'

ELVIS MATHEW i raitim

"AI YE, hau na em i werim su bilong mi na wok long paul long skorim gol. Tupela su ya taim i stap long lek bilong mi, tupela i no save abrusim gol. Em pinis olsem. Neks taim em bai no inap yusim su bilong mi long pilai. Pinis na pinis olgeta."

Dispela toktok i kamap long maus bilong wanpela yangpela pilaia, Jeffrey Singer, bilong Kreer Haits primia divisen long Sande apinun taim em i sindaun na ai pen long lukim primia divisen gem namel long Prusua Saks na Yanduo insait long Wewak Soka Asosiesen.

Yangpela Singer i mekim ol dispela hap tok long wanem perendo bilong em Mark Saya, wanpela straika bilong Prusua Saks, i yusim su bilong em long pilai i wok long popaia long solapim net o umben bilong golmak bilong Yanduo. Saya i mekim na kandre bilong em Jeffrey Singer i wail nating long em.

Em i tru long tok olsem ol lain bilong masalai Prusua i sapos long winim ol kamman (Yanduo) insait long dispela primia divisen mein gem long Sande apinun. Tasol krangi stail, eksen na tingting bilong ol straika, eksampel namba 9 yangpela Saya, bilong Prusua Saks i mekim ol i lusim ol poin we ol i sapos long win na kisim. Tasol asua bilong ol straika bilong ol na ol i dro wantaim ol kamman 0-0 long fultaim.

Ol boiniengu bilong Yanduo tu i bin gat samting olsem tripela o

4pela golden sans long salim ol tumbuna bilong masalai Prusua i go long ples Kreer wantaim wari tasol ol i no mekim samting stret. Ating Prusua i mas spetim golmak bilong ol tumbuna bilong em na i paulim stail na tingting bilong ol straika bilong Yanduo.

Tupela tim wantaim i bin pilai gut tru wantaim ol gutpela stail bilong balwok. Tasol ol gutpela stail bilong balwok i go popaia nating taim ol straika i no pinisim bal gut we gol i mas kamap o golkipa i mas sevim. I no long beklain wantaim midfil i tuhat na skin pen long wok hat na ol straika i kisim bal i go na lukim beklain na goli bilong arapela tim na gurua i-pret na kikim bal i go autsait o ivim bal stret long han bilong golkipa.

Beklain bilong tupela tim wantaim i no bin strong tumas. Prusua Saks i brukim beklain bilong Yanduo planti taim na kisim bal i go insait long skoa. Gutpela eksampel em yangpela Saya i bin i gat klostu tripela gutpela sans long skoaim gol. Tasol bikos long sampela asua i stap long lek bilong em, em i misim ol dispela sans. Chervase "Kimani" Hoibe tu i traim tasol nogat. Ating sapos ol boi bilong em i bin givim em wanpeal gutpela bal, i luk olsem umben long golmak bilong Yanduo inap pilai i go antap na kam daun long lek bilong Kimani.

Bikpela helpim tu i kam long tupela golkipa bilong tupela tim wantaim. Helpim bilong tupela goli i mekim tupela sait wantaim i pinisim pilai wantaim 0-0 long fultaim.

Bombers bai kisim hat taim long Eagles

SP KAP RIPOT

LAE BOMBERS bai kisim hat taim long han bilong Mt Hagen Eagles taim ol i bung long namba tri raun bilong SP Kap resis long Lae.

Las wiken i go pinis, Bombers i no bin pilai gut long wanem i gat planti asua long drop bal we lukim Rabaul Gurua i dasim ol 13-5.

Eagles long las wiken i kam bek strong bihain long lus egensim Erga Mioks 20-24 na bagarapim tru sindaun bilong Rabaul Gurua 38-8.

Dispela em i bikpela skoa long dispela SP Kkap, resis long yia 2000 we Eagles i bin kamapim.

Bombers husat i stap long bai las wiken i wok long hap pinis long ol eria we kosa Joe Katsir na trena Asi Tau i ting ol i pundaun long em.

Tupela sait wantaim i gat planti ol nupela pilaia we bai lukim paia i kirap stret.

Long Mt Hagen Eagles, Augustine Justine bai stap long fulbek, Robert Benny na Kuli Jacobs long wing, James Kops na Joc MacConnor long senta.

Abraham Henao na Rex Nui bai go pas long hapbek na faiv-et.

Ol bikpela fowat olsem John Waka, Simon Buna, Billy Noi, Max Tiri, Kapet Tee na Albert Parkes bai strongim posisen long lok.

Long sait bilong Bombers, i luk olsem bai wankain lain husat i bungim Gurua bai redi long Eagles.


Tim husat bai bungim ol Kange em Michael Moses, Paulus Motoro, Kevin Yak, Andrew Norman, Vincent Kambouo, Leslie Korua na Peter Wanga.

Long fowat em Tony

Dai, Tinc Hombi, Terry Mape, Cedric Belo, Iron Hate na Eddie Mark. Riserv em Albert Morabang, Tom Bill na Simon Pegu.

Kosa bilong Eagles Ted Vere i tok ol boi bilong em long fowat i no hevi olsem bilong Bombers tasol ol bai traim bes bilong ol olsem ol i mekim egensim Gurua.

Long arapela gem, Waghi Tumble bai bungim Rabaul Gurua, Engaim Mioks bai salensim Simbu Warriors, na Pot Mosbi Vipers bai flai long Goroka long bungim Goroka Lahans.



Trukai sapatim Fan Ran • Baksait: Gorethy Semi (lephan), Raina Wareba (namel), Moale Moi na Presiden bilong PNG Spots Federesen Henry Kila soim ol Trukai Fan Ran Tiset we Trukai i bin givim long sponsarim Fan Ran bilong dispela yia.

Murik Yunaited kapsaitim kanu bilong Gaui

WANPELA gutpela gem bilong namba wan divisen insait long kis resis bilong Wewak Soka Asosiesen i bin kamap namel long Gaui and Murik Yunaited long Sande.

Insait long dispela gem, ol boi bilong Murik Yunaited i kamapim gutpela balwok na kapsaitim kanu bilong Gaui tupela taim. Tupela tim wantaim i sapos long dro long 1-1 tasol asua bilong golkipa bilong Gaui long namba wan minit bilong namba wan hap bilong pilai i opim rot bilong Murik Yunaited long winim tim bilong em 2-1 long fultaim. Sapos golkipa bilong Gaui i no bin asua, tupela tim wantaim i sapos long dro wantaim 1-1 long pinis bilong pilai.

Bipo long referi Charles Gawi winim wisil long pilai i kik op, em i bungim tupela kepten wantaim na givim liklik skul toktok long tupela. Bihain long liklik skul toktok, em i rausim yelo kad long poket siot bilong em na winim wisil na soim dispela yelo kad long tupela kepten wantaim. Dispela long wanem tupela tim wantaim i kisim longpela taim, samting olsem 10-pela minit, long i go insait long fil bihain

long referi Gawi wantaim tupela lainsman bilong em i go insait long fil long statim pilai.

Namba wan gol bilong Murik Yunaited i kamap insait long pes minit bilong namba wan hap bilong pilai bihain tasol referi Gawi i statim pilai wantaim kraik bilong wisil bilong em.

Gol ya i kamap long wanem golkipa bilong Gaui i asua liklik. Moabeta i gutpela long tok olsem bikpela asua. Rait winga bilong Murik Yunaited i kisim bal i go i kam long kona na em i kikim bal na bal i ron spit i go long golmak bilong Gaui. Orait golkipa bilong Gaui i lukim olsem na em i lusim maus bilong mak na i kam sanap beksait tasol long lep fulbek bilong em. Taim bal i kam kamap long lep fulbek na em i laik stopim tasol bal i wel nating long lek bilong em an tekop stret long maus bilong golmak bilong em we i op nogut tru na i stap. Goli i no stap bikos em i muv i go antap pinis.

Sapos golkipa i no bin muv i go antap long beksait bilong lep fulbek bilong em, bikpela luksave i biri stap olsem em bai i gat wan handet pesen sans long sevim

dispela fluk gol bilong Murik Yunaited. Tasol gol i kamap bikos namba 13 bilong Murik Yunaited i wokim liklik muramura na salim bal i go.

Wanpela minit bihain long Gaui i statim pilai bihain long dispela gol bilong Murik Yunaited, referi Charles Gawi i rausim tupela pilaia (namba 5 na 12) bilong Gaui i go autsait. Dispela i mekim Gaui i lep wantaim 9-pela pilaia tasol long namba wan hap bilong pilai. Referei Gawi i salim namba 5 na 12 bilong Gaui i go autsait bikos tupela i pilai pinis long moning long arapela divisen bilong klab.

Gol bilong Murik Yunaited i kirapim paia long tingting na bel bilong ol boi Gaui na ol i traim hat ru long meknaisim umben bilong ol kandre long maus bilong Sepik wara. Tasol solwara bilong Murik i hipim wesana long maus bilong Sepik na i blokim Sepik long kapsait i go autsait long solwara. Tupela straika wantaim midfilda bilong Gaui i wok hat tru long hensapim goli bilong Murik Yunaited tasol beklain bilong Murik Yunaited i wok hat tru na haitim maus bilong golmak bilong ol.

Nambawan gol bilong Murik Yunaited i kamapim gutpela smel na swit bilong pilai long tupela midfilda na straika. Na ol i smelim golmak bilong Gaui klostu klostu. Tasol beklain bilong Gaui i sanapim strongpela banis na i no larim tupela straika bilong Murik Yunaited long mekim umben i solap namba tu taim gen. Yes, klostu tru bai namba 10 bilong Murik Yunaited i welim bal nating tru i go insait long mak bilong Gaui. Tasol beklain bilong Gaui i putim em long bikpela presa na em i abrusim wanpela gutpela na naispela gol. Namba 10 bilong Murik Yunaited i lap wantaim beklain bilong Gaui na i sapos long suvim gol i go insait, tasol nogat. Ating em i gurua liklik long skoaim gol na i kirap tasol long kikim bal i go ausait.

Tupela tim wantaim i wok hat i go i kam na namba wan hap bilong pilai i pinis.

Gutlak i painim gen Murik Yunaited samting olsem 4 minit bihain tasol long namba tu hap bilong pilai i sat. Namba 10 wari long em i bin abrusim gutpela gol long namba wan hap bilong pilai suvim seken gol bilong Murik

Yunaited. Dispela gol i kamap taim lek bilong fulbek bilong Gaui i popaia long bal na namba 10 bilong Murik Yunaited i kisim bal i go na salim stret i go insait long umben bilong Gaui.

Namba tu gol bilong Murik Yunaited i no kilim indai paia bilong ol boi Gaui. Ol boi Gaui i smelim umben bilong Murik Yunaited tasol beklain bilong ol i tok "neva" long ol straika bilong Gaui. Tasol ol mangi long Gaui i suvim het yet i go inap wanpela gutpela sans i kamap na namba 4 i setim bal long bikpela kasen bilong em namba 9 na em i meknaisim umben bilong Murik Yunaited.

Dispela gol bilong namba 9 i kirapim tingting na bel bilong ol mangi Gaui. Na ol i traim olgeta rot na we long suvim wanpela moa gol. Tasol ol kangre long Murik i lokim dua bilong golmak bilong ol na tromoi ki i go insait long baret wara na ol straika bilong Gaui painim i go nogat.

Murik Yunaited tu i traim olgeta kain stail long toktok wantaim golkipa na umben bilong Gaui tasol ol mangi Gaui i givim beksait olgeta na to "ne..va".



IKEN WOKIM GUTPELA SAMTING LONG YU

Lam i redi long joinim Wigan

HAPBEK bilong Sydney City Roosters na tu kepten bilong PNG Kumuls na Kwinslen Maruns, Adrian Lam bai joinim sempion klab, Wigan, long neks sisen.


Em i namba tu biknem pilaia bai joinim Wigan bihain long Andrew Johns bilong Newcastle i sainim pinis tupela krismas kontrak wantaim ol.

Lam husat i gat 29 krismas bai sotim kontrak bilong em wantaim Roosters long go pilai long Inglan.

Hapbek ya i tok olsem i nogat wanpela bikipela ofa i ken stapim em long go pilai ya. Na em i amamas tru long Wigan i soim laik long em.

Taim Lam i no pilai long NRL, dispela bai givim hattaim tru long ol selekta bilong Queensland Maroons long painim nupela pilaia long kisim ples bilong. Tingim, Lam tu em i kepten bilong Maroons.

I luk olsem em bai hat tru long singautim em i kambek long bekim dispela bikipela dinaw we Nu Saut Wels i wilwilim stret ol Kwinslen ya.



• Adrian Lam.

Menesa Sam Ayoub i tok wanpela bikipela samting i stapim olsem, Hailans, Sauten, na Niugini Ailans long salim tim i kam resis long dispela tonamen.

Em i save pilai wantaim South Sydney klab bipo.

Ayoub nau i wok long painim wanpela kontrak bilong Peters

long larim Lam i go pilai long Inglan.

"Wigan i wok long traim hat tru long kisim mi ya." Lam i tok

"Ol i soim laik long mi, na tu ol i putim mak bilong kontrak long blekbot ya, dispela i mekim mi long noken lusim dispela kontrak y."

"Ol i givim mi lonplea kontra we mi no gat long NRL. Mi save tok sapos mi no laik joinim arapela NRL klab, mi mas go pilai long ovasis," Lam i tok.

"Mi bin tokaut long dispela tingting tupela yia i go pinis taim mi sainim kontrak gen wantaim Roosters.

Lam i tokaut long tripela yia kontrak na Johns em sainim tupela yia tasol ya.

"Mi amamas tru long stap long NRL na mi amamas gut tru wantaim olgeta pilaia bilong mipela hia.

"Mi bai kambek yia olsem wanpela opisel bilong klab taim mi pinis pilai ragbi lig.

Andrew na Lam nau bai kamapim gutpela kombinesen bilong tupela long traim hapim gen bilong Inglan.

Mooney brukim 400m rekot

SEMPION rana Ann Mooney i brukim nupela rekot bilong 400 mita resis wantaim nupela taim 55.9sec long Perth, Australia, long las wiken.

Mooney husat i tok tok wantaim presiden bilong PNG Amata Atletik Yunion Tony Green long wok redi bilong Olimpik Gems long Sidni, Australia i tokaut long nupela taim bilong em.

"Ann i tokaut olsem em i rekotim 55.9sec na em i guria stret taim mi

tokaut olsem em nupela nesenel rekot ya," Green i tok

Mista Green na Mooney i wok long tok tok long sampela plen bilong Mooney long redi long nesenel sempionsip we bai kamap long Lee.

Ilektronik taming em i save slo 0.14 sekens tasol dispela i soim pinis olsem olpela taim 56.20 i no wankain olsem nupela mak ya.

Olpela rekot em Mary Unido i setim long 1993 mini SP Gems long

Vanuatu Mooney nau bai malolo wantaim sampela pren long Perth na bihain em i go long Adelaide Em i tingting tu long raun long Darwin long joinim Australia skwat husat i redi long tupela wik kem.

Bai i gat arapela kem long Brisbane we PNG bai salim 4x400 tim bilong em i kam long dispela skwta bilong soim PNGAU sapos ol i stap long kos long Ogas.

2000 Momase kap soka resis bai bikipela

DISPELA long wanem resis bai go wantaim tupela bikipela samting bai kamap long kantri.

Tonamen dairekta Mista John Peka i tok tonamen long dispela yia bai kamap long Septemba 16, we kantri bai amamasim 25 yia Independens bilong em.

Na tu long wankain taim papa bilong kantri Sir Michael Somare bai amamasim 50 yia bilong em long wok politiks insait long kantri.

Long amamasim wantaim dispela tupela samting Momase kap resis long dispela yia bai

kamap wantaim.

Peka i tok Sir Somare bai go pas long putim K50,000 long oganisim dispela resis we bai kamap long Lae Futbol Asosisen (LFA) pak.

Em i tok invitasen tu em ol surukim i go long ol arapela rijon olsem, Hailans, Sauten, na Niugini Ailans long salim tim i kam resis long dispela tonamen.

Em i tok ol tims husat i gat laik long resis bai lukluk long rot bilong ol yet long kamap long dispela resis.


Ol fi bilong tonamen i sanap

olsem, K300 long nominasen na K100 long afilasen.

Ol lain we yu laik kisim moa toktok o infomasen em long Is and Wes Sepik ol i ken lukim Ambros, na Madang, Tony Batarau o Peter Angasa na long Morobe lukim John Peka.

Mista Peka i tok dispela resis em bai lukim ol tims bilong ol man na meri wantaim bai resis.

Long wankain taim yet Peka i bungim ol eksekutiv bilong em na i go het long plenim o oganisim ol samting ol dispela resis.



• Kikboksa Stanley Nandex i kisim a wot bilong em long Veltu Diro.

Goroka Lahanis i lus long hom graun bilong ol yet

GOROKA Lahanis intasiti sempion bilong sisen 1999 i no bin putim ap kain stail we i winim gem na primiasip taitel las yia.

Ating Lahanis i bin ting olsem ol bai pilai antap long hom graun bilong ol, na husat ol arapela tim i save bungim ol antap long asples bilong ol i no save winim wanpela gem.

Na Mendi Muruks em i wanpela long dispela tim husat i no bin daunim Lahanis long Goroka stat long 1990 i kam inap long las wiken ol i tainim Lahanis i go daun na kaikaim das bilong ol yet.

I tru olsem long kikow, Lahanis i paia stret na

wantaim sapot bilong hom graun, ol i no isi long turangu ol boi antap long Sauten Hailans.

Lahanis i pilai strong tru na yusim ol ekspirians fowat pilaias olsem Mathew Midi, Lawrence Goive, Tai Onise, Makali Aizue na kepten Steven Sike long kam ap na bagarapim stret difens lain bilong Muruks.

Na ol beklain pilaias husat i winim gem bilong Lahanis long 1999 grenfainel egen-sim Rabaul Guria olsem Ivan Mojoka, Paul Joshua, Francis Seu na Martin Wilson i givim bikipela sapot tru long ol fowat bilong ol, tasol ol liklik asua nambaut i bagarapim gutpela stail pilai bilong ol

Lahanis i bin i go pas long skoa na i wok long soim sampela gutpela sain bilong win.

Tasol kirap nogut ol boi Sauten Hailans i pilai kaskas long ol na daunim ol 22-18.

Taim Lahanis yusim ol nem na ekspirians pilaias bilong ol, Muruks tu i taim bek na yusim ol nem pilaias bilong ol olsem Joe Undupiya, Timon Mosebuya, Samuel Pinpin, Cedric Kengi, David Ako na Bobby Mangope long stapim ol long attek.

Long wik i go pinis, Muruks i kisim taim long nau bilong Kundiawa Warriors long Kundiawa.

Long stretim gut na bekim bek dispela lus

bilong ol long Kundiawa, Muruks i kam daun wantaim moa paia pawa na bagarapim stret sindaun bilong Lahanis long Goroka.

Nau yet dispela paia bilong win tasol i stap pinis wantaim Muruks na ol bai wok hat tasol long winim ol gem long ol wiken i kam na i go.

Long dispela wiken long raun 3 Muruks bai sindaun malolo na bai lukluk long ol arapela tim we Enga Mioks bai traim strong bilong Kundiawa Warriors, Wahgi Tumbe bai bungim Rabaul Guria, Lae Bombers bai brukim bun wantaim Mt Hagen Eagles na Pot Mosbi Vipers bai salensim Goroka Lahanis.

HENRY MORABANG i raitim

SEMPION kikboksa Stanley Nandex na sempion selbot meri, Elizabeth Wardley i winim 1999 SP awot long ParkRoyal Hotel long Pot Mosbi.

Nandex em i sempion kikboksa husat i wok long kamapim nem hariap tru long dispela spot ya.

Boi Sauten Hailans ya i go pas long poin long winim Geoffrey Moss (snuka) na yangpela Jerry Albert (sofbal).

Na long seksen bilong spots women bilogn yia, Wardley i autim tiket bilong Ann Mooney (atletik) na Lucy Douba (weilifting). Dispela em i namba tu taim nau em i winim dispela taitel.

Arapela man husat i winim taitel gen namba tu taim em Elizabeth Wells bilong swimming long winim awot bilong Coach of the Year.

PNG Bowling Pairs tim i winim tim of the yia, husat i abrusim gutpela salens bilong PNG Taekwando tim na tu PNG Mens sofbal tim husat i winim gol medal long Saut Pasifik Gems long Guam.

Na long silva awot divisen, Edward

Kassman bilong taekwando i winim Junior Male awot bilong yia na Gewa Raula bilong netbal i winim long divisen bilong ol meri.

Kassman i autim tiket bilong tupela nominesen bilong swimming, Kierren Chan na Ryan Pini.

Raula i winim Angelika Pokarop bilong Goroka (swimming) na Dika Toua (weilifting na pawa lifting).

Bes spotsman bilong disabiliti i go long Ann Hitovea. Ann i winim tupela arapela birua bilong em Ben Theodore (Rabaul) na Gabby Yura.

John Jambert bilong Judo i winim Distinguish awot long spot taim em i autim Kila Dick (volibal) na Haru Kara (PNGRFL).

Insait long bronz sekese, Elizabeth Wells winim kosa awot iblong yia. Tupela arapela fainel man em Joe Lumaris (sofbal) na Mathew Bula (aussie ruls)

Moses Taulingling i winim teknikel opisal bilong yia. Em i autim tiket bilong Leslie Huckins (swimming) long winim dispela taitel.

Tony Green bilong atletik i winim spots administreta bilong yia. Em i winim Raymond Haoda (snuka) na Mel Donald (suting).



IKEN WOKIM GUTPELA SAMTING LONG YU

LAI PSTAIL

Sogeram pipel sainim wanbel pepa bilong lukautim welbus, graun, na wara bilong ol

YAT PAOL i raitim

BIHAIN long klostu 25 yia bilong Independens, 11-pela klen bilong ples Wanang i sainim wanpela wanbel pepa.

Astingting bilong dispela wanbel pepa em bilong soim olsem ol i wanbel long holim han na sanap wantaim na tambuim ol timba kampani husat i traim hat yet long go insait na kisim diwai long bus bilong ol.

Ol i bin sainim dispela wanbel pepa long 1 Jun 2000 em i de bilong selebretim Wol Enviromen De.

Ples Wanang em i stap insait long Sogeram veli insait long Usino Lokol Level Gavman, Waliun Distrik, Usino Bundi Open Iektoret, long Madang Provins.

Dispela wanbel pepa long tok Inglis ol i kolim 'Conservation Deed', em i wanpela pepa we ol papagraun i sainim long soim olsem, ol i wanbel long holim han na sanap wantaim na tambuim ol timba kampani na ol ausait lain, husat i traim hat yet long go insait long graun bilong ol na kisim diwai long bus bilong ol.

Dispela em i namba wan taim insait long laip bilong ol dispela pipel long sanap wantaim na autim tingting bilong ol i go long ol

timba kampani olsem nau ol i stopim olgeta ol ausait lain na ol bikpela timba kampani long go insait long graun bilong ol na katim diwai o mekim ol arapela wok sapos ol papagraun i no givim tok orait long ol.

Dispela wanbel pepa ol papagraun bilong Sogeram i sainim em i wanpela nupela kain wanbel pepa we ol save manmeri bilong lukautim bus, graun, wara, solwara, welabus na ol papagraun i kamapim.

I luk olsem wanem samting i kamap long Sogeram long Wol Enviromen De (1 Jun 2000), taim ol 11-pela klen bilong Sogeram i sainim dispela wanbel pepa, em i namba wan taim ol pipel bilong Papua Niugini i sainim kain kontrak.

Sampela save manmeri i ting tu olsem kain kontrak olsem i kamap namba wan taim tu insait long dispela rijen na ating long wol tu.

Ol pipel bilong Sogeram yet i bin kamap wantaim dispela tingting bilong sainim dispela wanbel pepa. Nogat manmeri o grup i tokim ol long mekim.

Pastaim long dispela pasin bilong sainim wanbel pepa i kamap, wanpela non gavman ogenaisesen long Madang, Bismark Ramu Grup i bin helpim ol pipel bilong Sogeram long helpim ol yet na opim tingting bilong ol long luksave long ol gutpela samting i stap



insait long ol welbus, graun, wara, solwara, na welabus bilong ol.

Bismark Ramu Grup i bin stat wok wantaim ol dispela 11-pela klen stat long las yia (1999) yet na nau i luk olsem bikpela hap bilong ol dispela wok i karim kaikai tasol i gat moa wok i stap yet.

Wokbung namel long ol klen ya wantaim BRG bai i go het yet. Wanem samting i bin kamap long Sogeram long 1 Jun 2000, em long givim luksave long dispela wanbel namel long ol dispela klen.

Kopi bilong wanbel pepa i go long ol dispela lain wan wan bilong ol 11-pela klen, Usino Lokol Level Gavman, Usino Bundi Open Mema, Madang Provinsel Edministreta, Provinsel Forest Atoriti, na Bismark Ramu Grup.

Moa yet wanpela loya bilong Greenpeace PNG, Dokta Brian Brunton na wanpela loya bilong enviromen bilong Australia, Cathy Whimp i bin tok orait long kain kontrak olsem i mas kamap, taim ol pipel bilong Sogeram i kamapim tingting bilong sainim dispela kontrak.

Mis Whimp i go pas long dispela taim long raitim sampela lo bilong Konsevesen Eria Ekt bilong Papua Niugini.

Ol pipel bilong Sogeram nau i save gut olsem graun na ol samting bilong graun, wara, na solwara em i bilong ol na ol i gat olgeta rait long mekim plen long wanem kain pasin ol i gat laik long yusim.

Ol i save tu olsem nogat wanpela ausait manmeri o bikpela kampani i gat rait long go insait na mekim plen long wanem kain pasin ol papagraun i mas yusim graun bilong ol.


Ol lain husat i stap long ples Wanang long witesim wanem samting i bin kamap i makim ol dispela grup na ogenaisesen:


Divine Word Yunivesiti (ol sumatin bilong Komyunikesen Arts); Redio Madang; Ol niuspepa ripota, Idodo Enviromental na Kalsarel Tiata Grup bilong ples Riwo, Bel Enviromental Monitoring na Indijenus Raits Asosiesen (Asples Madang), Gildipasy Welfea Faundesen bilong ples Tokain, Raikos Enviromen Faundesen, Laden Enviromen Faundesen bilong Malala eria long Bogia, Sogeram Developmen Koporesen, Kumram Developmen Koporesen bilong Sogeram veli, Samawea Ples na Eria Yut Muvmen bilong Usino Sepik Plein, Haka Sobena Enviromen na Kalsarel Grup bilong Finsafen insait long Morobe Provins, Melanesian Enviromen Faundesen, Kristens Bilong Enviromental

Stiwodsip, na Bismark Ramu Grup.

Ol toktok insait long Wanbel Pepa

1. Dispela wanbel pepa i bungim mipela ol dispela klen: Alkapke, Kaipsakang, Iga, Babugu, Katam, Kai, Mudd, Kmevung, Wanasakang, Igumana na Garisakang.
2. Mipela i papa tru bilong ol dispela graun i stap long mep long dispela wanbel pepa.
3. Mipela i wanbel na pasim tok long lukautim ol graun bilong mipela na kamapim ol wok long laik na tingting bilong mipela yet.
4. Mipela i wanbel long wok bung wantaim long lukautim bus, graun na wara bilong mipela.
5. Mipela i wanbel olsem, mipela bai i no inap long putim han mak long Fores Menesmen Agrimen (FMA) wantaim Fores Atoriti.
6. Mipela i wanbel na pasim tok long noken wok bung wantaim ol timba kampani long kisim ol diwai long ol graun bilong mipela aninit long Timba Atoriti (TA).
7. Mipela i wanbel olsem, nogat ausait lain i ken kam insait long graun bilong mipela wantaim nogat gutpela tok orait bilong mipela.
8. Mipela i wanbel na pasim tok long wok bung wantaim long kamapim ol kain rot bilong kirapim ol wok kamap insait long ol graun bilong mipela.
9. Mipela i luksave olsem dispela wanbel pepa em i mak bilong strongpela promis we olgeta klen i tok yesa pinis na i pasim wantaim na sapos wanpela klen i brukim, em ken sanap long Nesinel Kot.
10. Pawa bilong dispela wanbel pepa bai stap yet maski wanpela bilong ol dispela man i putim hanmak long wanbel pepa i sik nogut tru o i dai.
11. Sapos wanpela man husat i putim han mak long dispela wanbel pepa, i sik nogut tru o i dai, dispela klen mas makim nupela man. Dispela nupela man i mas putim han mak ken long dispela wanbel pepa long soim olsem klen bilong em i stap insait yet long dispela promis. Sapos nupela man i no putim han mak long dispela wanbel pepa, dispela wanbel pepa i gat pawa yet.
12. Wan wan klen i mas tok orait long man insait long klen bilong ol long putim han mak long dispela wanbel pepa.
13. Ol dispela man i mas putim han mak long dispela wanbel pepa long ai bilong olgeta manmeri long ples.





Rot we ol pis kamap long en

Olgeta i ranawe nambaut, nau i go long olgeta hap. Lapun meri i sem nau na i sindaun long dispela NAVARAO. Nau em i lusim tupela liklik tumbuna

man bilong em. Em i no bin go bek long tupela. Nau yu lukim ol pis, yu save olsem i bin kamap long dispela riva NAVARAO.

Elizabeth Taikura
Ablingi Village
Kandrian, WNB

Bipo tru i gat wanpela lapun meri i stap long wanpela wara ol i kolim NAVARAO. Dispela meri i stap wantaim tupela liklik tumbuna man. Nem bilong dispela lapun ol i kolim DIDIKALOM. Tripela i stap namel long wara.

Olgeta taim em i save tokim tupela tumbuna bilong em, olsem yutupela i noken i go raun nambaut, yutupela i stap tasol long ai bilong haus bilong yumi. Na lapun meri em i save i go long gaden na taim em i kam bek, em i save tok olsem mus-muskip pran, i min olsem hul bilong ston i op.

Bihain tupela liklik manki i harim pinis tumbuna bilong tupela i save toktok olsem, ol i bihainim maus bilong em. Bihain lapun meri i go pinis long gaden, na tupela boi i traim long toktok long dispela hul bilong ston. Bihain hul bilong ston i op, na tupela i kisim spina na go insait long dispela hul bilong ston na sutim ol pis.

Bihain nau olgeta pis i go aut, na ol i wok long pairapim wara. Lapun meri i harim ol pis i pairapim wara na i ran i kam na i singaut. Ei yutupela i mekim wanem long ston hia. Na bihain em i no inap painim ol pis i kapsait long tupela sait bilong em. Na bihain em i ron gen na i kalap long namel bilong wara gen. Em i laik traim stapim ol pis, tasol em i no inap tru.



Nem: Paul Gaiyamo Digidia
Krismas: 27 (man)
Adres: SBLC Buluma Sowmill Division, Kimbe, WNB
Save laikim: Harim ol PNG musik, pilai tas ragbi, waswas long solwara na raun wantaim ol wanwok.

Nem: J Hiri Ilu
Krismas: 28 (man)
Adres: SBLC Buluma Edem, P O Box 162, Kimbe, WNB
Save laikim: Pani na sindaun bung wantaim ol bois, raun na lukim ol narapela provins na wasim ol spots.

Nem: Dips Kenda Kandopa
Adres: P O Box 817, Church of the Nazaren, Kimbe, WNB
Save laikim: Go lotu, tok pilai, harim gospel musik, harim tok bilong ol pren na wokim gaden.

Nem: Wape Kolanger
Krismas: 35 (man)
Adres: P O Box 79, Kimbe, WNB
Save laikim: Tok pilai, harim musik na raun wantaim ol poroman

Nem: John Muka Iripathy
Krismas: 22 (man)
Adres: SBLC Buluma Sowmill Division, P O Box 162, Kimbe, WNB
Save laikim: Raun long taun, maus wara liklik wantaim ol poro na raun long bas.

Nem: Mulder Jonah
Krismas: 16 (meri)
Adres: Wau SDA Church, P O Box 76, Wau, Morobe provins
Save laikim: Go waswas long wara, go long gaden, harim gospel musik, go lotu, ritim, baibel, stap long haus, senisim potos, tok pilai na rait long ol penpren.

Nem: Lema Jonah
Krismas: 16 (meri)
Adres: Grace Memorial High School, P O Box 44, Wau, Morobe Provins
Save laikim: Go long skul, go lotu, wokim gaden, skul wok, harim gospel musik, go long wara, pilai volleybal, senisim poto na tok pilai wantaim oi prens.

Nem: Lamech T Zake
Krismas: 21
Adres: C/- Siki Primary School, P O Bos 214, Finschhafen, MP
Save laikim: Skelim musik, raun lukim narapela ples, laikim narapela manmeri na mekim pren wantaim narapela.

Nem: Joseph Litago
Krismas: 19 (man)
Save laikim: Pilai soka, harim lokol musik, i go danis, wok gaden na raitim pas i go kam wantaim ol pren.

Nem: Marina Hone
Krismas: 15 (meri)
Adres: Jomba Primary School, P O Box 867, Madang, MP
Save laikim: Go lotu, ridim baibel, go raun lukim ol pilai, harim ol top musik bilong PNG, harim gospel musik, mekim pren wantaim ol manmeri na senisim ol presen wantaim pren na poto.

Nem: Francis Tabel
Krismas: 19
Adres: C/- Abel Maliakin Raih Health Centre, P O Box 13, Aitape, Sandaun provins.
Save laikim: Stori wantaim ol pren meri, go lotu, raun lukim ol nupela ples, raitim pas i go na i kam wantaim ol poroman na senisim presen na poto.

Nem: Fonsa Ekai
Krismas: 22
Adres: C/- John Wama, Poro Settlement Scheme, P O Box 104, Aitape, Sandaun provins.
Save laikim: Pilai volleybal, basketball, soka, tokgris wantaim ol poro, tok pilai na save go visitim ol pren.

Mi wari bikos gelpren i lusim mi

Dia Pren

Faopela krismas em i longpela taim long wokim pren-pren wantaim wanpela meri. Olsem na mipela i luksave long wari, sori na no amamas bilong yu.

Taim yu lukluk bek, yu inap long tingim sampela samting we yu lukim olsem gelpren bilong yu ya i wok long les long prensip bilong yutupela?

I luk olsem yu em namba wan boipren bilong em na ating em bin wok long testim laik bilong em long yu. Sapos em bin nogat boipren pastaim long yu, mipela i no kirap nogut long en bikos nogut i nogat lain long komperim o glasim yu wantaim long en.

Sapos gelpren i bin laik pas wantaim yu, em i moabeta long em i glasim yu gut pastaim. Em i gutpela long painaut pastaim sapos man o meri yu prenim o laik maritim em i raitpela long yu bikos sapos nogat na samting i no go gut, em bai leit pinis.

Taim tupela pipel i marit, ol save mekim promis long stap wantaim na luksave long wanpela arapela long longpela taim. Ol luksave olsem dispela i no samting bilong pilai na em i bikpela samting.

I luk olsem yu no lainim long toktok gut wantaim wanpela arapela. Tru yutupela i bin wokim promis long laikim wanpela arapela tasol meri ya i no luksave long promis ya bikos pasin em i wokim i soim aut dispela. Bilong wanem na dispela i kamap? I gat sampela samting long pasin bilong yu we meri ya i no amamas long en na em i haitim trupela laik bilong em long yu?

Nogut yutupela i bin save gut long wanpela arapela na yupela i bin ting olsem olgeta samting i orait na yupela i no bisi tumas wanem samting narapela i mekim. Nogut yu bin ting olsem meri ya bai pas

long yu tasol na yu no wokim samting tumas long soim olsem yu luksave o gat bikpela laik yet long en.

Narapela samting em prensip bilong yutupela i bin bagarap bikos olgeta samting i stap long han bilong yutupela tasol. Sapos ol yangpela pipel husat i laikim tumas wanpela arapela i no go aut long toktok o serim taim wantaim ol arapela, bai gat taim we ol bai les long wanpela arapela.

Maski tupela poroman i gat strongpela prensip, em no min olsem ol no inap long wokim ol arapela gutpela pren wantaim sampela arapela lain. Em bai no gutpela sapos wanpela man o meri i no toktok wantaim sampela arapela lain na i stap em yet o wantaim wanpela tasol.

Sampela yangpela man na meri husat i gat gutpela luksave i save pasim toktok long seperet na go stap wantaim ol arapela lain bilong ol long sampela taim pastaim na bihain ol i kam stap wantaim gen. Taim ol i wokim olsem, prensip bilong ol bai strongpela moa bikos stap, toktok na slip wantaim ol arapela i helpim ol long luksave moa long wanpela arapela.

Sapos yu gat bikpela laik long meri, inap yu painaut watpo na em i painim nupela pren na tu tokim em olsem yu laikim yet em.

Sapos meri i no laik toktok long yu, traim kisim narapela pren bilong yutupela long toktok long en na painaut watpo em i lusim intres long yu.

Dispela kain infomesen na luksave inap long helpim yu abrusim wankain hevi na olsem yu tromoim toktok i kam, yu ken statim prensip wantaim narapela meri.

LAIPLAIN



Dia Laiplain

Mi gat 19 pela krismas na mi sori bikos gelpren bilong mi we mitupela i pren wantaim insait long foapela krismas i lusim mi.

Mitupela i stretim ol toktok na wokim plen long marit tasol mi painaut olsem meri ya i raun wantaim narapela man nau.

Mi laikim em tru na mitupela i bin pasim tok olsem bai mitupela i pas long wanpela arapela na mipela i noken wokim b.khet pasin. Mipela i save serim ol hevi, ol gutpela samting na ol planti arapela samting wantaim.

Mi bin kipim promis bilong mi na taim ol arapela meri i askim long wokim pren-pren wantaim ol, mi save tok nogat long ol bikos mi gat pren pinis.

Taim mi painim olsem em i hait na poromanim narapela man, meri ya i no wanbel. Em i kros na na askim mi long givim bek ol poto bilong en. Mi no kros na mi givim bek ol samting bilong em. Tasol mi no pilim gut na mi sori bikos em no bihainim promis bilong en.

Bai mi wokim wanem? Bai mi painim nupela meri?

SO SAD

KANAGE

"Em nau, narapela wik bilong mi ken"



Smol Kanage em bilong Laiagam long Karam long Angoram. Long wanpela apinun em wantaim kasen bilong em wok ong pilai holim as

Na kasen bilong em winim em na holim as bilong em wansait stret, na smol Kanage i tok, "Mi no bisi, taim bilong kaikai hung stap long nait, bai mi lukim yu."

"Na mama bilong smol Kanage singaut long ol long go kaikai. Kasen bilong smol Kanage em go pas pinis na kism kona long haus we tudak na sindaun na kaikai hung stap.

Smol Kanage kam antap long haus na lukim lapun papa bilong em sindaun taritim bun ong kaikai hung stap.

Na smol Kanage ting oslem kasen bilong em na isi isi tru hait long taunam kam na holim as bilong papa bilong em na tok, "Yu kism? Yu wokim wanem long apinun." Na wan tu mama bilong smol Kanage kirap na tok: "Ana nadi Kanage, hau yu wokim olsem long papa bilong yu." Smol Kanage pret na ronawe i go na i no kam long haus wan wik.

Kasen bilong em i lap nogut tru long smol Kanage.

Benz Hem Angoram

em bilong Sepik Wara long Angoram stret Na em save sekyuriti long Angoram Helt Senta Man em i no yangpela man, lapun ya tasol pes bilong tromoi tok pisin na kain ol ekxen nogut long ol mama save kam kism marasin.

Em save ekting olsem APO stret taim ol i no stap, em save givim sut

na marasin long ol sik men. Ol man em save les.

Na taim ol kros long em, em i no bisi pes tu bilong tromoim tokpisin na kolim belhat bilong ol man. Wanpela fotnait wik Fraide, em wok nait pinis na long Sarere morning em go long Angoram maket.

Ai bilong em tu wok long slip na em tu em pes bilong kaikai tapiok mumu stret. Na em lukim wanpela pes bilong haiwe i salim tapiok mumu stap. Na em askim em, "Susa amamas long mumu tapiok bilong yu." Na em tok K1.00 tasol na Kanage tromoi han long poket long kism K1.00.

Tasol boi i kamautim mitnait kauboi long poket na tromoi long kism mumu tasol em lukim hariap na tok sori long susa ya na tok, "Em samting bilong was long hangre bilong mi long nait." Na nau biknem poro ya Kanage i paralais pinis na em save wokabaut wantaim stik na em tru ya i no trik. Yu husat laik lukim em, kam long Angoram.

Bench Hem Angoram

Kanage em bilong Bogia, tasol em i go raun long Karkar Ailan na stap long hap. Wanpela taim em

kam raun long nambis klostu long Waglon plantesen.

Em nau tupela waitman, man na meri kam kamap ong em Tupela, em ol lain bilong tanim ol tokples ol kolim SIL. Na ol tok, "apinun tru papa. Yu bilong we?" Kanage kirap na tok, "Mi bilong hia tasol strongpela manki long bik ples." Na i askim em, "Inap yu kolim nem bilong ol sampela samting long tokples Karkar?" Na Kanage em tok Okay.

Em nau Kanage kism buai, daka, na kambang na em tok, "Buai long tokples em jeb, kambang long tokples em kau, daka long tokples em ful, tasol long Inglis mi no save, ol sampela man save kolim ol daksas." Man Kanage tokim waitman olsem na waitman em paul tru ong harim.

Taim waitman i kism diksineri buk bilong em long painim dipela hap tok 'daksas.' Das manki, Kanage em lus wantaim bodi.

Waitman tanim long lukim paps Kanage em i no stap moa wantaim tupela. Em nau waitman em tok, "tru, tru, tru em i no asples man, em strongpela manki long bikples olsem na em lus wantaim bodi.

John Dee Wavnada Bogia

Kanage bilong Chimbu, long hap bilong Kerowagi. Em save wok ong 8 Mail Pukpuk fam, na save wok olsem wanpeal supa vaisa. Wanpela taim em wok i go na em tokim ol boi bilong em, "Mi laik ringim susa bilong mi long Australia. Em lukim taim olsem 11 kilok, em tekov long opis. Taim em go insait long opis em tokim waitman. "Bos mi laik ringim susa bilong mi long Australia. Waitman ya tokim em, "Yu ken ringim em." Kanage wokabaut i go long ples ol telipon na pawa kalkuleta i stap.

Kanage i no weit liklik, em i no lukluk, em kism telipon na stat long paitim namba long kalkuleta nau em traime putim yau Telipon i no ring em sanap i go ating 20 minits samting em ring gen, nogat olgeta sem namba em paitim antap long kalkuleta, namba i stop sem taim wanpeal wokman i kam insait na askim Kanage. "Olsem wanem, inap mi helpim yu?" Kanage tokim em, "Mi ring i go na telipon i no ring." Wokman ya i tokim em, "Lukim yu holim telipon na yu wok long paitim kalkuleta, olgeta namba pinis nating. Kanage yu sem nogut tru na em lusim opis na wokabaut i go long ol bois na ol askim. "Bos, yu ring pinis?" Kanage trikim ol bois, "Mi ring pinis. Susa ya toktok wantaim mi." Samting tru em Kanage sem nogut tru na raun i stap.

Samuel Malasan Aloyse Lae


Kanage bilong Chimbu na em save wok olsem wanpela foremen bilong boila long Pukpuk fam long 8 Mail. Wanpela taim em wok i stap na tingting bilong ples i kism em. Em tingim tambu bilong em, em wokabaut i go long haus na tokim meri bilong em, "Mi go long opis, mi laik ringim tambu bilong mi long ples." Taim em i go long opis liklik bebi bilong em i karai. Kanage kism liklik bebi wantaim na go long opis. Taim Kanage i go sanap long ai bilong waitman, waitman ya i lukluk strong strong long Kanage na askim em yu gat wari. Kanage tokim bos inap mi ring, waitman ya tokim em telipon i stap. Kanage wantaim bebi bilong em i stat long ring. Taim Kanage ring i go na tambu bilong em bilong em toktok wantaim em tupela mekim save toktok i go, kam amamas nogut tru tokples pinis anting

em holim bebi bilong em long rait han bilong em, taim tupela toktok yet bebi bilong Kanage sem taim pekpek i kam daun. Kanage lukim olsem taim telipon i stap yet long maus bilong Kanage em kirap na tokim bebi bilong em, yu stupid. Taim tambu bilong em harim olsem, em mas ting olsem tambu 'kanage i mas krosim mi ya. Em lusim telipon na go long haus na tingting mi toktok gut wantaim Kanage, mi no pinisim gut toktok yet na em tok stupid long mi. Kanage tu em wari nogut tru na 'usim opis na wokabaut i go lusim bebi long haus.

Samuel Malasan Aloyse Lae

Kanage em bilong Ramba rot long Mt Hagen. Wanpela taim em wantaim poro bilong em pikim kopi na kism mani na stap long ples. Long wanpela fotnait wik Fraide, wanpela skul tisa i kism pas mani na laik go pilai kas wantaim Kanage na poro bilong em. Taim bilong pilai poro bilong em wantaim tisa i pilai kas na Kanage i stap boskru long poro. Pinis bilong pilai tisa i lusim olgea pas mani bilong em. Taim tisa laik go em askim K2.00 tasol long poro bilong Kanage long baim bus bilong em long go long haus. Em askim faivpela taim na poro bilong Kanage no givim na tisa i tok, "Anyway forget it," na em kirap na go. Poro paul na tingting planti i go na askim Kanage. Kanage kirap na tokim poro olsem yu wanpela pik long ples. Tisa krosim yu nogut long tok Inglis na yu no laik bekim sam toktok long em. Poro i belhat na siksti i go na tokim tisa olsem, "Anyway forget it." Na tisa i lap na tekov.

Michael Pato Wimp Mt Hagen



11-pela Klen i tok

NOGAT

NOGAT

long sainim FMA wantaim Forest Atoriti

NOGAT

long sainim agrimen bilong kisim diwai aninit
long *TIMBA ATORITI (TA)*

YES

long ol yet i go pas long Graun na Laip bilong ol.

YES

long ol pikinini bilong ol long nau na bihain

Ol dispela Klen em:

- Alkapke Klen
- Kaipsakang Klen
- Wanasakang Klen
- Katam Klen
- Mudd Klen
- Kmevung Klen
- Babugu Klen
- Kambasakang Klen
- Iga Klen
- Kai Klen
- Igumana Klen

Sainim ligel Agrimen namel long ol yet long Jun 1, 2000 long wanpela pablik miting ol i bin holim long Wanang ples long Sogeram eria bilong Madang provins.

Ol dispela Klen i wanbellong **NOKEN** sainim FMA wantaim Forest Atoriti na wanbel long **NOKEN** go insait long wanem kain agrimen bilong kisim diwai bilong ol aninit long Timba Atoriti (TA).

Ol rait atoriti long Lokol Level Gavman i go long Forest Atoriti i bin kisim dispela toksave

pinis long dispela disisen.

Ol dispela klen i wok long kamapim namba wan Konsevesen Eria insait long PNG aninit long Konsevesen Eria Ekt (lo).

Mipela tok amamas long ol long dispela disisen

Yat
YAT PAOL
Siaman



WANTOK SPOT



FIFA boss bai kam long PNG



Em kas man ya!

• Edward Kassman i soim liklik stail bilong em.

HENRY MORABANG i raitim

PRESIDEN bilong wol soka bodi, FIFA, Seph Blatter, i autim tingting long kam raun lukim wok soka insait long kantri long sampela taim bihain.

Mista Blatter i autim dispela tingting taim em i bungim presiden bilong PNGFA Madiu Andrew na sekretari bilong em, Ivan Ngahan long Osenia Kongress long Samoa long las mun.

Bikpela miting bilong Osenia kongres

Bikpela miting bilong Osenia Kongres i bin kamap long Me 18-24 we ol kantri husat i laik resis long holim 2006 Wol Kap i kempen. Ol kantri olsem Inglan, Brazil na Morocco i bin kamap long miting na autim toktok bilong ol.

Mista Ngahan i tok em i amamas tru long harim olsem boss bilong wol soka bai kam long raun lukim PNG.

Insait long dispela miting tu, Ngahan yet i bungim ol wanwok bilong em long arapela kantri insait long Saut Pasifik na tu Osenia rijon.

Sekretari Jenerel i tokaut

olsem em i putim pinis dispela notis o tingting bilong Mista Blatter i go long PNGFA eksekutiv we ol bai sindaun paitim toktok na makim taim bilong lukluk raun bilong em.

Madiu go lukautim Osenia Kap resis long Tahiti

Insait long arapela PNGFA stori, presiden Madiu bai lusim kantri long dispela wiken long lukautim Osenia Kap resis long Tahiti. Madiu i winim wok olsem tonamen komisina (dairekta) long lukautim soka resis ya.

Dispela em i namba wan taim presiden bilong PNGFA Madiu i holim wanpela bikpela wok bilong FIFA.

PNGFA tu i makim wanpela FIFA referi Bobby Memel long go na lukautim wok referi long Tahiti. Em bai go wantaim presiden Madiu Andrew.

Tripela kosa go long Osenia Kosing kos

Long arapela mun, PNGFA i makim tripela kosa long stap insait long Osenia Kosing Instrukta long Nu Silan. Nem bilong ol kosa ya em Joe Turia, Robert Popat na Ludwik Peka. Turia na Popat em bilong Pot Mosbi na Peka em bilong Lae.

Klap sempionsip bai kamap yet

PAPUA Niugini Futbol Asosiesen (PNGFA) nau i redi long holim nesanel klab sempionsip bilong man na meri long dispela ya.

Sekretari Jenerel Ivan Ngahan i tokim Wantok olsem sempionsip bilong meri bai kamap long Julai 21-24 long Lae. Na klab sempionsip bilong ol man bai kamap long Indipendens wiken tasol PNGFA i no tokaut long ples sempionsip ya bai kamap.

Mista Ngahan i laik tok klia olsem main primia na rana-ap bai stap insait long dispela klab sempionsip na i no tim husat i winim gren fainel.

"Aninit long mama lo i karamapim klab sempionsip, dispela em i resis bilong ol maina primia na tim husat i kamap namba tu," sekretari jenerel i tok.

Em i tok tu olsem ol difending sempion tu bai

gat sans long stap insait long dispela resis ya.

Mista Ngahan i tok opis bilong PNGFA long Lae nau i redim pinis pas i go long memba asosiesen long askim ol long nominet long dispela sempionsip. Sapos wanem klab i laik resis em i mas baim K300 nominesen fi. Las ya, nominesen fi em K250.

PNGFA makim Jun 30 olsem las de bilong olgeta klab long givim nem o soim laik long stap insait long 2000 nesanel klab sempionsip. Dispela toktok ya i karamapim sempionsip bilong man na meri.

Sekretari i toktok strong olsem man sempionsip bai kamap long Septemba tasol em i no min olsem ol klab bai wet i nap las minit, nogat. Olgeta klab i mas redi tasol na sambal long bikpela sempionsip.

Ol wanwan klab i mas salim lista bilong 20 pila-

ia na opisel na ol oge-naising komiti i ken redim ples pilai, referi na tu haus slip bilong ol tim. Sapos olgeta toktok i stret, ol wanwan klab i mas tokim oge-naising komiti tu long wanem taim ol bai kamap long ples bilong pilai.

Mista Ngahan i tok olsem PNGFA i laik holim sempionsip bilong man na meri wanwan em bikos ol i laik givim strong na sapot olsem na olgeta man i ken luk-save long ol dispela klab sempionsip.

Bipo tupela sempionsip i save kamap long semtaim na dispela i no gutpela tumas long developim soka long kantri. Bikpela hevi nau em PNG i mas traim winim Australia na Nu Silan na go pilai long wol kap.

PNGFA teknikel komiti i laik holim wanwan sempionsip long mekim sempionsip i gat nem ya.

Demas aut olsem presiden

LAHI Soka Asosiesen i rausim Moses Demas olsem presiden insait long wanpela spesel jenerel miting las wik.

Demas i aut bihain long ol memba klab i holim wanpela spesel jenerel miting long Sen Mary's komyuniti skul we ol i muviri wanpela vot i nogat bilip long em olsem presiden bilong Lahi.

Interim presiden Richard Nagai i tokim Wantok olsem em i no amamas long pasin ol memba klab i mekim long rausim Demas.

Demas i bin stap olsem presiden inap 6-pela ya olgeta inap long votim em aut long opis.

Mista Nagai i tok olsem ol memba klab i bin muviri vot i no gat bilip long Demas bihain long em i givim aut ol ripot bilong em.

Em i tok olsem ripot bilong Demas i no gutpela na ful we ol i muviri vot i nogat bilip long em.

Man i go pas long dispela vot i nogat bilip em Paul Pondo husat i wanpela eksekutiv bilong PNGFA.

Lukim ol spot dro na moa ripot bilong ol gem long dispela wiken long SPOT WIKEN insait.

Em i Gutpela Em i Tuna Em i bilong PNG stret...

PROUDLY




- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.



STILL DIGGING WOKIM WOK YET

OK TEDI MINING LIMITED


"More than just trucks and shovels ... we are all about people"



A Word Publishing Supplement

Wokim Wok Yet ...

Ok Tedi Bisnis Saplimen



□ MASIN bilong rausim ston long Wara Ok Tedi bilong kampani Dredeco i silip namel long wara i stap.

Dredeco go insait long namba 3 yia bilong klinim wara Ok Tedi

DISPELA bai i namba tri yia bilong Dredeco long wok insait long Papua Niugini.

Dredeco em hap han bilong wanpela kampani ol kolim dredging Intanesenel Asia Pasifik husat i stap long Australia.

Na wanpela masin bilong ol em ol kolim *Cap Martin* i wok long Wara Ok Tedi i stap. Dispela em wanpela masin bilong pamim na rausim ol ston we i wok long kamdaun long wara Ok Tedi na wok long pasim wara. Dispela masin i save rausim ston hevi bilong em i olsem 400,000 ton long wanwan wok.

Long lukluk bilong Dredeco, dispela kain wok i kamap gut tru maski ples we wok i stap long en em long bus tru.

Dredeco i bin kisim dispela wok long Ok Tedi long 1997. Ples we main i stap long en i save gat bikipela ren olgeta taim. Tu graun long hap i no strong tumas na i save bruk klostu klostu na dispela i bin wokim hat liklik long OTML long wokim ples we ol i ken tromoi ol ston em main i save brukim long en.

Olsem na gavman i bin givim tok orait long ol long tromoi ol ston em ol brukim long main i go insait long wara Ok Tedi. Dispela tok orait i bin kamap wantaim strongpela tok lukaut long sait bilong gavman long lukautim ol bus na wara samting. Tasol taim main i stat long wok na pastaim long dispela pasin bilong rausim ston long wara (dredging) i kamap, mak bilong wara i solap kam antap inap olsem fo (4) mita long Tabubil, na siks (6) mita long Bige.

Dispela i wokim na ol sip i hat long igo i kam long Flai Riva.

Taim dispela i kamap ol lain long Ok Tedi stat long lukluk long dispela hevi na kamapim wanpela

projek ol kolim long Mine Waste Management Project (MWMP) bilong painim sampela rot bilong stretim dispela hevi long 1995.

Long 1996 MWMP i kamap wantaim wanpela ripot long stadi bilong ol na givim long gavman. Taim gavman i kisim dispela ripot, ol i givim tok orait long kisim wanpela kampani husat i gat save long rausim ol ston long wara long traim wok.

Dredeco i kam traim wok na bihain Ok Tedi na gavman i hamas long wok bilong ol na ol i askim ol long wok.

Long Februari 1998, Dredeco go kamap long Bige. Dispela em bihain long siks mun ol i kisim long muv isi isi i go antap long hap.

Taim ol i kamap long hap, ol stretim ples bilong *Cap Martin* long sindaun.


Ol digim ples wara save ron long en long wokim ples we wesana em wara i karim i kam long en i ken go insait long sindaun. Bihain dispela wok i pinis, ol i kisim olsem 15 mun olgeta long rausim ol samting olsem ol wesana, ston na ol narapela pipia nambaut.

Long wankain taim tu ol i wok long stadi long ron bilong wara na ol ston em i wok long karim na long taim em save kisim long pulumapim hul ol i digim bilong wesana.

Bihain long ol i pinisim dispela stadi, OTML wantaim Dredeco i sindaun wantaim na pasim tok long wokim bambai wok ol i laik wokim i ken ron gut.

Dredeco askim Unisearch long Sydney long Australia long halivim ol long dispela.

Long July 1999, bihain long ol i stretim ol wok bilong ol, *Cap Martin* i wok long kisim ol samting long rot ol i laikim em long ron.



□ DISPELA piksa i soim rot we wara karim ol ston na wesana i kam na masin i save rausim.

Long Ogos 1999 i kam inap long nau, *Cap Martin* i wok long rausim ol ston na wesana gut tru long wara na sampela taim em i save malolo.

Cap Martin tu i gat wanpela masin OTML i putim bilong luksave long pundaun bilong ren na solap bilong wara long dispela ol taim.

Taim bikipela ren i pundaun o wara i tait, masin ya save toksave long ol na ol i save stretim tasol ol samting bilong rausim ol wesana na ston na em i save wok isi isi tasol.

Tu dispela masin i save givim gutpela toksave long ol we ol wokman long *Cap Martin* na em i ken redim ol yet long taim nogut.

Ol i gat redio long *Cap Martin* we ol i save yusim long salim walis i go i kam.

Dispela kontrak Dredeco i kisim i stap tru long bus olsem na ol Dredeco tromoi bikipela mani long kisim ol spe pat na ol narapela samting bilong *Cap Martin* bilong wanem ol i no laik bai masin i pas

long longpela taim taim em i painim bagarap.

Menesing Dairekta bilong Dredeco, Mista Jean-Louis Betbeder tok long wanwan wik, wok kamap long *Cap Martin* i save kisim olsem 110 aua.

"Dispela i gutpela tru na soim olsem wok *Cap Martin* i bin kisim long Cairns pastaim long em i kam long hia i gutpela tru.

Jenerel menesa bilong Dredeco Mista Arne de Vos tok em i amamas long wok ol lain an long *Cap Martin* i wok long wokim.

"Ples silip na ples bilong wok i no gutpela tumas tasol ol wok ol wokman i wokim i gutpela tru. Olsem na mi laik salim tok hamamas bilong mi i go long ol wokman long hap."

Ol wokman bilong Dredeco i bilong ol ples olsem Australia, Europe na Is Esia. Dispela ol lain i bung gut tru wantaim ol Papua Niugini man long wok.

Tok tenk yu

Dispela sapliman em Selsman Miri Aiori na Theo Thomas i bin wokim.

Long raun bilong mitupela i go long Tabubil na Kiunga long wokim dispela saplimen, Midia na Pablik Rilesen Yunit bilong Ok Tedi Maining Limited i bin halivim mitupela gut tru.

Ol i bin givim kar, haus silip na pasim tok wantaim ol bisnis long hap long sambai wetim mitupela.

Sampela ol piksa na stori insait long dispela saplimen i kam yet long ol lain ya.

Long dispela gutpela pasin, Wod Pablising i laik tok tenk yu long OTML.

Tu kampani i laik tok amamas long olgeta kampani husat i bin amamas long stap insait long dispela saplimen.

Saplimen Edita

Wokim Wok Yet ...

Ok Tedi Bisnis Saplimen

Starwest i amamas long wok bilong em

ROT long Tabubil i go long Kiunga i stap namel long ol traipela maunten na longpela bilong em i olsem 137 kilomita.

Dispela rot i no gat kolta tasol i save wokim bikpela wok tru long Ok Tedi main. Olgeta samting em main i save yusim i save ron antap long dispela rot bihain long sip i lusim long Kiunga bris.

Long dispela as tasol na ol lain long Ok Tedi i save lukautim gut tru dispela rot long olgeta taim.

Wanpela bikpela sap kontrakta husat i save wokim dispela wok long lukautim dispela rot em Starwest Konstraksen Ltd.

Dispela kampani i bin wok wantaim Ok Tedi Maining Limited long longpela taim tru

tasol long taim em i stat, em i bin gat narapela nem.

Dispela kampani em ol i kolim Starwest Etmuving en Konstraksen Pty Ltd. Dispela kampani em i bin kamap long 1982 long kisim ol wok kontrak long sait bilong karim ol kago na wokim ol samting long taim main i bin kamap nupela yet.

Kampani ya i bin ron gut i go tasol long 1988 em i bin painim sampela bagarap.

Taim dispela i kamap, Coopers & Lybrand wanpela kampani husat i save lukautim ron bilong dispela kampani long dispela taim bilong bagarap i askim Curtain Bros long senisim ol lain husat i wok long ronim kampani.

Coopers & Lybrand i bin askim ol Curtain Bros long wokim dispela bihain long gutpela wok ol i bin wokim long 1986 long taim ol i wokim paip bilong karim kopa.

Curtain Bros tok orait long lukautim kampani na ol i kamapim nupela kampani em ol kolim Curtain Star Join Vensa. (CSJV).

Long 1993, CSJV senisim nem bilong em i go olsem Starwest Konstraksen Pty Ltd.

Ol lain husat i holim ol se insait long dispela kampani em Curtain Bros 50 pe sen na ol papa bilong kampani long pastaim 50 pe sen.

Dispela ol lain em Sauten Hailans Developmen Koporesen - 12.5 pe sen, Klaud Len Invesmen - 12.5 pe sen,

Kiunga Koporetiv Kampani - 12.5 pe sen, Trabulok Bisnis Grup - 5 pe sen, Igiseng Bisinis - 5 pe sen na Oksapmin Vegetebol Maket 2.5 pe sen.

Pesnel menesa na wanpela dairekta bilong Starwest, Mista John Laka Goimba tok Starwest i amamas tasol long ol wok ol i wokim long taim ol i stat i kam inap nau.

"Mipela i hamamas long ol wok bilong mipela," Mista Goimba tok.

Sampela ol bikpela wok em ol Starwest i wokim em long rot long Dande i go long Bige long main wes projek ples, stretim sip bris long Kiunga na stretim ples bihain long graun i bin bruk long Kilometre.

Mista Goimba tok taim graun i bin bruk

long Kilometre 142. klostu main i pas.


"Tasol mipela stretim ples insait long tupela wik," Mista Goimba tok.

Long wankain taim tasol, Mista Goimba i toktok strong long ol lain husat i wok long traim long pasim main bihain long bagarap main i bin wokim kamap long ol bus na wara long hap long tingting gut na painim rot bilong stretim dispela hevi.

Em tok ol lain husat laik pasim main i mas traim long tingting gut bilong wanem hevi em kamap i no wanpela liklik samting.

"Sapos main i pas, kantri bai kisim taim stret," em tok.

"Bagarap em kamap pinis tasol sapos main i pas planti bikpela bagarap bai i kamap



□ MASIN bilong Starwest i wok long klinim ples we graun i bin bruk long en long KM 142.

olsem na mi laik bai mipela tingting gut tru long painim gutpela rot bilong stretim dispela hevi," em tok.

Em tok em laik bai gavman, ol papagraun, na OTML i sindaun

wantaim na traim long painim gutpela rot bilong stretim dispela hevi.

Starwest i gat 230 wokman tasol i save kisim ol sampela moa taim em i gat ol wok.

LOTIC i sambai tasol long wokim wok

WANPELA nupela kampani ol kolim long Lower Ok Tedi Invesmen Kampani (LOTIC) i pinisim pinis wanpela bikpela wok kontrak bilong wokim rot long Bige igo long Demasuke antap long Not Flai.

LOTIC em wanpela kampani ol 14 ples long Yongom na Awin long tupela sait bilong wara Ok Tedi i bin wokim long 1997.

Ekting jenerel meneja bilong LOTIC, Mista Roderick Nilkapp tok wok ol wokim long dispela K650,000 rot i pinis tasol i ol i wet tasol long ren long stop na ol i ken putim ol wesana long tu kilomita bilong rot we ol i no putim yet.

Wok long rot i bin stat long Ogus long 1999 na inap long pinis long Disemba yet tasol ren tasol i wok long holim ol wok long rot.

"Mipela i wet tasol long dispela taim bilong ren long pinis na bihain bai mipela i ken putim ol wesana long rot," Mista Nilkapp tok.

"Long nau yet, ol fowil kar tasol inap ron long rot ya bilong

wanem mipela i no bin putim wesana long tu kilomita."

Mani bilong dispela rot projek i kam long Alice Riva Tras na em tok em i amamas long rot we ol pipel i yusim ol mani bilong ol.

Mista Nilkapp tok ol bai rausim ol masin bilong ol long ol ples we ol i wok long en na kisim igo long Kiunga long wok long hap we ol i bin tokaut pinis olsem ol bai surukim het kwata bilong Westen Provins i go long hap.

Bihain long dispela, ol bai muvim ol masin bilong ol i go long wok long faiv kilomita rot long Konkonda igo long Ieran. Dispela rot bai go kamap long hap ples we ol i bai wokim wanpela bris antap long wara Ok Tedi.

LOTIC tu i gat sekuriti, sa salim ol wokman na i join wantaim Fubilan Catering long Bige.

LOTIC tu i sambai tasol long wanem ol projek em bai kamap long Western province na em i ken go long wokim.

CA

Camp Administration Pty Ltd

is a Contractor to

Ok Tedi Mining Pty Ltd.

The Role of CA is to look after OTML single accommodation and camp services.

CA started in October 1995 with a four year contract with OMTL. This came about by the community minded thinking of senior OTML personnel and in particular the late **MR. KIPLING UIARI OBE.**

It was Mr. UIARI'S hope to see local and preferred area people involved in the spin off business the mine generates, CA represents 24 local business groups from the FLY RIVER, KIUNGA through to NINGERUM up to TABUBIL and out to TELEFOMIN districts.

Wakim Wak Yet ...

Ok Tedi Bisnis Saplimen

Telikom sevis i kamap long maining taun

TABUBIL nau i gat Telikom Bisnis Senta bilong Tabubil na Kiunga pinis. Dispela em i nambawan taim taim opis bilong Telikom i wok em yet bihain long Mt Hagen we i save lukautim ol ples olsem Tari, Ialibu, Kagua, Mendi, Porgera, Wabag, Minj, Banz na Wapenamanda.

Tabubil nau i ken wokim ol samting olsem stretim aplikesen bilong nupela sevis, stretim ol peimen na narapela ol samting we i save givim planti hatwok long ol wok manmeri bilong Telikom long Tabubil long stretim hevi bilong Telekomunikesen long Tabubil orait.


Dispela ol wok i givim planti wok bilong sikspela wokman bilong Telikom bikos ol dispela sikspela man i save lukautim olgeta samting insait long tupela taun olsem Tabubil na Kiunga.

Michael Ivarami i bosim bisnis opis long sevim ol kastoma wantaim halivim i kam long Jude Yakora husat i save lukautim olgeta samting bilong arasait long opis. Peso Pulo em bos bilong ples

bilong wok. Lainsmen Moi Piel i save helpim long ol kainkain wok wantaim helpim bilong Waria Kawai. Ken Wali save stretim ol pablik pei pons na em bin joinim ol long Tabubil nau tasol.

Sampela ol bikpela kastoma bilong dispela opis long Kiunga em long Ok Tedi Maining Limited, Starwest Construction Pty Ltd, Tabubil Engineering, PNGBC, Fubilan Catering Services, Superstone, Cloudlands Hotel, Camp Administration, Tawap Kamen, Tabubil Traders, S&B Engineering, Faiwol Investors, Comer Stones Pty Ltd na planti arapela liklik bisnis i satp insait long Tabubil na Kiunga.

Tabubil i bin lukim planti hevi i kamap long kain senis i ikamap na wei bilong kisim mani i go insait tasol dispela samting bai nau i senis. Dispela kain hevi i bin i stap bikos long kainkain ples na graun we ples i stap, kainkain pasin i stap we i lukim Telikom i no save givim gutpela sevis na dispela i save stapim ples long kisim moa mani i kam insait.



□ MICHAEL Ivarami, man husat lukautim kastoma sevis.

Ol dispela hevi i stap tasol Telikom i amamas long wok wantaim Ok Tedi na ol wok manmeri husat i save wok hat long kisim mani i kam insait long kantri olsem na Telikom i amamas long givim dispela sevis olsem ol narapela hap bilong wol i save mekim.

Bisnis Senta i laik bai olgeta kastoma i luksave olsem em givim gutpela sevis i go long ol manmeri insait long dispela hap bilong kantri. Na as tingting bilong dispela bisnis senta em long lukim olsem olgeta kastoma i kisim gutpela sevis we i kos liklik mani, i gutpela na isi long yusim na i moa

gutpela long ol manmeri husat i wokim bisnis wantaim Telikom.

Na dispela bai mekim olgeta kastoma bilong Telikom gutpela tingting bambai ol i ken wokim helpim narapela narapela long mekim bisnis bilong ol long Tabubil na Kiunga.

Komyunikesen i go insait na arasait long maining taun bilong

Tabubil i kamap moa gutpela nau na dispela bai mekim ol samting i no inap bruk daun klostu klostu.

Dispela hevi bilong telefon i bruk daun i no inap kamap bikos Telikom i opim pinis long Fraide, 2 Jun 1995 wanpela nupela ALCA-TEL sistem 12 namba eksens long Tabubil.



□ LAINSMEN Moi Piel (han sut) wantaim wanwok bilong em, Waria Kawai i sindaun kisim win i stap long telefon eksens long Kiunga.

AVIS

As Papua New Guinea develops, Avis continues to deliver. For your Business or Leisure hire car requirements, contact the "We try harder" team.

- Friendly trained staff
- Clean mechanically sound modern vehicles ranging from small to large sedans, Buses, Utes and 4WDS
- Competitive rates
- Offices conveniently located in most Airports and Towns:-
Alotau, Goroka, Kimbe/Hoskins, Kavieng, Lae, Madang, Mt Hagen, Port Moresby, Rabaul, Tabubil, Wewak, Manus.

Central Reservations

PHN: (675) 325 8299 FAX: (675) 325 3767

Ples Bultem go insait long kofi bisnis

ROT we ol papagraun bilong ples Bultem long Ok Tedi kopa main i save kisim mani bilong ol em long kopa na gol.

Na taim wok main i laik klostu pinis ol pipel i wok long lukluk long ol narapela rot bilong kisim mani. I luk olsem bipo long dispela yia i pinis, ol Bultem ples lain bai go insait long kofi maket bisnis.

Wilson Wapki em wanpela bisnis man bilong Hagen.

Ol Bultem ples lain i patna wantaim em na ol i baim wanpela bikpela masin bilong wokim kofi long Kukpa ausait long Hagen.

Kampani ol i kolim long W&W we Mista Wapki na ol Bultem ples lain i papa long em bai menesim nupela bisnis.

Pastaim ol lain ya i save kisim royalti mani long Ok Tedi Kopa main tasol nau ol i lukluk long kofi olsem wanpela bisnis we ol bai pulim mani long en.

Ol i bin opim Jiwaka Kofi fektori long mun Epril namba 19 de long dispela yia.

Ol Bultem ples lain taim ol i baim kofi fektori, ol i bin kamap olsem nambawan grup long Star Maunten eria long kamap olsem bikpela investa long Westen Hailans.

Taim ol i opim Jiwaka Kofi fektori, ol bikman long Ok Tedi Maining Limited na John Wanem, Kaunsol long ples Bultem na Mista Wapki na ol kaunsol bilong not, mid na saut Waghi na ol ples klostu i bin stap. Mista Wanem husat i bin makim maus bilong ol pipel i bin tok em bin kisim longpela taim long mekim ol pipel i luk save olsem ol mas sanapim fektori long wanem ol i pret nogut ol birua lain i kukim (fektori) long ol wanpisin pait.

Em i tok ol pipel bilong em i bin wanbel long sanapim fektori bihain long ol i luksave olsem kofi i gutpela wei long kisim mani long en.

Ol lain lokol kaunsel husat i bin makim maus bilong ol wanwan eria bilong ol i bin tokim Mista Wanem olsem nogat wanpela man bai bagarapim fektori.

"Mipela laik tok amamas long yu, John Wanem na brata bilong mipela Wilson Wapki long kisim dispela fektori i kam long hia," Kaunsela Jack Kupun i tok.

"Dispela em bikpela samting. Ol pipel bilong mi i amamas long lukim ol lain bilong narapela hap bilong kantri bilong yumi i kam insait long graun bilong mipela na kirapim bisnis.

"Nogat man o meri o pik or dok bai kam insait na bagarapim dispela ples."

Mista Wapki is tok em bai baim kofi wantaim ekstra 10 toea sas long wanpela kilo. Mak ya em i antap moa long prais we ol i baim insait long Waghi Veli.

Mista Wapki i tok sapos ol wok bilong Jiwaka Kofi fektori i go gut ol bai pulim wara na pawa i go insait long ples Tombil, we i stap klostu long fektori.

Masin bilong klinim ol kofi bin i ken wokim wanpela tan gutpela kwaliti arabica kofi bin long wanpela awa.

Farmset Limited i bin putim ol masin long dispela fektori na Ok Tedi Kampani i bin peim wantaim hap kompensesen mani bilong ol Bultem papa graun.

Lida Sir Tumun Dupre taim em i toktok long lo na oda i bin tokim ol pipel long senisim pasin bilong ol na sindaun bilong ol bai kamap gutpela.

Wokim Wok Yet ...

Ok Tedi Bisnis Saplimen

Caterpillar kampani amamasin 75 yia

LONG dispela yia, Caterpillar Inc. kampani i hamamasim 75 yia bilong ol.

"Ol wok bilong bringim gutpela sindaun bilong kampani i bin kamap long planti kris-mas long hatwok bilong kainkain ol wok-man," Siaman bilong Caterpillar Inc. na Sif Eksekutif Opisa, Mista Barton tok.

"Ol samting mipela i wokim i wok long go pas yet long ol indastri no ol lain husat i save salim ol i wok long sapotim mipela gut. Tete, Caterpillar i sevisim planti kastoma long planti ples long olgeta hap bilong graun wantaim ol kankain ol prodak na sevis. Antap moa long dispela, mipela i holim pas yet as tingting bilong mipela long halivim ol kastoma bilong mipela long go het."

Stori bilong Caterpillar i go bek long 19 senturi taim tupela bisnis man bilong California Daniel Best na Benjamin Holt i wok long traim traim han bilong tupela long wokim ol masin. Famili bilong dispela tupela man i bin wokim nambawan ol kain masin we save ron long pawa bilong stim. Long 1925, tupela man bung na kamapim kampani ol kolim Caterpillar Tractor Kampani.

Long dispela taim i kam inap nau, ol masin samting em ol i wokim i stap klostu olsem 300. Dispela ol masin ol man wok long yusim long ol main, forestri, wokim pawa, agrikalsa na long wokim ol rot samting.

Ol masin bilong ol i wokim na lukautim ol rot long olgeta hap bilong graun, ples balus, ol opis, haus na wara saplai na ol kainkain samting olsem.

Ol enjin bilong ol i givim pawa long ol bikipela haiwe kar, ol sip na bot na ol masin i wok long ol main na ol pawa stesin, ol ples we ol kisim oil namel long solwara na long ol longwe ples.

"Mipela i mas amamas long ol lain husat i stap pastaim long mipela," Mista Barton tok.



"Lukluk bilong ol na hatwok bilong ol i wokim kamap samting em i stap long longpela taim tru na long nau yet ol wokman bilong Caterpillar i wok long bihainim. Tete, Caterpillar i wanpela strongpela kampani na em bai i wok long gro' yet igo long narapela tenpela yia we em i ken sanap olsem wanpela US\$30 bilien kampani."

Long 1955 Caterpillar muv i kam long Australia long ples ol kolim Tullamarin insait long Victoria. Pastaim long dispela, ol i save halivim ol kastomas bilong ol long het opis bilong ol long Peoria long Illinois, long Amerika.

Dispela opis long Australia i save wokim na salim ol pat. Lo bilong kisim ol samting i kam long Australia i wokim na ol i save wokim tasol ol trakta (D6,D4) loada na greda.

Ol wokman long Caterpillar long Australia i olsem 400. Tasol taim yu bungim wantaim ol lain husat i save salim ol samting bilong Caterpillar tasol i no stap aninit long Caterpillar, namba bilong ol bai sanap long

7 WANPELA bilong ol nambawan Caterpillar masin tru em ol lain husat i bin wokim i wok long traim long ronim.



Plumbing Services Ltd

KT Plumbing Services can provide expertise in the following areas:

- General maintenance
- Industrial plumbing
- Gas fitting
- Light Engineering
- Plant and equipment hire
- Waterblasting & Painting
- Load Shifting Equipment Training

You name it,
WE CLEAN IT!

KTPS multiblast services is the only company in Papua New Guinea offering the comprehensive range of industrial cleaning, surface preparation and coatings using the latest high pressure water-jetting systems. Whatever the buildup - rust, scale, mineral processing residues, chemical residues, paint and resins, just call us. There is no need to import expensive machinery and operators from overseas, KT Plumbing Services can do it for you anywhere, anytime.

Nothing is too big for us!

24 hrs

Call us now on

24 hrs

Tel: 548 9405 - Fax: 548 9257

P O Box 433, Tabubil, Ok Tedi, Western Province

Wokim Wok Yet ...

Ok Tedi Bisnis Saplimen

Poneng putim mani long gutpela rot

OL wok long ol samt-ing olsem ol main na petroleum insait long PNG i bai stap long liklik taim tasol.

Tasol dispela ol projek i save kisim planti mani olsem na ol lain husat i save wok long kisim ol oil o ol gol i save tro-moim planti mani long kisim ol.

Ol papagraun bilong ol ples we kain wok i stap long en i save kisim planti mani. Gavman tu i save kisim mani long sait bilong takis na planti ol lain i save painim wok long ol kain projek olsem.

Tasol olsem ol narapela samt-ing long laip, dispela ol

projek tu i gat ol nogut sait bilong ol.

Wanpela bilong dispela em stap long sait we bagarap i save kamap long ol wara na bus we kain projek i save kamap. Na arapela bagarap i save kamap long han bilong ol manmeri yet.

Taim ol i gat planti mani, ol i save ting olsem ol i ken wokim kainkain samt-ing.

Dispela kain ting-ing i tru na i save wok tasol taim mani i pinis bihain long olgeta oil i pinis na ol gol, kopa na ol arapela samt-ing i pinis, ol bai i kisim taim stret.

Long dispela as, ol man husat i wok long

kisim mani long ol kain projek maski yu papagraun o wokman bilong projek, yu mas traim long yusim mani bilong yu gut.

Planti ol kampani i save tokim ol wokman bilong ol long wokim olsem na dispela em wanpela stori bilong kain pasin olsem we wanpela wokman bilong wanpela kampani i yusim gut mani bilong em long samt-ing em em i ken sindaun na amamas long en long bihain taim.

Dispela man em Poneng Soneng na em wanpela wokman bilong Camp Administration (CA).



□ PONENG Soneng, wokman bilong CA husat i wokim haus kapa long ples.

CA em wanpela kampani we i bin kamap long 1995 na em i gat fo yia kontrak wantaim OTML long lukautim ol ples silip bilong ol wokman bilong OTML.

Ol papa bilong CA em ol 24 ples long Lai Riva, Kiunga, Ningerum, Tabubil na Telefomin.

Pasin bilong Poneng em CA laik bai ol arapela i ken lukim na bihainim.

Poneng em bilong ples Koitika long Oksapmin distrik.

Ples bilong em i stap longwe tru namel long ol maunten na balus tasol i save pundaun long hap. Nogat rot i go long hap.

Dispela i wokim na planti ol lain bilong Poneng i save painim hat tru long kisim wok long ol ples olsem OTML.

Tasol long namba 22 de bilong mun Ogus, 1987, Poneng bin kisim wok olsem wanpela klina wantaim CA.

Wok bilong em em long klinim ol ples silip bilong ol wokman bilong OTML.

Em i no save kisim planti mani long dispela wok tasol mani

em kisim em save putim long beng. Ol famili bilong em i stap long ples na em i nogat wari tumas.

Long 1997 taim bikpela san i bin kamap na wara bin drai na OTML i pasim wok, bos bilong Poneng tokim em long stap malolo.

Long dispela malolo bilong em, em go lukim ol lain bos bilong em na askim ol long halivim em long pulimapim pepa bilong kisim dispela NPF hausing lon.

Ol halivim em na taim em i kisim mani, em baim kapa bilong wokim haus long Pot Mosbi yet.

Tasol em nogat rot bilong karim ol kapa bilong em i go long ples olsem na em go askim ol bos bilong em ken long halivim em. Ol i tok orait na kisim ol kapa bilong em i go antap long Tabubil.

Long hia, em yet baim balus na salim ol kapa bilong em i go long ples bilong em.

Long ples, em i bin aiarim wokabaut somil bilong ol misin na katim ol diwai bilong em yet long

kisim ol timba bilong haus.

Taim kapa pundaun long Tekin ples balus, ol timba redi pinis, na em stat long sanapim haus bilong em.

Insait long sampela wik, em pinisim fo-bedrum haus bilong em.

"Mi lusim olsem K16,000 olgeta long dispela haus," em tok.

Taim ol bos bilong em i harim olsem, ol i halivim long ol samt-ing olsem matres, pilo, sia na ol samt-ing olsem.

Dispela em i kisim long wanpela lon kampani i gat bilong ol wokman bilong ol yet.

Long lait em i askim sampela poro bilong em husat i go malolo long Australia long baim bilong em long hap yet.

Poneng tok long ples bilong em, i no gat planti lain i gat haus kapa olsem na em i amamas long haus bilong em.

Em tok kampani we em wok long en i halivim em gut tru na em i amamas tu long ol.

Poneng i marit na i gat fopela pikinini.



□ OL lain long Rot Sefti i givim sil em sempion draiva bilong Rot Sefti Sempion resis Mista Simon Eyork i bin winim. Simon yet i sanap long han sut long dispela piksa.



TAWAP KAMEN INVESTMENTS LTD

Specialising in the following Areas:


- 1) Preferred Area Casual Recruitment Services for OTML
- 2) Labour Hire Services
- 3) General Contracting
- 4) Security Services to OTML & Contractors
- 5) Agent for Motor Vehicle Insurance Limited

P.O. BOX 292, **TABUBIL**,
WESTERN PROVINCE, PAPUA NEW GUINEA

PHONE: 548 9116/548 9512

FAX: 548 9580

LOCAL & NATIONAL LABOUR SUPPLY GENERAL CONTRACTORS



TABUBIL INVESTMENTS LTD.

Nature of Business

● Steelwork Fabrication & Erection

curve cone and apron feeder liner change out.

(a) It specializes on the Assembly and Refurbishment of 789B Cat. Dump Bodies fabrication and or modification of Auto gates (or tail gates as they are commonly called).

(e) Fabrication of Power Tower.

(f) Repair of 994 bucket, D11N dozer and grader blades. In addition we do general maintenance work.

(b) Repair of Electric Shovel dipper (bucket) including general maintenance.

● Building and Building Maintenance

(a) Maintenance of Houses.

(b) Construction houses, classrooms.

(c) Maintenance of drill, especially fabrication an extension of mast.

● Electrical Installation

(d) Crusher shut down maintenance. We do repair and change out on liners, of CV 22 C23 and transfer chute of the conveyor systems. We also do mental

(a) General domestic installation

(b) Industrial Installation

P. O. BOX 325, TABUBIL, WESTERN PROVINCE, PAPUA NEW GUINEA
PHONE: 548 9921 FAX: 548 9920

Wokim Wok Yet ...

Ok Tedi Bisnis Saplimen

Kukim na redim kaikai bilong OTML

PES bilong ol kampani husat i save kuk long main i bin stap long Tabubil long 1984/85 yet.

Long taim main i stat wanpela nupela kampani husat i save wokim dispela wok em ol kolim Bectal.

Bihain long 1989, Poon Brothers Catering & Services i bin kisim dispela kontrak bilong kukim na redim kaikai bilong OTML long Tabubil.

Dispela kontrak i stap yet i go inap long 1991 Poon Brothers i senisim nem bilong ol i go long Poon (PNG) Ltd.

Poon (PNG) Ltd i wok long wokim dispela wok igo igo inap long mun Februari long dispela yia, we wanpela nupela kampani ol kolim long Fubilan Catering Services i bin kisim dispela kontrak. Fubilan Catering Services em wanpela kampani bilong ol

papagraun stret. Kampani bilong ol papa graun we Fubilan Catering Services in stap aninit long en em Minerals Resources Star Mountains (MRSM).

Nau taim Fubilan Catering i kisim kontrak, ol i askim EUREST (South Pacific) long kam na ronim dispela wok bilong ol.

EUREST em kampani husat i bin baim P&O Service. P&O em kampani Poon (PNG) i stap aninit long en.

Ron bilong Fubilan Catering na EUREST i stap aninit long lukaut bilong MRDC.

Wok bilong kukim na tilim kaikai long ol wokman insait long

Tabubil em wanpela bikpela wok tru EUREST i gat long nau long PNG.

Kampani i save wok long tripela ples insait long ples we OMTL i wok long en.

Tabubil

Dispela em long Tabubil (antap long main tu), Kiunga, na Bige.

Long Tabubil, Mess 1 i stap long taun stret klostu long ol haus silip bilong ol wokman.

Mess 2 i stap long ples we ol brukim ol ston long en. Dispela i olsem 22 kilomita long-we long Tabubil. Ol lain husat i save kam kaikai long hia em ol wokman

bilong OTML na ol wokman bilong ol kontrak kampani husat i save wok long mil.

Long belo olsem 400 wokman i save kaikai na long nait olsem 120 wokman i save kam long kaikai. Ol lain husat i save kam long nait em ol lain bilong wokim ol wok mentenens na sampela bilong ol save silip na wok antap long hap na ol arapela em ol marit lain husat i go long wok antap.

Mess 3 i stap insait long ples we ol i digim ol ston long em. Long Tabubil, dispela i olsem 35 kilomita. Na dispela ples bilong kaikai i stap long wankain ples we ol arapela samting

bilong main i stap long en.

Long hia, ol i save wokim wankain kaikai olsem long Mess 2.

Kiunga

Long Kiunga igat tupela ples bilong kaikai. Wanpela bilong dispela i stap long Air Port Motel na dispela em ples we ol singel wokmanmeri i save stap long en.

Long dispela hap, FCS i save redim kaikai bilong belo na apinun tasol. Motel ya i gat olsem 120 man long en.

Narapela ples kaikai i stap long bris. Dispela ples em save wokim kaikai bilong belo tasol na i save wokim kaikai bilong 320-400 wokman

bilong OTML long wanwan de.

Bige

Dispela em ples we wok bilong rausim ston long wara Ok Tedi i stap long en.

Wok bilong kukim kaikai long hia em i stap aninit long wanpela join vensa namel long wanpela asples kampani ol kolim long Lower Ok Tedi Invesmen Kampani (LOTIC) na EUREST.

Kampani i save kukim kaikai bilong 138 ol wokman husat i save silip long hap na ol asples wokman em ol i kisim ol long wokim ol liklik wok nambaut.

Dispela kain wok bilong kukim na redim

kaikai bilong ol wokman long kain ples olsem Ok Tedi i no isi wok.

Long wanpela de, kampani i save redim olsem 4500 plet kaikai olsem na kampani i gat olsem 107 wokman.

Sevenpela bilong dispela ol wokman i no bilong PNG. Ol i bilong ol narapela kantri. Siksipela wokman em ol lain PNG yet na narapela 94 wokman em ol lain husat i kisim kontrak wantaim ol.

Fubilan Catering i gat tingting long kisim tripela moa ol kuk.

Ol kaikai FCS i save kukim em ol i kisim long ol ples olsem Australia, Port Moresby o Lae. Taim ol kaikai i kam sua long Kiunga bris, kar i save karim i go antap long Tabubil we ol i save putim ol long wanpela we haus bilong ol. Dispela we haus i stap klostu long Mess 1.



Star Mountain Clothing Ltd

Specialised in:-

- * Work Wear
- * Uniforms
- * School uniforms
- * Embroidery

The Directors and Management of Star Mountain Clothing Ltd wish to congratulate OTML and its management and the Hamamas Wik Committee on your 12th Anniversary of this very important social event.

We are proud to be associated with OTML and look forward to continuing our relationship for the years to come.

P. O. Box 567

TABUBIL

Western Province

Ph: 548 3359 - Fax: 548 9719

KSS sainim kontrak wantaim OTML

WOK sekyuriti long Kiunga i gat stail, na i win tru.

I no longtaim i go pinis, Ok Tedi Mining Limited kampani i bin oraitim Kiunga Security Services (KSS) long mekim wok sekyuriti long hap inap long tripela yia. Na pe bilong dispela kontrak namel long OTML na KSS em inap long K3.24 milien.

Ol bod ov dairekta bilong KSS na OTML i bin bung long Tunde, Epril 4 bilong oraitim dispela kontrak wok.

Bikbos bilong OTML Dokta Roger Higgins i bin makim kampani bilong em na putim hanmak long ol kontrak pepa na siaman bilong KSS Brian Weke bin makim maus bilong nupela sekyuriti kampani ya.

KSS em i biknem na i karamapim tripela liklik sekyuriti kampani bilong Kiunga. Ol liklik kampani ya em Kawot, Amboram na Meps sekyuriti sevis.

Eria menasa bilong Kiunga Joe Nohnah i tok: "Dispela wokbung i gat bikpela mak bilong en. Em i soim bilip na gutpasin em i stap namel long OTML na KSS."

Mista Nohnah i tokim ol papa na bos bilong kampani olsem ol i mas kamapim kain wok olsem OTML i laikim na i gat bilip tong ol bai kamapim aninit long kontrak. "Olsem bai yupela inap helpim long kamapim ples na taun em ol pipel wantaim ol wokman na wokmeri na ol famili bilong ol i ken sindaun wantaim belisi na amamas," em i tok.

Em i tok tu olsem wok sekyuriti i no inap kamap sapos ol pipel i gat rispek, belisi na wokbung pasin i stap namel long ol yet. "Bikos ol dispela

samting i no stap," em i tok, "em nau olgeta samting i kam bek long yupela bai kamapim na lukautim kampani wantaim pipel na ol woklain long hia."

Infrastraksa developmen dipatmen menasa bilong OTML Andrew Temu i salim tu bikpela tok amamas i go long ol dairekta bilong KSS long kam bung wantaim na winim kain bikpela kontrak olsem long Ok Tedi Mining Limited.

"Nau yupela bung wantaim pinis, na yupela ken sanap na resis long winim ol arapela bikpela kontrak olsem long Ok Tedi na ol arapela kampani na gavman opis long Papua Niugini," Mista Temu i tok.

Mausman bilong OTML bisnis developmen Superintenden Patrick Imaroto i askim tasol KSS long bihainim gut olgeta askim i stap insait long kontrak.

"Dispela samting i kamap bikos yupela olgeta i amamas long wokbung wantaim," Mista Imaroto i tok. "Tasol dispela kain wok kontrak i no ken pinis tasol wantaim Ok Tedi. Yupela i mas traिम skruim tu i go long ol arapela wankain projek olsem, na tu long ol arapela taun na siti."

Mista Weke i makim maus bilong KSS na tokaut olsem ol bai traिम hat tru long bihainim olgeta tok orait, askim na lo i stap insait long kontrak.

Em i tok ol i luksave olsem sapos ol i laik winim ol bikpela kontrak na mekim gut wok, i mobeta olsem olgeta tripela sekyuriti kampani i bungim han wantaim tingting na save bilong kamapim wok sekyuriti insait long Kiunga.

Wokim Wok Yet ...

Ok Tedi Bisnis Saplimen

TE i go pas long lainim ol aprentis

TABUBIL Enjiniaring (TE) Limited em wanpela kampani we i bin kamap long 1984 aninit long Ok Tedi Maining Limited Bisnis Developmen program namel long ol lain bilong Migalsim Bisnis Grup.

Dispela bisnis grup em nau bruk tupela hap. Wanpela em Amgu Bisnis Grup na narapela Imiba Bisnis Grup.

Stat bilong TE

Taim kampani i stat nupela yet, em i bin gat 25 wokman tasol wantaim opis bilong em em stap long wan-

pela kontena bilong sip. Tasol nau dispela kampani i kamap i go na i stap olsem wanpela bikpela kampani tru.

Long nau, kampani i gat 214 wokman na ol woksap bilong ol i gat ol kainkain masin bilong wokim kainkain wok. Tu kampani i gat wanpela holsel na wanpela hadwe stoa.

TE em wanpela bikpela enjiniaring kampani husat i wok olsem wanpela kontrakta long OTML. Na tu em i wanpela bilong ol olupela kampani tru we i bin

kamap olsem ol join vensa kampani.

Ol narapela kampani husat i bin kamap long dispela taim i senisim ol papa bilong kampani na sampela i pas pinis.

Ol han bilong TE

Ol han bilong TE we i save wokim ol wok em long:

- Bilding Konstraksen na mentenens;
- Stil febrikesen na ireksen;
- Masin woksap;

- Vehicle maintenance and servicing workshop;

- Hadwe na holsel; na

- Sain raiting

Bilding konstraksen

Han we i save wokim ol haus em wanpela husat i save bisi tru wantaim ol kainkain projek. Sampela bilong dispela ol projek em stap long lukautim ol haus bilong OTML (dispela em wok tru bilong em), wokim wanpela haus silip bilong 126 wokman long ples we masin bilong rausim ol ston long wara i stap long en, wokim tupela bikpela haus long Kiunga, wokim ol haus long Ok Menga na ol narapela haus bilong ol kampani. Han bilong kampani we i save wokim ol sia, tebol, bet, kabot na ol samting olsem i

wok long halivim long dispela wok

Febrikesen

Febrikesen han bilong TE i save wokim kain wok long OTML antap long main na tu i save halivim ol long ol wokman taim main i pas. Dispela han tu i save halivim ol lain husat i save wokim ol haus olsem wanpela wok ol i bin wokim bilong ol Starwest konstraksen we ol i bin sanapim ol sparing bilong traipela wehaus bilong ol. Long 1992/93, ol tu i bin pinisin long taim stret bikpela wok long sanapim na putim traipela krasa bilong main.

Dispela han tu i save oparetim rol foma em masin bilong wokim ol samting olsem purlin, girts, tophat sections na custom orb roof sheeting.

Woksap

Masin woksap bilong ol i save wokim wok mentenens bilong OIEMI long ol masin na ol bikpela kar bilong main.

Long 1991, TE kamapim Tabubil Hadwe na dispela hap han bilong TE tu i wok long wok gut tru. Insait long Westen Provins, dispela hadwe i wanpela bikpela hadwe tru na i save salim kainkain samting bilong hadwe na ol narapela samting.

Sefti

TE tu i bin wokim Okiupesenel Helt na Sefti Dipatmen. Dispela dipatmen em stap long lukautim kampani bambai kampani i ken bihainim Okiupesen Helt pasin.

Long taim dispela dipatmen i bin stat i kam inap nau, kam-

paini no bin painim bagarap we i stapim kampani long wok. Dispela dipatmen i save romim ol kos bilong setti na sekim ol samting bilong wok long wokim bambai ol ron gut tasol na nogat bagarap bai i kamap long ol wokman long ples bilong wok

Halivim ol aprentis

TE tu i no lus tingting long ol nupela aprentis husat i save kam wok wantaim em. Em i wok long trenim ol yet na tu kampani i save trenim ol mangi we i kam long Boys Taun long Kiunga na long ol arapela ples we ol tek skuli stap long en. Kampani tu i save baim skul fi bilong ol sumating long go bek long skul.

Sefti bikpela samting: Moffat

Ol lain husat i wokim ol nupela hap ples bilong wokabaut wantaim simen laikim ol manmeri long wokabaut antap long dispela na i no long namel long bik rot.

OL lain bilong Tabubil bai i amamas long wokabaut insait long taun bihain long ol wok em i wok long kamap insait long taun we ol lain i wok long stretim rot bilong wokabaut na putim ol simen long ol.

Ol manmeri i no ken wokabaut namel long rot bilong wanem nogut ol bai i painim bagarap.

Dispela ples bilong wokabaut em ol i wok long en i bai karamapim tupela sait long Dakon rot long Telikom o go long Kosa Strit (em rot i go long MBA).

Ol lain long Enjiniaring Rot Seksen i tok Dakon rot em wanpela hap ples we i save pulap oltaim.

Ol lain ya i wok long was long Okmabion Kampani Limited husat i wok long wok long rot.

Hap rot ol i wok long en i kos olsem K70,000. Tasol dispela kos i no karamapim prais bilong ol simen olsem na ol lain wokim dispela rot i laik bambai ol man-


meri i mas olgeta taim wakabaut long dispela nupela ples bilong wokabaut na i no long narapela hap nambaut.

Mani em ol i kisim long wokim rot i kam long ol Rot Mentenens fan.

"As bilong wok mipela wokim em bilong laukautim ol manmeri. Mipela laik bambai ol manmeri i wokabaut long dispela ol rot na i no namel long bik rot," Mista Gary Moffat sinia sivil woks enjinia tok.

Em tok ol i wokim nau bai i karamapim 1100 mita olgeta. 900 mita em ol i pinisim pinis. Na ol ting dispela ol wok bai i pinis insait long dispela mun tasol.

Ol lain i nogat tingting long wokim ol narapela wok long ol ples bilong wokabaut long nau yet tasol ol i gat tingting long lukluk long stretim ol arapela ples aninit long plen bilong menesing dairekta long stretim taun.



□ SIP hanga long Kiunga bris long Flai Riva. Dispela bris long Kiunga em asples tru bilong olgeta kago em ol sip olsem dispela long piksa i save karim i kam bilong Ok Tedi Main. Ol kopa tu i save lušim Kiunga long hia we ol sip bilong karim ol i save kam na kisim ol long hia.



■ OL asples lain husat i wok long wokim wok long Bige long wokim bambai ples i ken kamap grin ken.



■ PORGERA Joint Venture, Projek Menesa Mista. Evert Van Brant wantaim ol lain bilong em i go lukluk raun long Ok Tedi. Hia ol i sanap wantaim ol wokman bilong OTML long Mt. Fubilan Main.



■ MISTA Nich Warner, Hai Komisina bilong Australia long PNG wantaim ol lain bilong em i lukluk raun long pawa plen bilong OTML long Ok Menga.



■ OL wokman bilong Four Corner TV i kalap long elikopta taim ol i go lukluk raun long Ok Tedi.

Mekim ol bus na diwai i groa gen

FLORIAN DATI i raitim

FORESTA Don Yakuma i save stap wantaim dispela liklik hat toktok: "action speaks louder than words". (Eksen i tokaut moa long toktok)

Dispela tasol i save mekim hat long painim Don Em i no save stap long wanpela ples olgeta taim.

Long Bige, we OTML i karimaut trail dredging program long tupela krismas i kam, askim ol lain we Don i stap na ol bai tokim yu, "Em i stap long bus."

Tasol bus i bikpela na sars bilong yu long painim Don em long tanim redio OTML Sanel 4 na opim ia long harim Ark Wan. (Ark i nem bilong sip o bot). Yes dispela em signal sain bilong em.

Ark we i stap klostu em long wara we Ok Tedi i sanapim dredge we nem bilong em i Cap Martin. Dispela sip i no karim ol enimol, tasol em i wanpela spesel sip we i save dingim i go aninit tru long floa bilong wara bai wara i mas dip tru na i no ken brukim sait sait taim wara i non.

Cap Martin i save digim ol graun, ston na wasan aninit long wara na bungim ol arere long wara we eksen Don i gat laik long en.

Wantaim helpim bilong ol Ok Tedi saintis na ol asples lain, Don i mas painim we bilong groim gen ol samting i arere long wara we ol wasan na ston we sip i rausim

aninit long wara na bungim na i kisim ples long sait.

"Sapos i gat wil (bilip na strong), i gat wet (rot)," Don i tok. Na em i save gut tru long trasim na bilip long wanem samting em i mekim na em i gat strongpela tingting olsem ol bus, gras na diwai bai groa gen long hap ol i bungim ol ston na wasan long en arere long wara bihainim wok ol i mekim.

Don i gat bilip olsem wantaim sapot em i kisim long Bige menesmen tim na long dipatmen bilong em yet long Tabubil na tu ol asples lain husat i wok wantaim em,



■ DON Yakuma wantaim ol asples meri husat i wok long halivim em long wokim Bige i kamap grin ken.

long kamapim dispela tingting bai i no inap hat. Em i tok wantaim gutpela wok ol lain i mekim, em bilip ol gras na bus samting bai groa gen tasol bai i isi isi long kamap.

Mipela i luksave long dispela toktok bilong em taim mipela i wokabaut wantaim em arere long wara long hap we ol i bungim ol wasan na ston samting long en na lukim olsem ol nupela grinpela kru i wok long kamap long ol sids we Don na ol lain bilong em i planim.

I gat ol yangpela diwai saksak na arapela diwai nambaut we ol i train na i soim

sain bilong kamap.

Long luksave olsem ol asples we graun bilong ol em OTML i lisim long wokim dredge wok long en, Don wantaim Bige menesmen i wok long kisim ol manmeri bilong ples long wok wantaim ol long karimaut dispela program bilong planim ol gras, diwai na bus samting i go bek gen.

■ Ol i haiaim tu ol kokol masin long mekim dispela wok tu.

Aninit long dispela wok tu, Don i save baim ol kain kain sid o pikinini diwai na gras nabaut long ol asples we ol tu i laikim ol gras na bus i groa gen long Kwiape, graun we kampani i lisim long karimaut dredge operesen.

Long nau yet Don i kisim olem 70 wokmanmeri long stretim gut ol graun na ston long hap we masin i bungim ol arere long wara na stretim gut ples gen. Namel long ol em 15 meri husat i save wok senis senis long lainim wok na tu kisim potnait long lukautim na sapotim famili bilong ol long ples. Ol meri i save wok senis senis tu bikos ol i mas i gat taim long stretim ol wok bilong ol yet wantaim famili long ples.

Dispela em wanpela risos mipela i no bin go insait long bipo long sait bilong wok. Mi painim ol lain ya i lain bilong wok hat tru na i save mekim gut wok bilong ol, Don i toktok long sait bilong ol meri we em i kisim ol long wok.

OTML kisim nupela kar bilong karim kopa

NAMBA bilong ol bikpela haiwe kar we i save wok long Mt Fubilan main long karim ol kopa i surik go antap bihainim long ol i kisim tripela nupela kain kar olsem.

Ol kar ya em ol i putim namba olsem KT81, HT82 na KT83 i ol nupela kar we kampani husat i save wokim ol Cat i bin salim long OTML. Ol bai i joinim ol narapela ol olupela kar we i save wok long main. Ol i bin stat long wok long main lng Fraide, Me 9.

Eddie Mackie, fomen bilong Main Trening tok ol kar ya i kam kamap long rait taim stret bikos ol kain kar i wok long go lapun nau na i no wok gut olsem taim ol nupela yet.

"Dispela ol masin i kam long rait taim stret taim ol olupela kar bilong mipela i wok long kamap lapun," Mackie tok.

"Ol olupela kar i wok gut tru na mipela i hamamas long ol tasol dispela i bin kamap long hatwok bilong ol lain long mentenens dipatmen. Ol i bin wokim bikpela hatwok long stretim ol kar na wokim ol long ron yet," em tok. Ol olupela kar we i save wok long main i save wokim gutpela wok tasol ol nupela kar em nau ol i wok lng yusim i strong moa yet.

Wanpela samting long ol nupela kar em antap moa long ol olupela kar em long sait bilong ol samting insait long kar. Ol nupela kar i planti ol samting we i save wok long pawa.

"Tru tru ol nupela samting i narakain stret olsem ol kompiuta. Kar em wok long kompiuta tasol. Em yet bai tokim yu long ron isi na em yet tu bai i tokim yu sapos gia yu ron long em i no rait na sapos samting em i karim i no hevi gut," Mista Mackie tok.

Ating yu ritim dispela na ting olgeta samting i wok long masin tasol. Nogat. Man i save bosim wok bilong masin na long ples bilong main, wok bung namel long man na masin i narakain stret tasol man i save lukautim ol ron bilong masin.

"Ol i wokim kar long rot we olgeta samting i wok long kompiuta na wok bilong draiva



■ WANPELA bilong ol nupela kar i redi long karim ol ston long main.

bilong kar em ol staim tasol," Mista Mackie tok. Dispela ol nupela samting olsem ol kompiuta long kar i wokim na ol draiva bilong dispela ol kar long main i no inap wet long train ol.

"Ol masin insait long kar wokim ol samting i ron isi tru na ol lain draiva i wok long pilai nambaut long samting olsem windua bilong kar we i save ron long pawa," em tok.

Long nau yet ol lain draiva bilong dispela ol nupela masin i wok long kisim ol trening long lainim rot bilong ronim ol nupela masin.

Ol nupela samting insait long ol kar ya i bilong halivim draiva bambai em i ken ronim kar gut. Tasol sapos ol draiva i no bihainim toktok bilong kar, kar yet bai i stop.

Mista Mackie tok tru kar em yet i no inap long

stopim ol draiva long silip tasol sapos ol i silip na i no bihainim ol toktok bilong em, kar yet bai stop na dispela bai i sevim draiva na masin tu. Narapela gutpela samting long kar em olgeta wok em wokim, em yet i ken printim aut bihainim long wok i pinis.

David Massani, Supaintenden bilong main tok wanpela bilong ol dispela bikpela kar i kos olsem K4 milien na i ken karim samting hevi olsem 190 ton.

OTML tu i bin baim tripela nupela buldosa bilong main. Dispela ol buldosa i no kam yet. Wanpela bilong dispela ol buldosa bilong stretim rot long main we i save bagarap klostu klostu long wanem graun long hap bilong main i no strong na ren i save pundaun.



■ KAUNSOL Meki Manimi, Mehi Manmanim long ples Migalsem. Long han sut em Basilok Tally wantaim ol famili bilong em i sanap long fran bilong haus kapa we ol i wokim aninit long A.dditional Benefits Package bilong ol papagraun.



■ OL wokman bilong JICA wantaim ol pikinini long ples Migalsem. Dispela piksa em ol i bin kisim long taim ol i go lukluk raun long hap.

Planti i no luksave tru long pawa

PLANTI manmeri long taun i no save long Haidro Pawa Plent o Pawa Stesin tasol dispela i no stret we i gat gutpela pawa sistem we i ron gut na wok gut. Ol manmeri husat i save yusim pawa i save kisim luksave taim i gat hevi long pawa. Long Ok Tedi pawa sistem i wok long ron gut na wok gut bikos long gutpela opereting na mentenens skills.

OTML Menesa bilong Electrical Sevis Robert Wynne i mekim ol dispela toktok taim em i tok amamas long faivpela Ok Tedi Pawa Stesin Opereta taim ol i kisim trening na setifiket long Pawa stesin Opereta.

Namel long ol faivpela ya, Timothy Robert na Joel Juhumbe i kisim trening long Haidro Pawa Stesin Operesen na ol arapela tripela Mark Akatieng, Gabriel Rasehei na Ignatius Horris i kisim trening long Thermal Pawa stesin Operesen.

Mista Wynne i tok dispela kos i no isi bikos i gat bikpela taim na hatwok long kisim dispela setifiket. Mista Wynne i

tok amamas long ol faivpela lain ya long hatwok bilong ol na tokaut olsem dispela setifiket i putim ol lain ya long gutpela posisen long bihainim taim long wok bilong ol. Dispela Pawa Opereta Setifiket we ol Tabubil Pawa Stesin Opereta i kisim i gat luksave bilong Elcom long Papua Niugini na Elcom bai i kamap long taun long luksave long trening bilong ol olsem awad bilong Elcom operetas setifiket.

Em i tok tu olsem trening program ol opereta ya i kisim wok i stap long Siti na Gaidis we ol bai skelim na givim luksave aninit lng CBL Learning System. Sapos dispela i kamap, dispela bai oraitim Pawa Stesin Operetas long kisim intanensel luksave long setifiket bilong ol. Sinia Pawa Opereta Trena Dave Griffin i tok amamas long ol operetas ya na tok moa long Mark Akatieng husat i bin stat olsem Tred Asisten long Tabubil Pawa Stesin. Em i bin painim wok i hat long em tasol em i givim moa taim na wok strong long pinisim dispela strongpela kos. Narapela long kolim tu em Timothy Robert bilong Ningerum eria husat i bin stat olsem Pawa Haus Opereta Trening wokman bihainim long em i pinisim skul na nau em i ful Pawa Haus Opereta. Bikpela tok amamas igo long yupela na holim yet gutpela wok bilong yupela na larim pawa i ron yet.



■ OL lain man husat i wok long pawa wantaim ol setifiket bilong ol. Wantaim ol em ol trena, supavaiva na wanwok bilong ol.

Wokim Wok Yet ...

Ok Tedi Bisnis Saplimen



OL wokman bilong S&B Enjiniaring i lusim wok bilong ol long kam sanap na kisim piksa.



JENEREL menesa bilong S&B Enjiniaring, Mista Micheal Mosko na meri bilong em Jenny.

OTML kisim biknem long gutpela pasin bilong en

TABUBIL HARDWARE

P. O. BOX 431, TABUBIL, WESTERN PROVINCE, PNG.

(A DIVISION OF TABUBIL ENGINEERING LTD.)

THE BIGGEST & BEST HARDWARE STORE IN THE WEST.

- | | |
|--------------------------|-------------------------|
| * HARDWARE | * FASTENERS |
| * CLADDING | * BUILDING SUPPLIES |
| * CEMENT | * ROOFING IRON |
| * SOLAR HOT WATER | * HAND TOOLS |
| * PAINT & PAINT GEAR | * CERAMIC TILES |
| * ELECTRICAL & LIGHTING | * PLUMBING SUPPLIES |
| * AUTOMOTIVE ACCESSORIES | * ADHESIVES & CHEMICALS |
| * HOMEWARES | * LEISURE GOODS |
| * SAFETY CLOTHING | * FLOOR COVERINGS |
| * WELDING SUPPLIES | * CASTROL OILS |
| * POWER TOOLS | |

EXTENSIVE RANGE OF INDUSTRIAL SUPPLIES
- BEARINGS - V - BELTS - LIFTING & RIGGING GEAR - ETC.

FOR A COMPLETE RANGE OF HARDWARE SUPPLIES

WE CONGRATULATE OK TEDI MINING LTD AND THE PEOPLE OF TABUBIL ON THE 12TH ANNIVERSARY OF HAMAMAS WIK.

PHONE: 548 9474
548 9109
FAX : 548 9302

KAIN halivim Ok Tedi Maining Limited i save givim long ol sap kontrakta bilong em i nam-bawan stret. Dispela em toktok wanpela sap kontrakta long OTML i tok.

"Pasin bilong ol i gutpela tru na ol bin halivim mipela gut tru," Mista Micheal Mosko jenerel menesa bilong S&B Enjiniaring tok.

"Dua bilong ol i save op tasol i stap.

"Sapos dispela gutpela pasin i no bin stap, ating mipela i no inap kamap olsem," Mista Mosko tok.

Na long wanpela kampani husat i stat long 1998, kain halivim ol i kisim long han bilong OTML i wanpela samting ol i amamas tru long en.

Mista Mosko tok pasin bilong save long wokim wok em wanpela samting tasol long yusim kain save yu i gat long ol ples olsem OTML we olgeta samting i save muv long taim em narapela samting stret.

Tasol Mista Mosko tok taim S&B Enjiniaring i bin putim han bilong em go antap long soim OTML olsem em i redi long wokim wok, S&B i bin save pinis long wanem kain wok em i bai wokim.

Long sait bilong wok eksperiens, Mista Mosko wantaim ol wokman bilong em i redi tasol i stap long soim tru long OTML olsem S&B i ken wokim wok olsem ol i toktok.

OTML tok orait long ol i ken stat olsem wanpela sap kontrakta. Orait S&B kirap na rejistim ol yet aninit long OTML Preferred Area Contractor na stat wok. Na nau bihain long wanpela yia long wok, Mista Mosko tok em i amamas long wok ol i wokim na tok dispela i soim olsem S&B Enjiniaring inap long wok long ol ples olsem ol main.

Olsem planti ol narapela kontrakta long main, S&B em wanpela kampani bilong ol lain long Ningerum.

Ol kain wok S&B Enjiniaring inap wokim em long sait bilong pawa, stretim taia, metal febriksen na bilding konstraksen.

Tu S&B ken givim ol wokman bilong ol long wokim ol wok sapos i gat wok i stap.

Mista Mosko tok kain ol wok S&B i ken wokim i planti tru na dispela em i gutpela bilong wanem em i ken halivim kampani long ron gut.

Mista Mosko i bin wok pastaim long

OTML olsem wanpela ilektrikel teknikel opisa. Tasol bihain em i lusim na statim dispela wok wantaim ol papagraun.

Main i gat sampela moa yia bilong em i stap yet na Mista Mosko tok em laik bambai S&B i mas wok gut long dispela ol yia.

Long wankain taim tasol, Mista Mosko tok bagarap em i bin kamap long wara na bus bihain long OTML i bin tromoi ol ston igo insait long Wara Ok Tedi em wanpela bikpela samting na ol lain i mas tingting gut na painim gutpela rot bilong stretim dispela hevi.

Mista Mosko tok long OTML tasol na kainkain samting i bin kamap long Westen provins.

"Mi no bin go long ol arapela ples we igat ol main o petroleum projek tasol mi save olsem ol sevis we i kam long han bilong OTML i bikpela na i karamapim olgeta hap bilong Westen Provins.

"OTML i save sapotim planti ol projek olsem teks kredit skim, Flai Riva Developmen Tras, ol kontrak, ol skul bilong ronim gut bisnis na ol kainkain samting," Mr Mosko tok.

Wokim Wok Yet ...

Ok Tedi Bisnis Saplimen

Bakstoa menesa kamap fama

OLGETA stori bilong ol lain husat i save kamap bikman o bisnis man i save stat long daun pasin.

Long planti manmeri ol i save stat wok olsem ti boi, o wok sapos i gat wok long mekim, kako boi na isi isi ol i save mekim rot bilong ol i go kamap bik bos or menesa. Dispela stori em i no wankain. Dispela stori em i bilong wanpela menesa bilong bakstoa husat i kamap wanpela fama na em i tok nau em i lukim gupela kaikai bilong wok bilong em.

Alex Ianimai bilong Daru na i bin wok olsem wanpela bakstoa menesa bilong Burns Philip long Kieta, Bogenvil. Long 1989, em lusim Bogenvil na bilong wanem pait i bin kirap long hap.

Bik bos bilong em i tokim em long wok long narapela han bilong Burns Philip long Kiunga. Tasol em i gat laik long go wok long Rabaul o Wewak olsem na em i lusim wok na i go bek long ples long stap wantaim ol pipel bilong em.

Em i luksave olsem ol pipel bilong em i mas wok long graun bilong ol. Dispela em wanpela bikpela samting i bin suvim em long kamap wanpela fama. Nau Ok Tedi Maining Limited (OTML) i kisim em olsem wanpela agrikalsa opisa long Sialowa (Stuart Ailan).

Wok bilong Mista Ianimai em long bringim raba olsem wanpela diwai bilong kisim mani i go long ol ples i stap long sait bilong Flai Riva. Stat long taim em i bin go long Stuart Ailan las yia, em i kirapim pinis wanpela neseri we em i bai go kisim ol nupela kuru bilong raba diwai.

Em i planim fopela kain raba diwai long hap we em i ken tilim i go long ol pipel. Dispela em long PR260, PB 255 na PB 325.

Mista Ianimai tok: "Planti ol pipel i stap long ol ples klostu i soim bikpela laik long planim

raba taim mi bin go long ples bilong ol pastaim, tasol nau dispela laik bilong i go daun pinis.

"Ol pipel i laik wok long mani tasol, tasol ol i no luksave olsem taim Ok Tedi na ol arapela kampani husat ol i wok long ol nau i stapim wok bilong ol, ol bai i nogat arapela rot bilong kisim mani."

Em i tok ol pipel husat i gat laik long planim raba em ol lain i stap longwe long Stuart Ailan.

Las yia, 27 mangi bilong wanwan ples long Flai Riva i bin go kisim skul bilong lukautim kuru bilong raba na planim ol nupela pikinini raba.

Em i tok ol i redi long planim ol pikinini raba long ples blong ol yet tasol rot bilong kisim ol stik bilong raba long Kiunga i go long ples bilong ol i no isi tumas na i ken mekim ol pipel i lusim laik long dispela wok.


Taim ol kuru stik na ol kuru raba i kam long Kiunga na ol planim ol, ol bai tilim i go long ol ples.

Mista Ianimai i gat 1000 poli bek i redi long planim narapela neseri. Progress Pty Ltd husat i gat wanpela somil long Sialowa i givim em wanpela hekta bilong graun long yusim long planim ol neseri.

Narapela wok em i mekim, em long bringim haibrid kokonas. Ol kokonas bai kam long Madang Kakau na Kokonas Rises Institut.

"Mipela bai tokim ol pipel long wanwan eria sapos ol i mas planim raba o kokonas bihain long mipela testim graun bilong ol. As bilong dispela em bikos raba i ken gro gut long sampela eria we kokonas i no inap," em tok.

Mista Ianimai i bilip olsem sapos ol i skulim ol pipel long nau, bihain taim bai ol ken luksave long gut kaikai i stap long sait bilong wok agrikalsa.



LONG wokim wok gut, ol wokman i mas gat gupela save long wok. Na wanpela nambawan rot bilong lainim ol man gut long wok em long trenim ol. Long OK Tedi, pasin bilong trenim ol wokman em wanpela nambawan samting ol i save wokim. Dispela piksa i soim sampela wokman bilong Ok Tedi wantaim setifiket ol i kisim bihain long ol i pinisim wanpela trening bilong ol.

OTML burukim kiau ken long tred testing

OK TEDI Maining Limited i mekim nem pinis long PNG long traime ol nupela samting na nau ol i mekim nupela nem taim ol i kamap nambawan kampani long kantri long holim metol fabrikesin na welding tred testing bilong ol esistent bilong ol yet.

Aninit long dispela nupela program ol i wok long trenim ol man long dispela tred testing na ol i winim ol teknikal skul long kantri long lainim dispela.

Tred testing bilong ol esistent em long trenim ol manmeri husat i holim arapela kain wok. Ol dispela wokman husat ol i wok long lainim ol i no bin skul long ol teknikal skul.

Nesanel Aprentis na Tred Testing Bod (NATTB) i wok long mekim dispela tred testing projekt wantem halivim i

kam long ACIL Ostrelia na i pulim pinis 10-pela as ples husat i tren long dispela program.

Sevenpela long ol i wok long OTML long lojistiks, main na mil divison na ol arapela tripela i wok long Dredco.

Lohia Bodibo bilong NATTB i bin testim ol wantem John Patterson bilong ACIL Ostrelia husat i olsem wanpela obseva. Ol lain husat i binw as long ol i bin Peter Singut na Peter Kore long OTML na Kolo Mathia long Tabubil Enjiniering.

Mista Patterson i tok olsem olgeta tred testing ol i save holim long senta em ol praivet wan na em fes wan na yumi mas-praud long em.

Em i tok olsem dispela trening ol i no bin mekim long wanpela trening senta tasol


long wanpela praivet trening senta insait long PNG.

Mista Patterson i tok olsem taim dispela trening i bin stat long long August long Pot Mosbi na Mt Hagen teknol kolis ol i bin givim tok olrait long ol long mekim. OTML i go pas stret long long winim ol arapela kolis long PNG.

Em i tok olsem dispela tupela teknikal skul ol i bin holim ol kos bilong mota vihikol mekaniks tasol i no long metol fabrikesim. Ol test bilong metol fabrikesin i wok long kamap long Pot Mosbi na Lae Teknikal kolis nau

OTML i gat 7-pela man husat i gat pepa long lainim ol man long metol fabrikesin na welding. NATTB i trenim ol dispela man.

Kapentri seksin bilong OTML i gat tok olrait bilong NATTB long ronim ol kos.



WANPELA bilong ol traipela kar i malolo tasol bihain long bikpela wok em i bin wokim.

Sekyuriti gad tok tenk yu long OTML

WANPELA sekyuriti husat i save wok wantaim Kawot sekyuriti sevis long Kiunga Brown Haus 2 i bin salim tok amamas bilong em i go long OTML long gupela pasin em i bin wokim long givim sekyuriti kontrak i go long nupela sekyuriti kampani Kiunga Sekyuriti Sevis (KSS).

Man ya em Jon Safe na em bilong ples Komon long KM 90. Jon tok em i amamas bilong wanem dispela kain wok kon-

trak nau bai wokim na ol lain long ples i ken kisim wok long hia.

"Mi bin wok long Kawot Sekyuriti kampani long tupela krismas long Kiunga Brown Haus 2 tasol mi no save lukim kain pasin olsem long OTML.

"Tasol nau mi lukim senis long ol plen bilong OTML long wok wantiam ol pipel maski ol i gat skul o nogat.

"Olsem na mi laik tok tenk yu long OTML na long ol man-

meri husat i lukautim tru hap wok bilong wokim bambai mipela ol manmeri i ken i gat ol wok long wokim olsem dispela pasin we i kamap long KSS na long kontrak em i bin kisim.

"Mi hop, OTML bai i go het yet long wokim ol kain pasin olsem bilong halivim na strongim ol manmeri bilong Not Flai, Midel Flai na Westen Provins," em tok

Wokim Wok Yet ...

Ok Tedi Bisnis Saplimen

Nupela kampani i soim olsem em i ken wok

Taim hevi i bungim ol bikipela masin we i save wok long ol main, wok bilong stretim ol i no liklik. Ol lain husat i wok long dispela sait i mas i gat gupela save long wokim dispela kain wok. Long Ok Tedi main, i gat plan-ti ol sap kontrakta husat i save wokim ol kain wok olsem. Na wanpela bilong ol dispela lain em Tabubil Invesmen Limited. Em wanpela yangpela kampani tasol em i soim pinis olsem em i ken wokim ol kain wok olsem ol nara-pela kampani i save mekim long main.

OL bikipela savol we i save savolim ol ston em ol i brukim long OK Tedi inap karim ol ston we hevi bilong ol inap olsem 50 ton. Na hevi bilong wanpela savol i olsem 40 ton.

Ol kain savol i save stap long tupela masin. Wanpela bilong dispela ol masin i save stap long wanpela hap tasol na i save wok long pawa na nara-pela i save stap long ol bikipela masin olsem ol Caterpillar.


Long ples we ol i digim ol kopa, dispela ol traipela masin i no save malolo na i save brukim bun tru long wok long pulimapim ol bikipela kar bilong ol main.

Insait long bel bilong ol dispela savol i gat hap kapa em ol weldim antap long ain bilong savol. Dispela hap kapa em stap long lukautim savol. Tasol long kain wok bilong ol, ol savol i no save malolo na dispela i save wokim na ol kapa ya i save bruk.

Taim dispela i kamap, ol i mas hariap long senisim ol. Na wok long senisim ol kain savol olsem i no pilai.

Tasol wanpela kampani husat i save wokim dispela wok em Tabubil Invesmen Limited (T.L).

TIL em wanpela kampani bilong yumi ol Papua Niugini




□ MISTA Takai Kolalyo, jenerel menesa bilong TIL.

yet na i bin stat wok long Jun, 25 long 1998 olsem wanpela sap kontrakta long main.

TIL i stap olsem wanpela Preferred Area Contractor na kontrak bilong em i karamapim ol wok olsem stil wok febriksen, bilding na mentenens, ilektrikel instolesen - domestik na industriyel long OTML.

Tru dispela ol wok i bikipela tru tasol, Siaman bilong Bod ov Dairekta bilong TIL Mista Andrew Yokim i amamas tru long ol wok TIL i bin wokim we i save stap aninit long lojistik sait bilong OTML.

"Wok bilong mipela i stap tasol long main aninit long lijistik eria bilong OTML," Mista Yokim tok.



□ TIL tu i save stretim na joinim ol kain traipela trei bilong karim ol ston em ol brukim long main olsem dispela.

Nau taim ol i go insait long namba tu yia bilong ol, Mista Yokim tok hap wok bilong ol tu em stap long sait bilong joinim ol trei bilong ol bikipela kar we i save karim ol kopa.

"Dispela ol wok long sait bilong joinim ol trei bilong kar na stretim ol Caterpillar 789B trei we i save karim ol kopa i go long masin bilong memeim ol em wok tru bilong mipela," Mista Yokim tok.

"Tu mipela i save stretim trei bilong ol olpela 789B. Long wokim dispela wok, ol i save rausim ol olpela kapa we i stap long ol trei na putim nupela long senisim ol. Dispela kain wok mipela i ken wokim insait long tupela wik," Mista Yokim tok.

Mista Yokim tok long nau, ol nambawan fopela nupela trei we ol i bin joinim na wanpela we ol i bin stretim i wok long wok yet na i no bagarap.

"Dispela i soim tru kain save mipela i gat bilong wokim kain wok," Mista Yokim tok.

Mista Yokim tu tok ol wokman bilong TIL i soim tru olsem ol inap long wok na i bin wokim wok gut tru olsem na kampani i amamas tru long ol.

"Mipela i laik tok amamas long gupela wok em ol wokman bilong mipela olsem Takai Kolalyo, jenerel menesa; Mista Toua Matap, menesa projek Enjiniaring Divisen; Albert Hguapi, Bilding na Mentenens; na Reks Lipu wantaim ol wokman bilong em long sait bilong edministresen. Sapos ol i no bin stap, mipela i no inap kamap olsem," Mista Yokim tok.

Tu em i salim tok amamas bilong TIL i go long OTML menesing dairekta, Mista Roger Higgins na ol wokman bilong main long gupela halivim ol i bin givim long em.

"Mipela laik tok tenk yu long Mista Roger Higgins, menesing dairekta long larim mipela long kisim kontrak; Mista Rick Love, eksekutif menesa main mentenens na ol wokman bilong em; Mista Kepas Rop, menesa fainens na ol wokman bilong em; na Mista Clam Chabanoff na Mista Mike Schafer bilong lojistiks.

"Sapos yu i no bin halivim mipela, mipela i no inap kamap olsem nau.

"Mipela i amamas long stap wantaim yupela. Na mipela i sambai tasol long gupela wok kamap em i ken kamap namel long yupela na mipela long ol yia i kam."

TIL tu i save wokim wok mentenens long ol dril, greda na D11N tit bilong ol dosa, febriksen long ol tawa bilong pawa na ol jenerel mentenens long krassa taim em i no wok.


Hastings Deering



Presents the

WORK CREW

Toughest on Earth



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL

RABAU



Wokim Wok Yet...


Ok Tedi Bisnis Saplimen

Ol piksa nambaut bilong ol bisnis long Star Maunten...



□ (Hankais) KIUNGA Maket.

□ (Hansut) OL Gred 8 sumatin bilong Tabubil Haiskul i sindaun na harim toktok i kam long ol lain bilong Rot Sefti.



LOOK OUT AND SURVIVE THIS DRIVE

TRAFFIC - SINGAPORE

BE CAREFUL! STOP IN TO STAY ALIVE! WE CAN SAVE YOUR LIFE!

WEATHER, ROAD AND ROAD LIGHTS

DRIVING SPEEDS AND TRAFFIC

TRAFFIC SIGNALS

OTHER VEHICLES

CARAVANS

PEOPLE AND ANIMALS


WET AND SLIPPERY ROADS

TRUCKS AND LOADS

WEATHER

TO ENJOY AND SURVIVE THIS DRIVE FOLLOW THE ROAD SIGNAGE AT ALL TIMES


□ OL wokman bilong KTpumbing i wok long putim ol sain bilong rot sefti klostu long Tabubil. Dispela em hap wok bilong ol lain long rot sefti long toksave long ol man husat i save yusim rot long lukaut gut na draiv.



□ BENJAMIN (han kais) na Josep Dagi wantaim Roger Gwapit (namel). Tupela mangi ya i bin go long buk stoa bilong Roger long baim pensol na sispop wantaim kola. Mista Gwapit i bin stap olsem wan-pela tisa long 18 krismas tasol bihain em i lusim dispela wok long statim bisnis bilong em yet. Em i bilong ples Ieran long Lowa Ok Tedi.




Mighty Good, Mighty Affordable, Mitre Homes



VILLAGE HOMES or REMOTE AID POST

TRADE STORE or OFFICE

DOUBLE CLASSROOM or FAMILY HOMES




DORMITORIES or HEALTH CENTRES

LARGE FAMILY or SMALL FAMILY


COASTAL or HIGHLANDS

MITRE HOMES are MIGHTY GOOD





Let Mitre Homes manufacture a kit home for you. Easy to erect with wide range of options for now or easily added later:

Easily transported to your site throughout PNG



Mitre Homes meet the requirements of most financial lending organisations.

To find out just how easy and affordable it is to own your home give the Mitre Homes team a call on




Lae
Phone: 472 4881
Fax : 472 2062

Port Moresby
Phone: 325 8133
Fax : 311 2120

Wokim Wok Yet ...

Ok Tedi Bisnis Saplimen



□ ROBIN Ette (baksait long wait meri) i kisim sampela lain NGO long Amerika i go lukluk raun long Not Fali Raba fektori long Kiunga. Dispela fektori i save wokim ol raba em ol lain long Not Flai i save salim i go long ol.

FRDT go pas long planim raba

SAPOS yu no bin go klostu o insait long wanpela raba fektori, yu bai i no inap long save long wanem samting i stap insait.

Tasol sapos yu bin go insait long wanpela, yu bai save olsem smel bilong fektori i no gutpela.

Man mi klostu traut taim mi bin i go long lukim Not Fly Raba Fektori long Kiunga.

Mi kisim taim stret tasol ol wokman bilong fektori i kilim skin yet long wok. Ol i wok olsem ples i smel nais.

"Bihain long sampela taim bai yu i no inap wari tumas long dispela smel," Angkol Toby tokim mi taim em lukim olsem mi kisim taim stret.

Mi no save sapos toktok bilong Angkol Toby bai i karim kaikai tasol dispela fektori we em i karim mi i go long lukim em asples bilong wanpela bikpela agrikalsa wok em OTML i wok long karim aut long Westen Provins.

OTML i lukim olsem bihain long main i pas, ol pipel bilong Westen Provins bai i no gat rot bilong kisim mani olsem na ol i wok long traime na halivim ol long kamapim raba.

Dispela wok bilong OTML em Flai Riva Developmen Tras i save wokim.

Wanpela wokman bilong Flai Riva Developmen Tras, Mista Robin Ette husat i karim mi i go long fektori tok dispela raba fektori em FRDT i gat 50 pe sen insait long en na narapela 50 pe sen i stap long han bilong Progress Pty Ltd.

Mista Ette tok long nau, i gat olsem 2251 asples man husat i wok long planim na wok long raba.

Long 1995 i kam inap nau, raba ol dispela lain i bin planim na fektori bilong ol i wokim i kamap olsem 7,619 milien kilogrem. Ol i bin salim dispela na kisim samting olsem K2.936 milien.

Wok em FRDT i wok long wokim long planim planti moa raba i stap insait long wanpela program we ol i traime long planim olsem 300 hekas raba insait long wanwan yia.

"Long 1999, 350 manmeri i katim bus bilong planim raba long graun olsem 300 hekas," Mista Ette tok.

Long gavman long wokim kain wok olsem em i hat tru bilong wanem Westen Provins em narakain provins. Hap bilong em i gat ol bikpela maunten na hap em tais ples.

Tasol taim ORML statim FRDT na ol i bin stat long karim aut ol kain developmen projek olsem, kain wok i bin kamap isi.

Dispela samting i bin kamap bilong wanem as tingting bilong FRDT em bilong halivim ol ples long kamapim ol samting olsem ol rot, skul, hausik na ol narapela samting bilong halivim ol manmeri long ples. Narapela wok bilong ol tu em bilong painimaut wanem kain developmen wok i ken kamap gut long hap na traime long kirapim.

Dispela stori biog raba em wanpela stori tasol long ol kain wok bilong FRDT. Tasol wantaim raba we i bin kamap insait long Westen Provins klostu olsem 30 yia, FRDT i save olsem em i wanpela samting we i ken halivim na lukautim ol pipel taim main i pas.

Ol raba ol wokim long Not Flai Raba Fektori em ol i save salim i go long ol kantri olsem Australia, Yurop na Not Amerika.

Nupela rot bilong kisim raba

I NO longtaim bambai ol lain husat i save planim ol raba long Not Fali eria insait long Westen Provins bai luksave long wanpela nupela rot bilong kisim planti raba long diwai wantu tasol.

Dispela teknik o we ol i kolim long RIM flo teknik na ol i bin statim long Raba Risets Institut long Malaysia

Dispela teknik i save halivim ol raba famas long kisim planti wara long ol diwai na i no nidim ol man long stap long pela taim long ol raba plentesin tumas. Long wanpela dei ol famas i mekim ol arapela wok bilong tasol ol na ol bai nap long kisim planti wara long ol diwai yet na ol i havestim ol latex o wara bilong diwai tupela taim long wanpela dei. Ol olpela teknik i save kisim olsem tupela dei long kisim planti latex o wara bilong ol diwai.

Dispela teknik i larim ol famas long kisim wara long ol bikpela diwai, krismas bilong ol i olsem 15. Ol i save putim wanpela injeksin o sut i go insait long wanpela bek we i save hangamap long diwai. Dispela i save mekim na wara bilong diwai i ron hariap i nap long 8-pela awa long wanpela dei na i nap long pulmapim tripela i go nap long fopela lita kap long wanpela dei.

Dispela RIM teknik i save yusim tasol 1/8 i go nap long 1/16 long bodi bilong diwai na i min olsem yu ken yusim sem diwai long kisim raba long neks haves taim.

Na taim skin bilong diwai i so yet long wanpela sait yu ken wok long arapela sait bilong diwai.

Long ol ekprians lam ol i ken kisim wara long ol planti diwai. Ol man husat i save stret ol i ken kisim long 500 i go i nap long 800 pela diwai na

ol dispela husat i no ekprians tumas em 100 i go nap long 150-pela diwai.

Tasol wanpela dispela nupela teknik yu tingim tasol tripela tu lita cap long wanpela wanwan diwai na long wanpela raun yu ken pinisim olsem 200pela diwai.

Dispela em sikspela lita long wanpela diwai long wanpela dei na sapos yu momotim yu bai kisim olsem 1200 litas long wanpela dei. Wantaim olpela stail long kisim 1200 litas em bai mas mekim tripela raun tasol wantaim nupela teknik yu ken kisim planti tru.

Wanpela grup bilong Not Fly Raba i bin go long Malaysia long stat bilong dispela yia long sekim dispela teknik. Taim ol i kam bek ol i traime dispela teknik.

Ol lain arapela projekt long Sentrol provins i wok long yusim dispela teknik nau.

S&B ENGINEERING

PTY. LIMITED

Specialised in:

Electrical

- * Mining, Industrial, Commercial, Domestic
- * High/Low Voltage Cable Joint & Termination
- * Solar Power
- * Motor, Generator
- * Instrumentation
- * PLC Control
- * Low Voltage Rectification
- * Labour Supply
- * Electronics

Mechanical

- * Construction
- * Fabrication
- * Welding
- * Rebuild Equip
- * Mechanical Service
- * Tyre Repairs
- * Auto Electrical
- * Rubber Lining
- * Plumbing

Building

- * Construction
- * Maintenance
- * Civil
- * Plumbing
- * Water Supply
- * Labour Supply

P. O. Box 448, Tabubil
Western Province, Papua New Guinea

Telephone: (675) 548 9797

Facsimile : (675) 548 9797



OTML - TAX CREDIT SCHEME INFRASTRUCTURE DEVELOPMENT PROJECTS EXPRESSION OF INTEREST (Ref TC2001)

For work executed under the Tax Credit Scheme, OTML is seeking to prequalify contractors' construction companies who would be willing and have the potential to carry out engineering and construction work on a diverse range of projects a various sites in the Western Province.

PROJECTS AND LOCATIONS

Types of projects and specific project locations referred to are as follows:

KIUNGA AREA

KIUNGA TOWN PRIMARY SCHOOL

*	Double classroom high set	2 off
*	TCS L40 Type houses	4 off
*	Administration building	1 off

KIUNGA GRETUTU PRIMARY SCHOOL

*	Double classroom high set	1 off
*	TCS L40 Type houses	2 off

NINGERUM AREA

*	Double classroom high set	2 off
*	TCS L40 Type houses	4 off
*	Double storey dormitory building	2 off

DARU AREA

*	Airport Terminal building	1 off
*	Surveillance building	1 off

TABUBIL AREA

*	Wangbin community school - double classroom - high set	1 off
*	Finalbin community school Double classroom - high set	1 off

BALIMO AREA

*	Balimo Town Primary School - double classroom, high set	2 off
*	Balimo Technical College Technology buildings - double storey	2 off
*	Balimo Airport Terminal building	1 off
*	Balimo Town Power Supply extension	1 off
*	Balimo Town Water Supply upgrade	1 off
*	Balimo Hospital Morgue building	1 off

EXPRESSION OF INTEREST

All interested companies are requested to forward the following information to OTML for evaluation and selection of contractors and companies to participate in tendering for these works.

- i) Company profile, including key personnel information, list of current assets in particular tools and equipment, etc.
- ii) List of projects undertaken, nature of contract and value.

- iii) Proof of certificates of compliance with the Taxation department.
- iv) Proof of Insurance covers for workers compensation and public liabilities.

The above information has to be presented in a formal required by OTML. Contractor Requalification Forms can be collected from:

Infrastructure Development Department
Brown Haus No.2
Ok Tedi Mining Limited, Kiunga

Ok Tedi Mining Limited
Tax Credit Scheme Office, Tabubil

BHP (PNG) Limited
6th Floor Pacific Place
Cnr Musgrave St & Champion Parade
Downtown - Port Moresby
OTML office - Daru

All expressions of interest should be forwarded to OTML Contracts Administration before close of business on 30th of June, at the following address.

The Superintendent
OTML Contracts Administration
P. O. Box 1, Tabubil
Western Province
PNG

For inquires with respect to this please contact the coordinator Tax Credit Scheme on telephone number 548 3069 or by facsimile on 548 3108.

It is also important to note that more than one contractor can be engaged to work on project in an area. As such all local companies with a sound financial base operating in any of these areas are encouraged to lodge expressions of interest.

Priority for consideration will be given to companies in the Western Province. Companies outside of the Western Province are also encouraged to lodge interest, however OTML is encouraging as much local participation that may require companies outside of the Western Province to enter into a joint venture arrangement with a local group in the province.

This exercise does not guarantee any company a contract with OTML. Those companies who meet the criteria above will be eligible to tender or participate in tendering for any of these works.



OTML - TAX CREDIT SCHEME INFRASTRUCTURE DEVELOPMENT PROJECTS EXPRESSION OF INTEREST (Ref TC2002)

Under the Tax Credit Scheme, OTML endeavors to upgrade Kiunga town water supply and the Sewerage system. As such OTML is seeking to prequalify Engineering Consultants/Companies who would be willing and have the potential to carry out engineering design and coordinate project implementation work on these projects.

NATURE OF WORK

The nature of work involved under this scope would include the following:

A) Kiunga Town Water Supply Upgrade Project

- Review current water supply system.
- Carry out tests on water quality.
- Collect all relevant data, perform design calculations to upgrade the system.
- Produce all engineering drawings and workshop drawings.
- Prepare project execution plan and technical specifications to tender the works.
- Call Tenders for the construction works.
- Manage the project upon award of contract.
- Report to Coordinator OTML Tax Credit Scheme on the progress on the weekly basis.

B) Kiunga Town Sewerage System Upgrade Project

- Review current Sewerage disposal and treatment system.
- Collect all relevant data, perform design calculations to upgrade the system.
- Produce all engineering drawings and workshop drawings.
- Prepare project execution plan and technical specifications to tender the works.
- Call Tenders for the construction works.
- Manage the project upon award of contract.
- Report to Coordinator OTML Tax Credit Scheme on the progress, on a weekly basis.

EXPRESSION OF INTEREST

All interested companies are requested to forward the following information to OTML for evaluation and selection of contractors and companies to participate in tendering for these works.

- i) Company profile, including key personnel information, list of current assets in particular tools and equipment, etc.
- ii) List of projects of similar nature undertaken, nature of contract and value.
- iii) Proof of certificates of compliance with the Taxation department.
- iv) Proof of Insurance covers for workers compensation and public liabilities and professional indemnities.

The required information has to be presented in a format required by OTML. Contractors Prequalification Forms can be collected from:

Infrastructure Development Department
Brown Haus No.2
Ok Tedi Mining Limited
Kiunga

Ok Tedi Mining Limited
Tax Credit Scheme Office
Tabubil

BHP (PNG) Limited
6th Floor Pacific Place
Cnr Musgrave St & Champion Parade
Downtown, Port Moresby
OTML Office - Daru

All expressions of interests should be forwarded to OTML Contracts Administration before close of business on 30th of June, at the following address.

**The Superintendent
OTML Contracts Administration
P. O. Box 1, Tabubil,
Western Province
PNG**

For inquires with respect to this please contact the coordinator Tax Credit Scheme on telephone number 548 3069 or by facsimile on 548 3108.

It is also important to note OTML would be particularly interested in companies or those companies who have individuals who are proficient in preparing design calculations and drawings in the field of water supply and treatment and sewerage system design.

Priority for consideration will be given to companies in the Western Province. Companies outside of the Western Province are also encouraged to lodge interest however, OTML is encouraging as much local participation that may require companies outside of the Western Province to enter into a joint venture arrangement with a local group in the province.

This exercise does not guarantee any company a contract with OTML. Those companies who meet the criteria above will be eligible to tender or participate in tendering for any of these works.

OTML Faia na Reskiu tim kisim bik nem long Kwinslen



Dispela foapela lain nogut bilong Faia na Reskiu dipatmen long OTML i putim gut nem bilong OTML antap long wanpela resis ol kolim Kwinslen Faiafaiting resis long Not Kwinslen yet.

FAIA na Reskiu tim bilong OTML i kisim gutpela toktok bihain long ol i bin soim stret stail bilong ol long sait bilong wok

bilong ol long wanpela resis ol kolim long Not Kwinslen Faiafaiting resis long Australia. Menesing Dairekta

bilong OTML Roger Higgins i salim tok hamamas bilong em long fopela wokman bilong OTML Faia Reskiu tim husat i

kamap 12 insait long resis we 17 tim insait long Not Kwinslen Oksileri Faia Reskiu Sempionship i bin kamap long Cairns.

"Mi salim tok hamamas bilong mi i go long ol lain husat i bin stap insait long resis long gutpela wok ol i wokim long makim Ok Tedi long resis na long wok-about bilong ol long hap," Mista Higgins i tok.

Dispela sempionship i bin kamap long mun Me namba 6 igo long namba 7 de.

Trening na Administreta bilong OTML Faia, Mista Tim Young tok long namba wan de bilong resis, ol man bilong Ok Tedi i bin kamap long namba tri ples long resis wantaim ol samting bilong kisim win. Tu olgeta lain husat i bin stap long skelim ol wanwan tim i bin hapim stret wok bilong ol.

"Bihain long pinis bilong resis we i bin

kamap long tupela de, tim bilong OTML i bin kamap 12 long resis we 17 tim olgeta i bin stap. Ol narapela lain husat i bin stap insait long resis i bin tok olsem ol lain man bilong OTML i bin wokim gut tru na ol i bilip olsem ating long bihain taim, ol bai i kamap antap liklik.

"Ol man i raun gut tru long wokabout bilong ol na tu long resis na makim gut tru OTML."

Mista Young tok QFRA Komisina, Brendan Doyle bin toktok long taim em i pasin resis olsem "kampani bilong ol man i ken hamamas bilong wanem ol man ya i bin wokim gut tru long resis bilong ol". Ol lain ya i bin stap insait long trening na long luksave long ol wok samting long

Innisfield stesin. Dispela trening em ol lain husat save wok long san long Innisfail na saveman long sait bilong wok wantiam ol samting bilong kisim win, Mista Tom Cartledge i bin onim.

Namel long resis, ol man i senisim ol tingting bilong ol long kainkain rot we ol mesin i save wok long en na long ol kain wok bilong ol.

Long Fonde, namba 4 de bilong mun Me long siks kilok nius, ol lain husat i bin stap insait long resis i bin kamap long TV bihain long Sanel 9 WIN long Cairns i bin kisim stori bilong ol.

Piksa na stori bilong ol tu i bin kamap insait long *Innisfail Advocate* na *Atherton Advertiser*, tupela lokol nuspepa.

Karabi i go malolo

OL lain bilong Daru i mas i no save olsem wanpela sip we i save halivim ol long taim bilong ren na taim nogut i go pinis long kisim longpela malolo bilong em long las wik Mande.

Dispela sip *MV Karabi* i mama sip husat i save kisim ol kopa long ol liklik sip. em i save putim ol i stap na bihain i save i go lusim long ol bikipela sip husat i save karim ol i go ovasis.

Plantil ol wokman bilong Ok Tedi i no bin save olsem *MV Karabi* husat i bin wok longpela taim wantaim main i pinis wok.

Trutru *MV Karabi* bai go tasol ol stori bilong wok em i bin wokim long Ok Tedi main long sait bilong karim ol kopa i

go long bikipela sip bilong karim i go ovasis bai i stap yet.

Nupela sip husat i kisim ples bilong *MV Karabi* em *MV Erewan*. Las wik *MV Erewan* kisim nambawan kopa bilong em.

Long soim olsem em i redi tru long kisim ples bilong *MV Karabi*, ol wokman bilong em i no isi long wok long kisim ol kopa long *MV Erewan* na muvim i go long Almi.

Ol hangamap nambaut long bikipela kren bilong sip na mekim save stret long wok.

Ol ples sindaun na wok bilong dispela o kren em ol i wokim nais tru. Ol i luk klostu olsem ol opis stret. Ol i gat ol gutpela sia bilong sindaun, ol mesin bilong

kol wara na ol kola, tolet, ol vidio kamera na ea kondisen. Kebin tu i gat ol kompiuta bilong rekodim olgeta wok em wokim olsem hamas kago em karim, hevi bilong ol kago na wanem kain kago.

Olgeta dispela samting em kisim long hia i go stret long sip husat i kam long kisim kago na ol bai i save pinis long ol kain wok em i save wokim.

Narapela bikipela samting em dispela sip i gat long en em long han bilong em. Em i ken tromoi han bilong en i go long ol liklik sip tu husat i karim ol kopa i kam long kisim long ol na salim i go long ol bikipela sip we i save kam long kisim ol i go

ovasis. Long bipo *MV Karabi* i no save wokim dispela.

Antap long dispela, ol kompiuta bilong *MV Erewan* i wokim em kamap gutpela moa long *MV Karabi*.

"Em i narakain samting stret we i save yusim redio signal. Olsem na long olgeta taim mipela i ken save long hamas wok kren i wokim, hamas kago i stap na ples we ol kago i bai go long en," sif enjinia bilong *MV Erewan* Andy Richards tok.

Tasol kapten Martin Pitt tok long nau yet em i gutpela taim bilong skelim wok bilong em.

Em tok tru ol samting em sip inap wokim i wok long kamap isi isi tasol bihain long em i wok long sampela moa



NUPELA sip - *MV Erewan* i kisim ples bilong lapun na sip bilong wok hat, *MV Karabi*.

taim bambai ol i ken luksave gut long bun tru bilong sip bilong em.

Em tok olsem bilong wanem pastaim *MV Erewan* i wanpela bikipela sip nating tasol ol i bin stretim em long wokim dispela wok long dispela yia tasol.

"Em gutpela taim bilong skelim wok bilong sip na mipela i laik bai wok em wokim i kamap gut," em tok.

Ol wokman bilong *MV Erewan* i ting sip inap

long wokim ol wok bilong em bihain long em i bin salim 33,440 ton kopa i go long Almi. Dispela sip i gat 35 wokman tasol long taim bilong muvim kopa, dispela namba bilong ol wokman i save go antap long 40.

Longpela bilong *MV Erewan* em olsem 224.9 mita (5.24 mita moa long *MV Karabi*), namel bilong em ol 32.2 mita (17 mita moa long *MV Karabi*), na aninit bilong em i go daun

olsem 17.9 mita. Em i gat tripela kren tasol

MV Karabi i bin wok long 10 yia long Ok Tedi. Long nau yet, ol lain i no save long wanem samting bai kamap long en tasol kapten na sif enjinia bilong en i tok em i gat olsem 5 yia bilong wok i stap yet long en.

Ol i bin wokim em long Denmark long 1972 na long 1995 em i bin go long sevis long Singapore.

HEVI bilong kompyuta ol i kolim 'Y2K bag' i pinis na olgeta kompyuta i wok orait tasol. Narapela hevi long kompyuta ol i kolim 'Iloveyou' bag i kamap tasol i pinis na ol kompyuta i wok orait tasol. Olsem na wanem samting bai kamap gen?

Ol wokman bilong OTML long lokol Tabubil weahaus i winim pinis hevi bilong Y2K bag na i go ekstra rot long kamapim namba wan inventory menesmen long PNG.

Falvpela inventory control i ken menesim Ok Tedi Maining Limited (OTML) inventory gut tru, tenkyu i go long "Advent" wanpela nupela inventory menesmen sistem.

Falvpela OTML wokman bilong inventory control, cataloguing na sistem wantaim saplai dipatmen i bin kisim setifiket bihain long ol i pinisim Introductory Advent Optimiser na Statistical Inventory Control trening we Mantech Software long Australia i bin kamapim.

Bikipela senis we Advent i bin kamapim em, em i daunim plantil hevi bilong wok we mipela i ken

Wanem em Y2K?

ol oda we mipela i laik kisim (IROs), Inventory supavaisa Michael Mikhail Guba i tok.

Nau mipela i save kisim helpim gut Advent system long skelim gut na stretim ol wok.

Em i tok nau wantaim Advent, long pinis bilong olgeta mun ol i save daunim ol wok long data long MIM sistem mipela i save yusim tude na Advent i opim rot bilong data long lukluk long ol stockouts, lead times, issues transactions, mean time between demand, requisitions demand na bihain kaunim na setim nupela oda stok level.

Dispela sem data i go daun gen long MIMs wantaim nupela seting long bungim olgeta taim bilong ol opereta bilong mipela, em i tok.

Wanwan bilong olgeta wok ya em mipela i save wokim wantaim bikipela hatwok long bipo taim mipela i no kisim Advent yet bikas MIMs sistem

no inap mekim ol dispela wok.

Mista Guba i tok nau ol i ken luksave long ol wok we ino save muv, ol wok we i save wok isi isitumas, na ol arapela hevi na bungim ol i kam long wanpela poin bilong luksave na stretim gut.

Dispela i mekim na mipela i sevim plantil bikipela kos na daunim bikipela veliu bilong inventory. OTML em nau namba wan hap long PNG long sanapim Advent na 5-pela wokman nem bilong ol em: Michael Guba, Pious Kori, Des Amion, Wendy Sarpos na Bill Wangi em ol namba wan Papua Niugini lain long kisim setifiket long dispela sotwea.

Logistic Executive Manager Bill Blenkhorn taim em i givim ol setifiket i tok amamas long saplai menesa Steve Sutton na ol wokman bilong em kamapim gut tru dispela trening aninit long lukaut bilong Tony Johnston bilong Mantech husat em prinsipel Advent konsalten long OTML.

Advent sistem em ol i save yusim long ol bikipela kapital intensiv industri na tu long ol maining long

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.